

প্রকাশক—

ঐচ্ছিকচরণ বন্দ্যোপাধ্যায়

২৭, শঙ্কর হানসার লেন,

কলিকাতা—৫

দ্বিতীয় সংস্করণ—ফেব্রুয়ারী ১৯৫৬।

মূল্য ১।।০ টাকা

৪৩-এ, নিমতলা ষ্ট্রিট
কাইন প্রিটিং ওয়ার্কস্
হাইডে অম্বুপল্লব নাম
কর্তৃক মুদ্রিত।

ভূমিকা

গল্পাংশেব দিক দিয়া মৎপ্রণীত ‘মোগল মসনদে’ব সজ্জিত এই নাটকের কতকটা সাদৃশ্য লক্ষিত হইবে। কিন্তু বস্তুতঃ বিক্রমাদিত্য একখানি নূতন নাটক।

এই নাটকের অভিনয়কে সাক্ষাৎমণ্ডিত করিবার জন্য মিনার্ভা থিয়েটারের কর্তৃপক্ষ প্রভূত প্রয়াস পাইয়াছেন। পরিচালক নটশেখর নবেশচন্দ্র মিত্র, নটস্বর্ঘ্য অহীন্দ্র চৌধুরী এবং সঙ্গীতাচার্য্য শ্রীকৃষ্ণচন্দ্র দে’ব সমবেত প্রযত্নেই ‘বিক্রমাদিত্য’ এতখানি জনপ্রিয়তা অর্জনে সমর্থ হইয়াছে। তাঁহাদের সকলেরই নিকট আমি কৃতজ্ঞ।

মিনার্ভাব্যবস্থাপক, শিল্পী ও কণ্ঠী সকলকেই আমি ধন্যবাদ জ্ঞাপন করিতেছি—তাঁহাদের অকুণ্ঠ সহযোগিতাব জন্ত।

নাট্যকার

শ্রীমৎকুমারচন্দ্র মিত্র

উৎসর্গ

সং সাহিত্য প্রচার ব্রতী,
অশেষসদৃশ সমলঙ্কৃত, মদীয় পরম শুভানুধ্যায়ী

শ্রীসুবোধচন্দ্র সুর

মহাশঙ্কর কল্পকমলে

এই নাটকখানি সাদরে উপহার দিলাম

—নাট্যকার—

চরিত্র-পরিচয়

পুরুষ

যশোধৰ্মন (বিক্রমাদিত্য)	...	উজ্জয়িনী-সম্রাট
বলাদিত্য	...	ঐ বন্ধু (অজয়গড়-অধিপতি)
মিহিরকুল	...	হন অধিনায়ক (উজ্জয়িনীৰ বাহুপাল)
ৰুদ্রদমন	}	...
ভোবামল		
কুলকণি		
মহাসেন	...	উজ্জয়িনীৰ মহামাত্য
রণদীব	...	ঐ সৈন্যাধ্যক্ষ—শিবানীবাঈয়ের পুত্র
উদয়ভান	...	ঐ সহকারী
উদ্ধব	...	বলাদিত্যেব অন্তচব
ওঙ্কাবনাথ	...	মহাকাল মন্দিবেৰ পূজারী
বিষান	..	যশোধৰ্মনেব নিষাদ অনুচর
মহাবীর	}	...
সহদেব		
রাজাবাম		

স্ত্রী

শিবানীবাঈ	...	যশোধৰ্মনের ধাত্রী
উর্মিলা	...	তক্ষশিলার রাজকন্যা
চন্দ্রা	...	বলাদিত্যেৰ বাগ্‌দত্তা
উৎপলা	...	নর্তকী

সংগঠন কারিগণ

স্বত্বাধিকারী	...	মিনার্ভা লিমিটেড
নাট্য-পরিচালক	...	ত্ৰীনৱেশ চন্দ্ৰ মিত্ৰ
স্বৰ-সংযোজক	...	ত্ৰীকৃষ্ণচন্দ্ৰ দে
নৃত্য শিক্ষক	...	ত্ৰীগোপাল পিলাই ও ত্ৰীৱতন সেনগুপ্ত
ব্যবস্থাপক	...	ত্ৰীগৌৰদাস বসাক
পৰ্য্যবেক্ষক	...	ত্ৰীবক্ৰিম দত্ত
স্বাৱমোনিয়ম বাদক	...	ত্ৰীৱতন দাস
তবলা বাদক	...	ত্ৰীকাৰ্ত্তিক মল্লিক
পিয়ানো বাদক	...	ত্ৰীকুমুদ ভট্টাচাৰ্য্য
ক্ল্যাবিওনেট বাদক	...	ত্ৰীমথুব শেঠ
ক্লুট বাদক	...	ত্ৰীঅনিল বোস
ট্ৰাম্বেল বাদক	...	ত্ৰীবসন্ত দাস
বেহালা বাদক	...	ত্ৰীনাৱায়ণ বসাক
স্বাৱক	...	ত্ৰীশচীন ভট্টাচাৰ্য্য

ত্ৰীযোদ্ধকুমাৰ মুখোপাধ্যায়

ৰূপসজ্জাকৰ :—ত্ৰীবাদল গাঙ্গুলী, ত্ৰীঅমূল্য দাস,

ত্ৰীকালীপদ দাস, ত্ৰীবিজয় ঘোষ ও

ত্ৰীবিজয় পোড়ে।

প্রথম অভিনয় রজনীর অভিনেতৃগণ

পুরুষ

বিক্রমাদিত্য (যশোধর্মন)	... শ্রীশুশীল রায়
বলাদিত্য	... শ্রীঅজিত বন্দোপাধ্যায়
মিহিরকুল	... শ্রীঅহীন্দ্র চৌধুরী
মহাসেন	... শ্রীকুঞ্জ সেন
রুদ্রদমন	... শ্রীবিভূতি দাস
ভেরামল	... শ্রীবিমল ভৌমিক
কুলকর্ণি	... শ্রীগোবিন্দ আচ্য
রণধীর	... শ্রীসন্তোষ সিংহ
উদয়ভান	... শ্রীসুধীর চন্দ্র সোম
উদ্ধব	... শ্রীনবেশ চন্দ্র মিত্র
ওঙ্কারনাথ	... শ্রীকৃষ্ণচন্দ্র দে (অঙ্কগায়ক)
বিমান	... শ্রীমিলন কুমার দত্ত
মহাবীর	... শ্রীম্যালকম
মহদেব	... শ্রীস্বর্ঘ্য সেন
রাজারাম	... শ্রীনকুল গাঙ্গুলী

স্ত্রী

শিবানী বাঙ্গ

শ্রীমতী রাণীবাবা

উর্শ্বলা

শ্রীমতী রাণী ব্যানার্জী

চন্দ্রা

শ্রীমতী মুকুলজ্যোতি

উৎপলা

শ্রীমতী সীতাদেবী

সামন্তগণ, দৌবারিক, সৈনিকগণঃ—

শ্রীগিরি ঘোষ, তরেন গোস্বামী, অমিয় কর, অরিন্দ চট্টোপাধ্যায়,

সুধেন্দু বোস, যুগল অধিকারী, নীলবতন ভট্টাচার্য্য,

অমর ভট্ট, অমূল্য মিত্র ইত্যাদি

দেবদাসীগণ ও নর্ত্তকীগণ—

শ্রীমতী প্রফুল্লবালা, প্রভারানী, রাধারানী, পরীরানী, বীণা দাস, রানু বোস

রুক্ষভামিনী, ছললীবালা, লীলাবতী, সন্ধ্যারানী, আরতি সেন,

উমা দত্ত, শেফালী সেন, চামেলী সেন, শেফালী বোস,

পূর্ণিমা মিত্র, ভ্যোৎস্না মিত্র, গীতা সাহা, লক্ষ্মীপ্রিয়া,

নির্ম্মলা, মালতী, নমিতা, লক্ষ্মীমণি,

রেণুবালা (সুখ) ইত্যাদি



নেটজীয়া সুভাষ চাণ্ডা



নেটজীয়া সুভাষ চাণ্ডা



সুখাৰুণী শ্ৰীমতী সীতা দেৱী

প্রথম অঙ্ক

প্রথম দৃশ্য

উজ্জয়িনী-মহাকাল মন্দির । কাল সন্ধ্যা ।

[ওঙ্কারনাথ আরতি করিতেছিলেন । দেবদাসীগণ করিতেছিল আরতি গুণ্য]

গান ।

হে দেবতা !

এই কালো রূপ দেখতে নারি, নাবীর শোনো মনের কথা,
বজ্রতর্গিবি মূর্ত্তিখানি রা'থলে কোথায়, হে দেবতা ?
ঢল ঢল সেই মূ'খানি, কণ্ঠে নীলের বেখা,
ললাটে সেই সোণার বরণ আধেক চন্দ্রদোণা,
কালো শিলায় মিলবে কোথায়, বল বল সেই বাবতা ।
বেহু কপেরি লাগল চমক উমারাণীর চো'খে,
কেন গোপন, হে ত্রিনয়ন, না দেখি তিন লোকে ?
সেই স্বরূপে অকপ বতন দেখব ব'লে আকুলতা !

[দেবদাসীগণের গাহান । ওঙ্কারনাথ নীচে নামিয়া সমবেত জনতাকে
শান্তিজল এদানে উদ্ভত হইলেন ।]

মহাবীৰ । দাও বাবা দাও, তোমার ঐ শান্তিজলে যদি অশান্তি
আমাদের এক ভিলও কমে, হাঁফ ছেড়ে বাচি একটু ঠাকুর !

সহদেব । ঘর সংসার কবা দায় হ'ল বাবাঠাকুর ! জনেদের
অত্যাচানে—

রাজারাম। আরে চুপ্ চুপ্—

ওঙ্কার। হাঁ, চুপ করাই ভাল বাবা! সবাই সব জানি আমরা, সাহস নেই মুখে বলবার। ভগবান শঙ্করকে প্রার্থনা জানাও—রাজা যেন দেশের শাসনভার নিজের হাতে নেবার শক্তিশাল্য করেন অচিরেই—

সহদেব। মহারাজ স্বর্গে গেলেন, ভালই ক'রলেন, কিন্তু যাবার বেলায় দেশের শত্রু মিহিরকুলের হাতে রাজ্য সমর্পণ ক'রে গেলেন যে কোন্ বুদ্ধিতে—

সকলে। আরে চুপ্ চুপ্—

সহদেব। কথা বলতে গেলেই তোরা চুপ্ চুপ্ ক'রবি? সত্যি কথা বলবার ত সাহস নেইই তোদের, সত্যি কথা শুনেও ভয়? তোদেব জায়গা হ'ল,—নগরে নয়, জঙ্গলে! জঙ্গলে! (প্রস্থান)

ওঙ্কার। সহদেব রাও অত্যন্ত উত্তেজিত হ'য়েছে দেখছি। উত্তেজনার কারণ সত্যি আছে, কিন্তু দেনস্থানে ও আলোচনা না হওয়াই ভাল।

মহাবীর। রাজসভাতেও ত আলোচনা নিষিদ্ধ! রাজা আর দেবতা, দীন দুঃখীর আশা ও ভরসা এই দুইয়েরই উপর। দু'জনাই যদি মুখ ফেরান, আমরা তবে দাঁড়াই কোথায়? চল হে চল—

(সকলের প্রস্থান)

ওঙ্কার। এরা তবে দাঁড়ায় কোথায়? এ প্রশ্নের উত্তর কে দিতে পারে?

(উৎপলার প্রবেশ)

উৎপলা। দিতে পারি আমি—দাঁড়াবে ওরা নিজের পায়ের উপর!

ওঙ্কার। নিজের পায়ের ওপর? বলা সহজ! (চাস্ত)

উৎপলা । আপনি হাসছেন ! কিন্তু সব সত্যেব চরম সত্য এই শুধুন ঠাকুর, নিজের পায়ে ভর দিয়ে যে দাঁড়াতে শেখেনি, তা'ব দাঁড়াবার ঠাই রাজাও দিতে পাবেন না, পাবেন না দেবতাও ।

ওঙ্কার । তুমি কি উৎপলা ?

উৎপলা । (হাসিয়া) চিনেছেন তাহ'লে ! আমি সেই পানীবসী উৎপলাই বটে ! (প্রণাম)

ওঙ্কার । কল্যাণ হ'ক, কোথা'য় ছিলে তুমি ?

উৎপলা । কোথা'য় ছিলাম না ? ইরাণে, তুরাণে, মিশরে, চীনে—

ওঙ্কার । কী ক'বলে সেখানে ?

উৎপলা । যা এখানে ক'বতাম ! নাচ, গান, লাস্য, বিলাস—

ওঙ্কার । এখানে ক'বতে দেবতা'ব মন্দিবে !

উৎপলা । অল্প ক'রেছি মাহুঘের মন্দিরে ! স্থান পরিবর্তনের দরুণ উপকৃতই হ'য়েছি আমি । কোটী স্বর্গে'ব অধিকারিণী আমি আজ । যে-আমি এক কণা অন্ন'ব জন্ত মুখাপেক্ষী ছিলাম—মন্দিরের ভাঁড়াবী'ব ।

ওঙ্কার । তা, উপার্জন কি স্বর্গ ই ক'রলে শুধু ?

উৎপলা । আর কী ক'রব ?

ওঙ্কার । সুখ ?

উৎপলা । সুখ ?

ওঙ্কার । তুমি নীরব ! সুখ তুমি পাওনি ! তবে গেলে কেন উৎপলা ?

উৎপলা । না গেলে সুখ পেতাম ?

ওঙ্কার । কেউ কেউ পেয়েছে !

উৎপলা । দেবতার দয়ায় ?

ওঙ্কার। নিজের সাধনায়! সাধনাতেই পাওয়া যায় অবশ্য দেবতার দয়া! এখানে সেই সাধনাই শুরু হ'য়েছিল তোমাব!

উৎপলা। সে-সাধনাতেই টিকে থাকতে পারতাম হয়ত, অল্প দেব-দাসীদের মতই, যদি ভাঁড়ারী ঠাকুর খেতে দিতেন পেট ভ'রে! সিদ্ধির আশায় উপবাস আমার ধা'তে সইল না।

ওঙ্কার। কিন্তু সিদ্ধির জন্য উপবাসই প্রয়োজন। স্ত্রের জন্য প্রয়োজন সংযম। প্রিয়কে পেতে হ'লে নিবৃত্তিমার্গ ভিন্ন অন্য পথ নেই। তুমি দেবতা প্রণাম ক'রতে এসেছ বোধ হয়? প্রণাম ক'রে নিজস্বানে বাও বৎসে! আমায় নিভূতে থাকতে দাও একটু!

উৎপলা। হাঁ, জ্ঞানি! এ আপনাব ধ্যানের সময়—

ওঙ্কার। এস তবে—(গুজা বেদীর দিকে অগ্রসর)

[উৎপলা মহাকালকে প্রণাম করিয়া উঠিয়া দাঁড়াইতেই দেখিল

বলাদিত্য প্রবেশ করিতেছে।]

বলাদিত্য। প্রভু কোথায়?

উৎপলা। কোথায় যে প্রভু, কে তা ব'লে দেবে? সান্না পৃথিবী খুঁজে এলাম রথাই!

বলাদিত্য। পাগল না কি?

ওঙ্কার। (বেদী চইতে) বলাদিত্য?

বলা। প্রভু!

ওঙ্কার। এদিকে এস—(বলাদিত্য উপরে উঠিয়া গেলেন)

উৎপলা। ইরাণে পাইনি, মিশরে পাইনি, পাইনি চীন বা উত্তর কুরুবর্ষে! বীর দেখেছি, সুন্দর দেখেছি, মহৎও দেখেছি। দেখিনি কেবল প্রিয়কে!—এ কিন্তু উদাসীন! ধরণীর নব-উর্দ্ধলী উৎপলার দিকে

ভাল ক'বে চোখ মেলে চাইলে না পর্যাস্ত । কিঙ্ক-হাঁ, আমি
চাওয়া'তে জানি—

গান ।

ও উদাসী সন্ন্যাসী !

কনকচাপা কুমারী এক প্রেমকণিকার অভিলାষী ।

হিমালয়ের হিমের পুবে,

বিবহেবি করুণ স্নবে,

গৌরীনাগীর হৃদয়বাণী তোমার আশে যাব যে ভাসি ।

আপন-ভালা আশানচাবী,

সাজিবে পূজা বইল নাবী,

নিষ্ঠুর তুমি, আসবে না কি মনের ভুলে মধুর হাসি ।

দ্বিতীয় দৃশ্য

উজ্জয়িনীর রাজপথ

[পথচারিগণের সম্মুখে দাঁড়াইয়া দুইটী রমণী নৃত্য করিতেছে ।]

নৃত্য ।

(নৃত্য শেষে রমণীদ্বয়ের প্রস্থান)

মহাবীর । মেয়ে দু'টো নাচে ভালো, কিন্তু চেচাৱায় কিছু নেই—

সহদেব । নাঃ, শুকনো কাঠ একেবাবে—

রাজারাম । চেচাৱায় কিছু থাকলে কি আব ধনপৎ খুড়ো চুপচাপ দাঁড়িয়ে থাকে ওখানে ? এতক্ষণ—

সহদেব । ধনপৎ ? কই ?

রাজারাম । আরে, ঐ যে ! ঐ বাড়ীটার ছাদে ! দেখছ না ?

মহাবীর । হ্যাঁ, হ্যাঁ, ঐ ত ! তুখোড় লোক ! অষ্টপ্রহর সজাগ !

সহদেব । তা নইলে আর অত পরসা কামাতে পারে ?

রাজারাম । পরসা কামানোর কথা যদি তুললে—তবে অল্প সিংয়ের মেসোব ভাইপো—ওই যে কী নাম তার—তার কাছে ধনপৎ কিছু নয় ! এক একটী সুন্দরীর সন্ধান এনে দেয়—আর মনিবের ঠেঁয়ে পুরস্কার বাগিয়ে নেয়—তা কে জানে পঞ্চাশ, কে জানে পাঁচশো ! মাল পছন্দ হ'লে রুদ্রদমন বাও তঙ্কার তোয়াক্কা খোড়াই রাখে !

সহদেব । রুদ্রদমন আবার 'রাও' হ'ল কবে থেকে ?

রাজারাম । শুধু রুদ্রদমন কেন ? হন মাএই 'রাও' হ'য়ে গেছে আমাদের দেশে, তা টের পাওনি বুঝি ? ওরা সবাই আমাদের প্রভু, দণ্ডমুণ্ডের কর্তা, সজ্জম ক'রে কথা কইতে হবে ত !

মহাবীর। ওদেব কথা না কইলেই নয়, না কি? কিসে কি ঝগাট বাধে, কে জানে বাবা, ওদের কথা তুলবারই দরকার নেই! ধনপৎ খুড়োর কথা কও না! সে ও-দলের লোক নয়! রণধীর সিংয়ের চাকরি করে সে!

সহদেব। সে বেশ কথা! ধনপৎ খুড়োর কথাই হ'ক। তা সে-ও নোজগার কম করে না কিছু। তার মনিব হ'ল রণধীর, আব রণধীরের মা,—শিবানী দেবী। রাজাব ছেলেবেলার খাত্তী, তিনি হ'লেন গিয়ে নাজান্তঃপুরেব সর্বমণী কত্তী। প্রাসাদের যা কিছু ঐশ্বর্য—

রাজারাম। এ কথা ঠিক, রণধীর ইচ্ছে ক'রলে শিপ্রানদী ভরাট ক'বে ফেলাতে পারে, মোহর ঢেলে।

নেপথ্যে। তফাৎ, তফাৎ—

সহদেব। ওঃ বাবা, সম্রাট এত সকালে?

বাজাবাম। হেঃ হেঃ হেঃ—ব্যোধের দল নিয়ে বেরিয়ে প'ড়েছে সকাল বেলাই।

মহাবীর। কী বিটকেল চেহারা লোকগুলোর! বাপ!

বাজারাম। হ'য়েছে ভাল দেশের! রাজ্য চালাব বিদেশী ছন, দেশের রাজা যোরেন বনে জঙ্গলে—

সহদেব। কবে বাঘের খাবায় ঘাড়টি ম'টকে যাবে সম্রাটের—

মহাবীর। তা হ'লে ত মিঠিরকুলের পথের কাঁটা সঙ্গে সঙ্গেই উপড়ে যায়! বেচারীর ঝক্কারি দেখ না! রাজ্যশাসন তাকেই করতে হয়, অথচ সিংহাসনে সে ব'সতে পায় না!

সহদেব। আমি অমন অবস্থায় প'ড়লে মনের দুঃখে বনে যেতাম!

[নেপথ্যে নারীকণ্ঠে আর্তনাদ]

রাজারাম । ওকি ? ওকি ?

সহদেব । আর কি ! ও আমাদের দেখবার দরকার নেই !
ঘরে চল !

রাজারাম । ওই যে—ওই যে—ভুঁড়ি ছুলিয়ে ছুটছে লোকটা—ওই
না সেই অহুপসিংয়ের মেসোর ভাইপো—কী নাম ভাল তার ? তাই ত
বলি, দিনছপুরে রাস্তার মাঝখানে এমন ধারা কাও—বড় গাছে নাও
বাঁধা না থাকলে কি কেউ ক’রতে পারে ?

সহদেব । চল না হে ! নাহক তরোয়ালের খোঁচা খেয়ে লাভ কি ?
ওবা এদিক পানে এসে পড়ারও আটক নেই !

মহাবীর । আরে দাঁড়াও, দাঁড়াও ! ধনপৎ খুঁড়ো নেমে গেল ওদিক
পানে, দেখছ না ? এই রগড় বাধে আব কি ! মড়ার খোঁজ পেলে
বন থেকে বেবোয় শেয়াল, আকাশ থেকে নামে শকুন ।

রাজারাম । দাঁড়াও, দাঁড়াও ! আমাদের বিরিকি সিং আসছে
ঝাংড়াতে ঝাংড়াতে ! ওর কাছে পাওয়া যাবে খাঁটি খবর !

(বিরিকির প্রবেশ)

বলি—বিরিকি ভাই—ব্যাপারখানাটা কি ওদিক পানে ?

বিরিকি । দিনে দিনে হ’লো কি তাই ভাবছি ! ওঃ, খোঁড়া পা-
গানা টাটিয়ে গেছে—ছুটে পালাতে গিয়ে !

মহাবীর । কেন ? কেন ? কেন ?

বিরিকি । বলাদিত্য রাজার দেশের লোক, একটা মেয়ে রে ভাই !

সকলে । বলাদিত্য রাজা ? আঁ ? বলাদিত্য ?

বিরিকি । মেয়েটার বরাতের ফের ! সহরে ঢুকতেই প’ড়ে গেল
বাঘের মুখে ।

মহাবীর । সাথে লোকজন ছিল না ?

বিরিঞ্চি । ছিল না ? পাল্কির বেহারা ছিল এক পাল । তাবা খোলা তলোয়ার দেখেই দৌড় দিলে ভেড়ার পালেব মত । সিপাহী ছিল কয়েকজন—

সহদেব । তারা খুন হ'ল বোধ হয় ?

বিরিঞ্চি । পা'টা বড্ডই টাটাচ্ছে রে ভাই । আমি বাড়ীর দিকেই—
রাজারাম । বলাদিত্যের দেশেব মেয়ে, বলাদিত্যকে খবর দিলে
এলেই হ'ত । তাহ'লে তাবই লোক এগিয়ে আ'নতে পা'রত গিয়ে ।

বিরিঞ্চি । (যাইতে যাইতে) বরাতেব ফের ! (প্রস্থান)

মহাবীর । এই—এই—ছুটে এস এদিকে !—দেখছ না ?

[সকলের ছুটিয়া অন্তরালে গমন]

(রণধীর ও উদয়ভানের দ্রুত প্রবেশ)

রণধীর । দিন ছপুবে রাস্তায় হল্লা—এ কী ? উজ্জয়িনী কি অরাজক
নাকি ? উদয়ভান ! সিপাহী ভেজে পাঁচাশঠো ! এসব দাঙ্গাবাজ
লোককে ধ'রে এফুনি আমরা কারাগারে পাঠাব !

উদয় । আলবৎ ! (প্রস্থান)

[নাগরিকগণ অত্র সর হইয়া আসিল]

মহাবীর । শুনলে ? শিবানীবাঈয়েব ব্যাটা—বুকের পাটাই আলাদা !

সহদেব । ওরে, ওরে, 'রেস পড় আবার—স'রে পড়—

রাজারাম । সৰ্কনাশ ! এ যে রুদ্রদমন—সশরীরে—

[সকলের অন্তরালে গমন]

নেপথ্যে রুদ্রদমন । ঠ্যারো, ঠ্যারো উল্লু ! ভাগো মৎ !

(সৈনিক ও কুলকর্ণি সহ রুদ্রদমনের প্রবেশ)

রুদ্র । কোথায় গেল লোকগুলো ? —ঐ যে—ঐ যে—

[কুলকর্ণি নাগরিকগণকে ধরিয়ে আনিল]

এইও উল্লুক ! কুছ দেখা ? এই দিক পানে একটা নারীর আর্ন্তনাদ শোনা গেল যেন ?

কুলকর্ণি । কুছ দেখা ? কুছ দেখা ? জলদি বোলো !

সহদেব । দেখা ! রাও বাহাদুর ! দেখা ! দেখা ! ওই অতুপ-সিংয়ের মেসোর ভাইপো—কী নাম ভাল তার—সে একটা স্ত্রীলোকের চুলের মুঠি ধ'রে—

রুদ্র । আর তোরা ভেড়ির মত দাঁড়িয়ে বইলি ? নারীব অমর্যাদা চোখে দেখেও—কুলকর্ণি ! এরা জানোয়ার ! এক এক জনাকে তিন তিন লাথ্ লাগাও, তারপর সব চালান কর কারাগারে—

[নাগরিকগণ “রাও বাহাদুর, রাও বাহাদুর”—কলরব করিতে করিতে

পলাখন করিল । সৈনিকেরা পশ্চাদ্ধাবন করিল ।]

রুদ্রদমন । ওই না রণধীর আসে ? আর তার পেছনে—

কুলকর্ণি । পরী—সেনাপতি—পরী !

রুদ্র । পরী আর গুণ্ডা সব আমরা কারাগারে চালান করব একসাথে ।

কুল । তা'ত ক'রবই ! কিন্তু রণধীর সিংয়ের সঙ্গে একটা বিবাদ—সামনা সামনি—

রুদ্র । (ক্রুদ্ধ স্বরে) কুলকর্ণি !

কুল । মার্জনা ক'রলেন সেনাপতি ! শিবানী বাঈয়ের কথা ভাবছিলাম আমি । রাজা তার মৃত্যুর ভিতর কি না !

রুদ্র । শিবানী বান্ধিয়ের মুঠোর ভেতর রাজা, আর আমার মুঠোর ভিতর রাজার রাজা মিহিরকুল, সমগ্র পশ্চিম ভারত যার নামে ধরহরি কম্পমান ! সতর্ক হও ! রণধীরের হাত থেকে এ সুন্দরীকে উদ্ধার করা চাই !
(সকলের অন্তরালে গমন)

[চন্দ্রাকে লইয়া সৈনিক রণধীরের প্রবেশ]

চন্দ্রা । ছুৰ্ভু ! দস্যু !

রণধীর । দস্যু ? আমি ? ছিঃ ছিঃ, অজ্ঞায় ব'লছ তুমি সুন্দরী !
ঐসব দাঙ্গাওয়ালার হাত থেকে উদ্ধার পেলে যার সাহায্যে, সে হ'ল তোমার চোখে দস্যু ? সত্য ব'লছি, তোমার কোন ভয় নেই আমি থাকতে । ঐ স্তম্ভেই আমার উত্তান বাটিকা, এক দণ্ড বিশ্রাম কর সেখানে ! তারপব লেখানে তোমার অভিরুচি—সেইখানেই পাঠিয়ে দেব তোমায় !

চন্দ্রা । না, না, বিশ্রামের প্রয়োজন কিছু নেই ! আমায় বলাদিত্য রাজার কাছে পাঠিয়ে দিন আপনি !

রণধীর । বলাদিত্য ? বলাদিত্য তোব কে ?

চন্দ্রা । বর্বর !

রণধীর । আমি যে কতখানি বর্বর—তার পরিচয় এক্ষুনি পাবি !
তার আগে জা'নতে চাই, বলাদিত্য তোর কে !—স্বামী ?

চন্দ্রা । স্বামী—না—হ্যাঁ, —স্বামী—হ্যাঁ, স্বামী বই কি !

রণধীর । স্বামী—না এবং স্বামী—হ্যাঁ ! সে যে তোমার কে, তা বুঝতে আর রণধীর সিংয়ের বাকী নেই । কিন্তু ওসব হবার নয় । বলাদিত্যই হ'ক, আর যেই হ'ক, কারু ভয়ে সহরের ছুৰ্ভু দাঙ্গাবাজদের শাসন ক'রতে পেছ-পা হব না আমি । চল—নিয়ে চল একে !

(সনৈনিক রুদ্রদমনের প্রবেশ)

রুদ্র । বলাদিত্যের আত্মীয়্যার অপমান ? ছিঃ ছিঃ রণধীর, তোমার কি জ্ঞান বুদ্ধি সব লোপ পেল ?

রণধীর । রুদ্রদমন ? বিপত্তি ঘটলো দেখছি !

রুদ্র । বলাদিত্য— রাজাধিরাজ যশোধর্ম্মনের অন্তরঙ্গ বন্ধু—
আমাদেরও অভিন্নহৃদয় স্তব্ধ—

রণ । বলাদিত্যের আত্মীয়্য কিসে ? সে হ'চ্ছে এর না-স্বামী এবং হ্যাঁ-স্বামী, সেটা কি একটা মন্ত আত্মীয়্যতা না কি ? শোন রুদ্রদমন, একটা মিটমাট কর !

রুদ্র । মিটমাট ?

রণ । এই নারীকে নিয়ে নগরে যখন শান্তিভঙ্গ ঘটেছে, তখন এ অবশ্যই শাস্তি পাবার যোগ্য ! তিন দিন একে শাস্তি দেবার ভার রইল আমার, তারপর হবে তোমার ।

রুদ্র । উঃ, ঐ আগের তিন দিন আমার, তারপর তোমার !

রণ । অস্ত্রায় কথা । আমি যখন দাঙ্গা দমন ক রেছি—

রুদ্র । ক'রলে কেন ? আমি ত দমন ক'রবার জন্তু ছুটেই আসছিলাম !

রণ । তবে আর মিটমাট হয় না ।

রুদ্র । না হয় মিটমাট, লড়াই হ'ক !—বুলকণি !

কুল । তৈয়ার !—(অগ্রসর)

রণ । উদয়ভান !

উদয় । তৈয়ার ।—(অগ্রসর)

রণ । রাজপথ রক্তে ভেসে যাক—সুন্দরীকে এই হৃণ দস্যুর হাত থেকে রক্ষা করা চাই উদয়ভান !

রুদ্র । হন দস্যু ? উজ্জয়িনী নরকে পরিণত হ'ক, এই ধাত্রী-পুত্রের হাত থেকে সুন্দরীকে উদ্ধাব করা চাই কুলকর্ণি !

রণ । রুদ্রদমন ! (আক্রমণ)

রুদ্র । রণধীর ! (আক্রমণ)

নেপথ্যে বহুকণ্ঠে । তফাৎ ! তফাৎ !

[নেপথ্যে কোলাহল]

কদ্র । সন্ধ্যাট এ সময়ে ? ভাগো কুলকর্ণি ! (সৈনিক প্রস্থান)

বণ । নরকস্থ হ'ক সন্ধ্যাট ! উদয়ভান ! সুন্দরীকে নিয়ে এস, নিয়ে এস— (উদয়ভান ব্যতীত সমস্ত সৈনিকসহ প্রস্থান)

[উদয়ভান চন্দ্রাকে আকর্ষণ করিতে লাগিল]

চন্দ্রা । (উচ্চৈঃস্বরে) বাজা ! মহারাজ ! বাজাধিরাজ যশোধর্ম্মন ! বক্ষা করুন আমায় ।

উদয় । সর্ব্বনাশ হবে দেখছি—(পলায়ন)

(ব্যাধগণ সহ যশোধর্ম্মনের প্রবেশ)

যশোধর্ম্মন । এদের দেখে ভয় পেয়েছ তুমি ? আঁা ? ভয় কি ? ওরা তোমায় কিছু ব'লবে, না । কিছু না ! একান্ত নিরীচ ওরা—আমারই মতন !

চন্দ্রা । তুমি—আপনি—

যশোধর্ম্মন । আমি ? রাষ্ট্রপাল মিঠিরকুলের আশ্রিত একটা অনাথ বালক ! কেউ গ্রাহ্য করে না, তাই মনের দুঃখে এই জংলীদের নিয়ে দিন কাটাই !

চন্দ্রা। জংলী? কোটা কোটা মাহুয়ের ভাগ্য নিয়ন্ত্রণ ক'রবার
জন্ত জন্ম যার—

যশোধর্মণ। আমার? না, না, সে জন্ত জন্ম হয়েছে হুণ-নায়ক
মিহিরকুলের! আমার পিতা সেটা বুঝেছিলেন, তাই রাজ্য দিয়ে
গেছেন মিহিরকুলকে! এখন অত্র কোটা কোটা মাহুয়ের সঙ্গে আমারও
ভাগ্য নিয়ন্ত্রণ ঐ মিহিরকুলই ক'রে থাকেন। সে কথা যাক, তুমি
যাবে কোথায়? এই নিষাদেরা রয়েছে, যেখানে বলবে—রেখে আসবে
তোমায়! একান্ত নিরীহ ওরা!

চন্দ্রা। আমি—আমি যাব বলাদিত্য রাজার কাছে!

যশোধর্মণ। বলাদিত্য? বলাদিত্যকে তুমি চেন বুঝি?

চন্দ্রা। তা—চিনি—(মাথা নীচু করিল)

যশোধর্মণ। মাথা তুলে প'ড়ছে যেন?—বলাদিত্য তোমার খুব
আপন জন বুঝি? ওঃ র'সো, র'সো! বলাদিত্য আমায় মাঝে মাঝে
বলে—অজয়গড়ের একটা মেয়ে বড্ড ভালবাসে তাকে! নামটা তার—
নামটা তার—চন্দ্রা!

চন্দ্রা। হাঁ, চন্দ্রাই বটে তার নাম! (মাথা তুলিয়া হাসিল)

যশোধর্মণ। সংবাদ দিয়ে আস নি ত? তা তোমার দোষ নেই।
তুমি কি ক'রে জানবে উজ্জয়িনীতে রাজা হ'চ্ছে একটা নাবালক,
এবং রাষ্ট্রপাল হ'চ্ছে একটা হুণ! চন্দ্রা! চন্দ্রা! বলাদিত্যের পক্ষ
থেকে আমিই তোমায় অভ্যর্থনা ক'রছি এই অভিশপ্ত উজ্জয়িনী নগরে।

তৃতীয় দৃশ্য

সিপ্রাতীরে কুটীর । কাল—সন্ধ্যা ।

ওঙ্কারনাথ

গান ।

মন্দিরে ব'সে মিছে কাল ব'য়ে বায়,
(আজি) ধর্ম ত নাই নিরজন সাধনায় ।

অশ্রুর এলো দেউল দ্বারে,
ভাসায়ে দেশ রুধির ধারে,
আজিরে ভক্ত, দেবতা রক্ত চায় !

পিণাকের শোন টঙ্কার,

রুদ্রের রণহুকার,

মাঠে: নিনাদে অবসান

অন্তরগত শঙ্কার,

এসেছে নূতন পূজার লগন

এস করি আজ নূতন সাধন—

হৃদয় রক্তে পূজি দেশ-মাতৃকায় ।

[একটি নারী অন্ধকারে দাঁড়াইয়া গান শুনিতেছিল, গীতান্তে সে
আসিলা ওঙ্কারনাথকে প্রণাম করিল]

ওঙ্কার । কল্যাণ হ'ক ! কে ভূমি ! আঁধার ঘনিয়ে এসেছে,
চিনতে পারছি না ।

শিবানী । আঁধার সত্যই ঘনিয়ে এসেছে । কে শত্রু কে মিত্র—
চিনবার সত্যই উপায় নেই ।

ওঙ্কাব। অনেকদিন শুনি নি এ কর্তৃস্বব। তবু ভুলি নি।
মতীয়সী শিবানীবাঈ শুদ্ধাস্তঃপুৰ ছেড়ে সিপ্রাণীবে কেন ?

শিবানী। বলাদিত্য আপনাব কাছে এসেছিল কেন ?

ওঙ্কাব। বলাদিত্য কি তোমাব শত্রু ?

শিবানী। আমাব শত্রু বা মিত্র ত্রিসংসাবে কেউ নেই। যশো-
ধম্মনেব যাবা শত্রু, তাবাই শত্রু আমাব।

ওঙ্কাব। বলাদিত্য যশোধম্মনেব শত্রু ?

শিবানী। যে মাতা কল্প শিশুকে মিষ্টান্ন খেতে দেয, সে স্নেহশীল
হ'লেও শত্রুই ব'লতে হবে তাকে।

ওঙ্কাব। অর্থাৎ যশোধম্মন কল্প, অর্থাৎ শক্তিশীন। তাকে মিষ্টান্ন
অর্থাৎ আশ্রয় প্রতিষ্ঠাব পবামর্শ দিতে গিয়ে, স্নেহশীল হওয়া সত্ত্বেও বলাদিত্য
শত্রুপদবাচ্য হ'য়ে দাঁড়িয়েছে। বুঝেছি তোমাব কথা, রাজধাত্রী।

শিবানী। ধাত্রী কথাটাব অত্থানি শ্লেষ মেশালেন কেন ভগবান ?

ওঙ্কাব। তুমি চিবদিন নিজেকে ধাত্রী এবং যশোধম্মনকে শিশুব
পর্যায়ে বেখে দিতে চাইছ ব'লে।

শিবানী। যশোধম্মনকে আশ্রয় প্রতিষ্ঠাব উৎসাহ দিয়ে তাব ধ্বংস
সাধন কবাই কি কর্তব্য বিবেচনা ক'বছেন আপনি ?

ওঙ্কাব। ধ্বংস।

শিবানী। গন্ধর্বসেনেব কাছে যে বাজক্ষমতা লাভ ক'বেছে মিথিবকুল,
তা কি স্বেচ্ছায় ছেড়ে দিয়ে কান্মীরেব পর্বতে ফিবে যাবে সে ?

ওঙ্কাব। তাকে যাওয়া'তে হবে !

শিবানী। সে চেষ্টাব নিশ্চিত পবিণাম—ধ্বংস !

ওঙ্কাব। যশোধম্মনেব ? যদিই তা হয়, তবু যশোধম্মনকে উৎসাহ

দেওয়াই প্রয়োজন মনে করি ! জাতিকে রক্ষা ক'রতে হ'লে হন প্রভুত্বের উৎসাদন করা চাই অবিলম্বে !

শিবানী । সম্রাট গন্ধর্কসেন কি অদূরদর্শী ছিলেন ?

ওঙ্কার । না ।

শিবানী । তবে ? তিনি যখন হন মিহিরকুলকে ডেকে এনে রাষ্ট্রপালপদে নিয়োগ ক'রে গেছেন—

ওঙ্কার । উপায় ছিল না ! যশোধর্ম্মন তখন বালক, সামন্তেরা পরস্পর-বিদ্বেষী । উজ্জয়িনীর রাজশক্তিকে অক্ষুণ্ণ রাখতে হ'লে রাষ্ট্রের কর্ণধাবকপে বাইরে থেকে একজন সক্ষম সমরনেতাকে বরণ ক'রে আনা হাড়া যে অল্প উপায় ছিল না—মৃত্যুপথযাত্রী গন্ধর্কসেন তা বুঝতে পেরেছিলেন । ভুল বোঝেননি তিনি ।

শিবানী । আবার জিজ্ঞাসা ক'রছি, তবে ?

ওঙ্কার । এখন আর জিজ্ঞাসা ক'রবার কিছু নেই । সিংহশিশু সিংহই হ'য়েছে, অশ্বভোজী হন জাতিকে অশ্বের মতই নথরে বিদারণ ক'রবে সে । আর যদি মহাকাল বিরূপ হন, যশোধর্ম্মনের ধ্বংসই যদি হয় এই প্রয়াসে, দেশের দুর্গতি তাতে বাড়বে না কিছুই, কারণ দুর্গতি চরমে পৌঁছে গেছে ইতিপূর্বেই ।

শিবানী । আপনারা—আপনি এবং বলামিত্য—আপনারা যশোধর্ম্মনকে আর উজ্জয়িনীকে একসাথেই ধ্বংস ক'রবেন দেখছি ।

(প্রস্থানোত্তত)

ওঙ্কার । তুমি যা'চ্ছ বুঝি ? এসেছ যখন, একটা কথা শুনে যাও !

শিবানী । বলুন—

ওঙ্কার । সেই অর্থগুণি তুমি যত্নে রেখেছ ত ? অচিরে প্রয়োজন হবে ওর !

শিবানী। অর্থ ?

ওঙ্কার। গন্ধর্ব্ব সেনের গুপ্ত ধনভাণ্ডার !

শিবানী। আমাব কাছে ?

ওঙ্কার। তোমারই কাছে গন্ধর্ব্বসেন গচ্ছিত রেখে গেছেন মৃত্যুকালে। যশোধর্ম্মন বয়ঃপ্রাপ্ত হ'লে তাকে দেবার জন্তই রেখে গেছেন। আশা করি, তুমি অস্বীকার ক'রবে না তা !

শিবানী। আপনি—আপনি কি সর্ব্বজ্ঞ ?

ওঙ্কার। ও সংবাদটা অস্তুতঃ জানি ! অর্থ'টা প্রস্তুত রেখো। যশোধর্ম্মনের পক্ষ থেকে বলাদিত্য চাইবে ওটা !

শিবানী। বলাদিত্যই হ'ক বা আপনিই হ'ন, কারও আদেশে শিবানীবাদি গচ্ছিত অর্থ যশোধর্ম্মন ভিন্ন অস্ত্র কারও হাতে দেবে না। এবং যশোধর্ম্মনকেও দেবে না—যতদিন না দেওয়ার উপযুক্ত সময় উপস্থিত হবে ! আর উপযুক্ত সময় হ'ল কি না, তার চূড়ান্ত বিচারের ভাব আমারই উপর, অস্ত্র কারও উপর নয় ! (প্রস্থান)

ওঙ্কার। অন্ধ এরা ! তারার অন্ধবে মহাকালের ঐ লিখন আকাশেব বুকে—কারও চোখে পড়ে না, কেউ ওর অর্থ বোঝে না !

(দুইজন নিষাদের প্রবেশ)

ওঙ্কার। কে ?

১ম নিষাদ। বিষণ—

ওঙ্কার। ওঃ, ভুতের মত নিঃশব্দ গতিবিধি অভ্যাস ক'রেছ যে ! তা বেশ ! কাজ তোমাদের কতদূর অগ্রসর হ'ল ?

১ম নিষাদ। ধরে ধরে নিত্য আনাগোনা ক'রছি আমরা। জাতিকে জাগিয়ে তুলছি ক্রমে। যশোধর্ম্ম দেব হনুদলনে অগ্রসর হবেন যেদিন, সেদিন সৈন্তের অভাব হবে না তাঁর।

ওঙ্কার। অতি উত্তম। যাও তোমরা, আমি মন্দিরে যাব এইবার !

চতুর্থ দৃশ্য

বলাদিভ্যের গৃহ ।

কক্ষমধ্যে বলাদিত্য ও উদ্ধব ।

উদ্ধব । তুমি কি বেরবে না কি ? কী থাকে—ব'লে যাও ।

বলা । থাক ?

উদ্ধব । থাকে না ?

বলা । থাক বই কি—অনেক থাক । এই প্রথমতঃ ধর গিয়ে
ঘোড়ার মাংস—

উদ্ধব । ঘোড়ার মাংস ! আরে ছিঃ ছিঃ ছিঃ—

বলা । ঘোড়ার মাংস ছিঃ ছিঃ ছিঃ ! জানিস্—আমাদের মুরক্বি
ঐ হুণ মহাশয়দের প্রিয় খাণ্ডই হ'ল ঘোড়ার মাংস ? আঙুনে
আধপোড়া ক'রে, শুকু একটু হুনের ছিটে দিয়ে যদি খাওয়া যায়—

উদ্ধব । ওয়াক্ !

বলা । ওয়াক্ ? হুণেরা কেউ টের পেলে হয়, শূলে চড়াবে
তোমায়, আমার বাবারও সাধ্য হবে না তোমায় রক্ষা ক'রবার ।

উদ্ধব । তুমি বোধ হয় মুরক্বিদের ঘরে প্রায়ই ঐ প্রিয় মাংস
গিলছ আজকাল ?

বলা । না গিললে চলে ? ওরা কর্তা ব্যক্তি, ওরা যা থাকে,
তাই খেতে হবে, ওরা যেমন প'রবে, তেমনি প'রতে হবে আমাদের !
তা না হ'লে, চাকরি থাকবে কেন ?

উদ্ধব । এ চাকরি ক'রতে তোমায় মাখার দিবি কে দিয়েছে

বল ত? চল তুমি—অজয়গড়ে ফিরে চল! সেখানে দিবি গব্য
স্বতে কাশ্মীরী চাঁল ফেলে—

বলা। পলান্ন! জিনিষ ভাল! কিন্তু ঐ যে ব'ললাম, ওর সঙ্গে
মাংস হ'লে সোনার সোতাগা! আর মাংস যদি খেতে হয় ত—

উদ্ধব। আধপোড়া ঘোড়ার মাংস? এ কী—রাঙ্কুসে কাণ্ড
সব—আঁ? আর দেখ—চন্দ্রা যখন এসব গুনবে, কী বলবে ব'ল ত?

বলা। চন্দ্রা?—ওঃ! বড্ড ভয় করি কিনা চন্দ্রাকে? আমার
রোজগারে আমি যা খুসী তাই খাব—চন্দ্রার কি?

উদ্ধব। চন্দ্রার কী? তুমি অখাণ্ড কুখাণ্ড খাবে, আব তোমার বো
তাতে কথটা কইতে পাবে না?

বলা। বো? গাছে না উঠ'তেই এক কাঁদি! বিবের সাথে খোঁজ
নেই—বো!

উদ্ধব। বিয়ে ত হবেই!

বলা। তা অবশ্য হবেই! কিন্তু চন্দ্রার সঙ্গেই হবে, এমন কি কথা?
রাজধানী জায়গা উজ্জয়িনী, ছন নায়কদের সঙ্গে অন্তরঙ্গ মেলামেশা—
দিবি একটা ছনের মেয়ে দেখে গুনে যদি ঘরে আনি—ওদের
কাছে চন্দ্রা?

(চন্দ্রার প্রবেশ)

চন্দ্রা। যা ব'লেছ! ওদের কাছে চন্দ্রা?

বলা। (স্তম্ভিত ভাবে) চন্দ্রা?

উদ্ধব। (লাফাইয়া উঠিয়া) চন্দ্রা!

চন্দ্রা। ইঁা, চন্দ্রাই ত!

বলা। (এক এক পা পিছাইতে পিছাইতে) চন্দ্রা-ই—তো?

চন্দ্রা । ই্যা, একে একেবারে অর্ধচন্দ্র দেবার উপায় নেই, কারণ এ হ'ল গিয়ে চন্দ্রা । যার গা ছুঁয়ে দিব্যি ক'রে আসা হ'য়েছিল যে ছ'মাসের ভিতরে হয় প্রভুব অজয়গড়ে ফেরা হবে, নয়ত লোক পাঠিয়ে—

উদ্ধব । আমি পই পই ক'রে ব'লেছি দিদি বে ছ'মাস ছেড়ে বছর ঘুরতে চ'লল, এইবার আমি গিয়ে চন্দ্রাকে নিয়ে আসি । আধপোড়া ঘোড়ার মাংসের লোভে নোলায় ঠুঁর জল খ'রছে আজকাল—ঠুঁর কি আমার কথা কাণে ওঠে ?

চন্দ্রা । হুঁ—

বলা । চন্দ্রা ! উদ্ধব একটা মিথ্যে কথার বস্তা, তা কি আর তোমার অজানা ? ও উদ্ধব ! কাশ্মীরী চা'ল, গাওয়া ঘি—এ সব দেখ্, ভাঁড়ারে আছে টাছে কিনা ! না যদি থাকে—দোকান থেকে—

উদ্ধব । পা'রবো না, সময় নেই । আমি এখন পুরুত ডা'কতে যাই ।

বলা । পুরুত ? পুরুত কিসের ?

উদ্ধব । পুরুত, বিয়ের !

বলা । বিয়ে ?—কার বিয়ে ?

উদ্ধব । বিয়ে চন্দ্রাব । আর একদণ্ডও দেরী নয় । তোমার মাথার ঠিক নেই যখন—তোমায় এক চোটে নিকেশ ক'রে দিচ্ছি । চন্দ্রা যখন এসে গেছে, তখন উদ্ধব কি আর তোমার পরোয়া করে ?

বলা । ওরে, বিয়ে না হয় হুঁদণ্ড পবেই হবে, আপাততঃ খাওয়ার ব্যবস্থাটা—

উদ্ধব । বিয়ের দিন খেতে নেই, আজ তোমাদের উপোষ । আর আমি ? আমি দোকান থেকে চিঁড়ে কিনে খাব এখন ।

(প্রস্থান)

বলা। হায়-হায়-হায় ! চন্দ্রা, তোমার আগমনে শেষকালে আমার উপোষ ?

(যশোধর্মনের প্রবেশ)

যশোধর্মন। উপোষটা ত উপক্রমণিকা মাত্র ! ভূরিভোজের ভূমিকা ! এ উপোষে অসন্তোষ কেন বন্ধু !

বলা। সম্রাট ?

যশোধর্মন। সম্রাট কি ভিখারী, সেটা সঠিক জা'নতে ঠ'লে তোমায় বেতে হয় মিহিরকুলের কাছে। সে বরং পরে যেয়ো, আপাততঃ নিজে কর উপোষ এবং দ্বারস্থ এই অতিথিকে কর মিষ্টান্নে পরিতোষ ! মিষ্টান্নটা চটপট খাইয়ে দাও, আমি বিচাবে ব'সবাব আগেই !

বলা। বিচার ? কিসের বিচার ?

যশোধর্মন। বিচার তোমার বিশ্বাসঘাতকতার ! অভিযোগ হ'ল সখী চন্দ্রাব, যদিচ মোখিক অভিযোগ এখনো পাইনি আমি ! পাই বা না পাই, বিচার আমি ক'রবই, এবং 'বন্ধু ব'লে তোমায় মার্জনাও ক'রব না !

চন্দ্রা। বিচার অবশ্যই আপনাকে ক'রতে হবে রাজাধিরাজ ! কারণ অভিযোগ আমার আছে। এবং সে অভিযোগ পাওয়ার পরে, আশা করি, রাজা ব'লে নিজেকেও মার্জনা ক'রবেন না আপনি !

বলা। আরে, তোমরা আমার অপ্রতিভ করবার চেষ্টায় আছ দেখছি ! তোমাদের জানাশুনা হ'ল কবে ? কি ক'রে ? কেন ? কি ভাবে ? কোথায় ? কি উদ্দেশ্যে ? আগে এসব আমার জানা দরকার চন্দ্রা !

যশোধর্মন। চন্দ্রা তোমার ঐসব বাজে কথায় উত্তর দেবে এখন ? দেখছ ত ওর মুখের চেহারা ? আমি পালাই ভাই ! কারো কালো মুখ আমার অসহ্য ! বিশেষ নারীর !

চন্দ্রা। নারীর হাসিমুখ কি আপনি বেথেছেন আপনার বাজ্যে, রাজাধিরাজ ? একটা চন্দ্রাকে আজ আপনি উদ্ধার ক'বেছেন দৈববশে, কিন্তু আরও কত চন্দ্রা যে নিত্য সতীধর্মে জলাঞ্জলি দিচ্ছে, হন দস্যুর কবে পরিত্ত হ'য়ে—ব'লতে পাবেন মহারাজ, তাদের সে চরম দুর্ভাগ্যের জন্ত দায়ী কে ?

বলা। চন্দ্রা ! চন্দ্রা !

যশোধর্মন। চঞ্চল হও কেন বলাদিত্য ? নতুন ত কিছু নয় ! এসব কথা তোমার মুখ থেকে প্রতিনিয়তই শুনছি আমি, আজ সখীর মুখে তার প্রতিধ্বনি শুনে এমন আর বেশী কি ব্যথা পাব ?—হাঁ ! কি ব'লছিলে চন্দ্রা ? কে দায়ী ? নিঃসংশয়ে আমিই দায়ী ! বড় ভাগ্যহীন তোমার এই বকুটি, চন্দ্রা ! নামে সে রাজাধিরাজ অবস্খী সম্রাট, কিন্তু নিরুপায় সে ভিক্ষুকের চেয়ে ! চোবা বালির উপর সিংহাসন প্রতিষ্ঠা ক'রে গেছেন—আমার স্বর্গত পিতা গন্ধর্ব্বসেন,—তাতে উপবেশন ক'রে রাজদণ্ড পরিচালনা ক'রতে গেলে সে সিংহাসন নিমেষে আমার নিয়ে ভূগর্ভে অদৃশ্য হ'য়ে যাবে। অরাজক রাজ্যে চ'লতে থাকবে সহস্র খেচ্ছাচারীর অবাধ তাণ্ডব ! একটু সময় আমায় দাও তোমরা চন্দ্রা ! যদি আমি দুই হাতে ধ'রে, ঐ চোরাবালির উপর থেকে টানতে টানতে সিংহাসনখানাকে শক্ত মাটির উপরে এনে ফেলতে পারি একবার—হাঁ, পারব ! ভগবান মহাকালের দয়ায় তা আমি পারব ! যতদিন তা না পারি, যতদিন সে শুভমুহূর্ত্ত না আসে, আমার মিনতি চন্দ্রা—ততদিন

তোমরা আমার বিচার ক'রো না, দুর্বল অপদার্থ বলে ততদিন তোমরা
অভিসম্পাত ক'রো না আমায়— (প্রস্থানোত্তত)

চন্দ্রা। সম্রাট! আমায় ক্ষমা করুন। আমি বুঝতে পারিনি—

যশোধর্মন। ক্ষমা? আচ্ছা, ক্ষমা ক'রব—যদি দুটো দিন
বলাদিত্যকে নিয়ে নিভূতে অজ্ঞাতবাস ক'রতে পার। উজ্জয়িনীর রাজ-
সভায় এমন সব সমরনায়ক আছেন, যাঁরা তোমার অভাগা বন্ধু যশোধর্মনের
চেয়ে অনেক বেশী শক্তিমান চন্দ্রা! আমি যদি তাঁদের অনুকম্পা থেকে
তোমায় রক্ষা ক'রতে না-ই পারি!

বলা। নিভূতবাস তা ব'লে আমার সহ্য হবে না। রামঃ—

যশোধর্মন। অথচ বন্ধুমহলে তোমায় সবাই বলে কিনা রসিক পুরুষ ?
আরে, ছিঃ বন্ধু! স্নহরী তরুণী প্রণয়িনী—তার সঙ্গে দু'টো দিন নিভূত-
বাস লোকে কোথায় স্বর্গবাসভুল্য মনে করে—আর তুমি ব'লছ—
আরে ছিঃ—রসিক সমাজ থেকে তোমায় নির্বাসিত করা উচিত
একেবারে!

বলা। হুঁ, আজ যদি উর্শ্বিলা দেবী তক্ষশিলা থেকে উজ্জয়িনীতে
আগমন করেন—তবে তুমি তৎক্ষণাৎ বন্ধুবান্ধব ত্যাগ ক'রে তাঁকে নিয়ে
স্বর্গবাস শুরু ক'রবে বোধ হয়?

যশোধর্মন। উ-র্শ্বি-লা!—উর্শ্বিলা আসবে বলাদিত্য?

বলা। কি বল চন্দ্রা? তরুণীদের রীতি চরিত্র তরুণীতেই ভাল
বোঝে! উর্শ্বিলা দেবী কি আসবেন?

চন্দ্রা। যদিও উর্শ্বিলা দেবী কে এবং কি-রকম—আমার জ্ঞানা
নেই—তবু—এটা ঠিকই বলতে পারি—তাঁর যদি অতি-বড়ো দুর্ভাগ্য
না হয়—তিনি নিশ্চয়ই আসবেন।

যশোধর্মন । আমি ত তাঁকে আসতে বলিনি !

চন্দ্রা । আমাকেও ত কেউ আসতে বলেনি রাজা ! আমি নিজেই এসেছি, নিজের দাবী বুঝে নেবার জ্ঞান ।

যশোধর্মন । দাবী ? দাবী তার আছে, অনেকখানিই আছে । তক্ষশিলায় বর্ষত্রয় প্রবাস যাপন—হাঃ হাঃ—শিক্ষার ব্যাপদেশে জনেরা আমায় তক্ষশিলায় নির্বাসিত ক'রে রেখেছিল চন্দ্রা !—সেই তিনবর্ষ উন্মীলা আমার দুভাগ্য জীবনের প্রতি মুহূর্ত্তকে ক'রে রেখেছিল মধুময়, পলে পলে অমর প্রেমের নব নব প্রতিশ্রুতি অব্যক্ত ভাষায় নিবেদন ক'রে । দাবী ? হাঁ, উজ্জয়িনী সিংহাসন নয়, সে চেয়েছিল বিক্রমের হৃদয়-সিংহাসন ! সে সিংহাসন তারই আছে, থাকবে তারই ! কিন্তু সে দাবী প্রতিষ্ঠার জ্ঞান উন্মীলা কোনদিন হনপদদলিত উজ্জয়িনীতে আসবে, এ চিন্তাও আমার কাছে অসহ্য চন্দ্রা ! সে বড় পবিত্র ! এ পঙ্কিল পরিবেশের স্তিতর সে দেন না আসে ! আসে যদি, আমি আনন্দ পাব না তাতে । যদি কোনদিন অস্তর-কবলিত উজ্জয়িনীকে আমার কল্প-লোকের স্বর্গধামে পরিণত ক'বতে পারি আবার, তবে—তখন—আমার হৃদয়রাণী উন্মীলাকে—তখন—তখন চন্দ্রা— তখন—

(প্রস্থান)

বলা । দেখলে চন্দ্রা ?

চন্দ্রা । নতুন ক'রে আর কি দেখব ! তুমি আর তোমার বন্ধ একই ছাঁচে ঢালা । তোমরা কিন্তু একটা ভুল কর ! প্রিয়ার প্রয়োজন কি কেবল স্তূথের মুহূর্ত্তেই ? আমি ত মনে করি—জীবন সংগ্রামে যখন পদে পদে কশাহত হ'য়ে নৈরাশ্রে চারিদিক অন্ধকার দেখছে পুরুষ, নই তার প্রিয়ার প্রয়োজন সব-চেয়ে বেশী । বিপদে সাহসনা

দেবার জন্ত, পরাজয়ে নবশক্তির প্রেরণা সঞ্চার ক'রবার জন্ত, লাহোর
মানি সমবেদনায় সহনীয় ক'রে তোলবার জন্ত !

বলা । তাই—তুমি এসেছ ?

চন্দ্রা । আসবই ত ! দেশে অহুভব ক'রেছি নবজাগরণের স্পন্দন ।
বন্ধুকে নিয়ে ঝাঁপিয়ে প'ড়ছ তুমি হনের বিজয়বাহিনীর সঙ্গে শক্তি
পরীক্ষার জন্য । এই জীবন মরণের সন্ধিক্ষণে তোমার কাছ থেকে
দূরে কি থাকতে পারি আমি ? তাই ছুটে এসেছি, অগ্র পশ্চাৎ বিবেচনা
না ক'রে । তুমি রাগ করনি ত ?

বলা । রাগ ? রাগের বদলে আসছে অনুরাগ । চল, বিশ্রাম
ক'রবে চল, পথশ্রমে ক্লান্ত আছ তুমি ।

পঞ্চম দৃশ্য

মিহিরকুলের প্রাসাদ

[আলোকোজ্জ্বল কক্ষে মহাসেনে আসীন মন্ত্রী মহাসেন ও সম্রাট রাজপুরুষগণ ।
মিহিরকুল ও রুদ্রদমন চারিদিকে ঘুরিয়া সকলকে আশ্রয়ন করিতেছিলেন ।]

নর্তকীগণের গান ।

ঐ আঁখি, ঐ আঁখি !
কী গুণ জানে, প্রাণে প্রাণে
বাঁধল যেন রজনী রাখী ।
আঁখি যখন পলক ফেলে,
আমাব কাণে কী সুর খেলে,
পাগল হিয়া আগল ভাঙ্গি
উড়ল যেন মূক্ত পাখী !
আঁখি যখন চাউনি হানে
যাই যে ডুবে আলোর বানে—
বাউরী হিয়া শিউরে কাঁপে—
পরশ মণি মিলবে না কি !

মহাসেন । কই রাষ্ট্রপাল, উৎপলা বাঈজী কই ! কলির উর্ধ্বশী
উৎপলা ?

রুদ্রদমন । এখুনি এসে প'ড়বে মহামাত্য । একটা গোলমাল
হ'য়েছে তার বাড়ীতে, তাই বোধ হয় দেৱী হ'চ্ছে একটু ।

মিহির । গোলমাল ! নর্তকীর বাড়ীতে আবার গোলমাল কি ?

রুদ্র । গোলমাল কি জানেন—রাষ্ট্রপাল ! আজকের এই উৎসবে নাচবার জন্ত সে একটা নতুন পোষাক তৈরী ক'রতে দিয়েছিল । তার ঝালরে কতক চুণী, কতক পান্না বসিয়েছে বেশকারেরা । উৎপলার তা পছন্দ হয় নি ।
(সকলের বিস্ময়স্থচক শব্দ)

মহাসেন । পছন্দ হয়নি ? চুণী পান্না ?

রুদ্র । না, মহামাত্য ! সে ব'ললে—হয় সব চুণী, নয় সব পান্না হাম মাংতা ! বেশকারেরা জোটাতে পারে নি উজ্জয়িনীর বাজারে চট ক'রে, একমাপের অতগুলো চুণী কি পান্না । তাই তারা গোজামিল দিয়েছিল ।

মিহির । এঃ হেঃ হেঃ—আমায় খবর দিলে পা'রতে ! আমাব অন্তঃপুরে—

রুদ্র । দরকার হল না ! উজ্জয়িনীর বাজারে নেই শুনে উৎপলা দাসীদের ব'ললে—নিজের ঘব থেকে একঝুড়ি পান্না বা'ব ক'রে দেবার জন্ত ।

সকলে । আশ্চর্য্য !

রুদ্র । কী ই বা এমন আশ্চর্য্য ! জেরুজালেমে তিন বছর, ব্যাবিলনে দু'বছর, মেম্ফিসে এক বছর—বছর সালিয়ানা আয ছিল তার কত কোটি তন্থা, তা সে নিজেই হিসেব রাখে না ।

মহা । এ রত্ন বেশী দিন উজ্জয়িনীতে থাকলে কিন্তু উজ্জয়িনীর ধনীদের লোটাকঞ্চল সার ক'রতে হবে, চটপট ! আপনারা সব সতর্ক হবেন রাষ্ট্রপাল !

মিহির । আমি ! আরে, কী যে বলেন মহামাত্য ! আমার আর নর্ত্তকী নিয়ে নাচবার বয়স আছে ?

মহা। আপনার বয়স বেশী হ'য়েছে, এ কথা স্বীকার ক'রে, যিনি আপনার নববধূ হ'তে যাচ্ছেন, তাঁর উপর ত নির্ভর হ'তে পারিনে রাষ্ট্রপাল !

মিহির। যিনি নববধূ হ'তে যাচ্ছেন ! সব জেনে শুনে প্রবীণ রাজনীতিজ্ঞ আপনি—এমন কাঁচা কথাটা ব'লে ফেললেন মহামাত্য ? এই বে বিবাহ—এ হ'তে যাচ্ছে ধ্বংস গিয়ে একটা রাজনৈতিক বন্ধন। পঞ্চনদ আর মধ্যভাবতের চিরদিনের কলহ মেটাবার জন্তে এ একটা সাময়িক প্রলোভনমাত্র। যশোধর্মন যদি অমন অপ্রকৃতিস্থের মত ব্যাধের দল নিয়ে মেতে না বেড়া'ত, এ বন্ধন তাকেই পর'তে হ'ত। আর তাকে পরা'তে পারলেই হ'ত ভালো সব দিক দিয়ে। বিক্রম নিতান্ত উচ্ছ্বল—সেই সংবাদ পেয়েই ত রাজকুমারীর আশ্রয়েরা তার সঙ্গে এর বিবাহ দিতে রাজী চলেন না কি না !

রুদ্র। তাই, সর্ব বিষয়েই রাষ্ট্রপালকে যেমন রাজার প্রতিনিধিত্ব ক'রতে হচ্ছে—এই বিবাহ ব্যাপারেও তেমনি—হাঃ হাঃ হাঃ—

(সকলের হাস্য)

মহাসেন। বিবাহ সভায় সম্রাট উপস্থিত থাকবেন অবশ্য ?

রুদ্র। বিবাহের ত এখনও সাতদিন দেরী আছে। আজকের এই উৎসব—রাষ্ট্রপালের ভাবী বধূর উজ্জয়িনী আগমন উপলক্ষে—এতেও তাঁর উপস্থিত থাকা অবশ্য কর্তব্য,—ভদ্রতা হিসাবেও কর্তব্য !

মিহির। আমার কেমন লজ্জা বোধ হ'ল মহামাত্য,—যশোধর্মনকে এ বিবাহের কথাটা নিজে জানা'তে। হাজার হ'ক, বুঝছেনই ত—সে হ'ল ছোট ভাইয়ের মতন—ছেলের মত ব'ললেও হয় ! তবে খবর দিয়েছি, খবর দিয়েছি। কেমন রুদ্রদমন—খবর দাও নি ?

রুদ্র । খবর দিই নি ? ভেরামল নিজে গিয়ে নিবেদন ক'রে এসেছে যে রাষ্ট্রপালের দরিত্র কুটীরে আজ একটা উৎসব আছে—মহান্ সত্রাটের যদি পদধূলি পড়ে সেখানে—

মিহির । কী বললে যশোধর্মন ?

রুদ্র । তিনি তখন গোটা দশেক চিতে বাঘ নিয়ে খেলায় ব্যস্ত—
তবে হ্যাঁ, ভেরামল তাঁকে হাসতে দেখেছিল বটে !

মিহির । হাসতে দেখেছিল ? যশোধর্মন একথা শুনে হাসল ?
শুনলেন মহামাত্য ? শুনলেন ত ? আমাব বাড়ীতে উৎসবের কথা শুনলেই
যশোধর্মন না কি হাসে । আর তাকে আমি বিবাহের কথা জানাতে যাই
কোন লজ্জায় ?

রুদ্র । সত্রাটের বোধ হয় ধারণা—রাষ্ট্রপালের বয়স পঞ্চাশ নয়,
পঞ্চাশ দু'গুণে একশো ! এবং তাঁর মতে বোধ হয় উজ্জয়িনী সিংহাসনের
তত্ত্ববধান ছেড়ে রাষ্ট্রপালের এখন বানপ্রস্থ নেওয়াই উচিত !

মহা । তা যদি তাঁকে নিতে হয়, তবে উজ্জয়িনী সিংহাসন সমুদ্রে
ডুববে !

মিহির । শুধু সেই আশঙ্কায়—শুধু সেই আশঙ্কায়—গর্কবসেন—
আমার পরম প্রভু—পরম শুভানুধ্যায়ী সেই স্বর্গত মহাত্মা মৃত্যুকালে
আমার স্বপ্নে যে গুরু তার চাপিয়ে গিয়েছিলেন—

মহা । আমাদের তা বেশ মনে আছে রাষ্ট্রপাল ! তিনি বললে
গিয়েছিলেন—“মিহিরকুল ! সিংহাসন রইল, যশোধর্মন রইল, আর
তুমি রইলে—”

মিহির । শুধু তাঁর সেই অনুরোধের মর্যাদা রক্ষার জন্তই—

(রণধীরের প্রবেশ)

রণ । কই রাষ্ট্রপাল, উৎপলা বাইজী কই ?

মিহির । এসো, এসো, ভাই বণবীর এসো ! এইবার, তুমি এসেছ, খবর পেলেই উৎপলা বাইজি আসরে নামবে । তারপর তুমি একা যে ? মা-জী কই ?

রণ । এসেছেন বই কি ! সোজা অন্তঃপুরে চ'লে গেছেন এসেই । আপনাব নববধূকে দেখে, আলাপ আলোচনা ক'রে, তারপর তখন হয়ত এদিকটায়—

মিহির । তা ত বটেই ! তা ত বটেই ! তাঁকেই ত সব দেখতে শুনতে হবে । আমাদের সকলের ঘর গেরস্তালির মুকুবিই ত তিনি !

রণধীর । (আড়ালে) রুদ্রদমন ! তোমার সঙ্গে একহাত বোঝাপড়া আমার আছে ।

রুদ্র । এক হাতে আর কী বোঝাপড়া ক'রবে ? বানরের মত চা'র হাত লাগাও ।

রণধীর । বানরের মত ? স্পর্ধা তোমার !

রুদ্র । হাত নিসপিস কবে যদি—আড়ালে চল—জন্মেব মত তোমার তরোয়াল খেলার সাধ মিটিয়ে দিচ্ছি !

(বলাদিত্যের প্রবেশ)

বলা । রাষ্ট্রপাল জয়তু !

মিহির । এসো, এসো, রাজা বলাদিত্য এসো ! তুমি এসেছ, এইবার এই নীরস মরুভূমিতে হাসির ফোয়ারা ছুটবে । আমরা কি ছাই রাজনীতি ছাড়া আর কিছু কথা জানি ? এই আমি—আর এই মহামাত্য ?

রুদ্র । বলাদিত্য—

(তরবারিতে হাতদিল)

রণধীর। সেই স্ত্রীলোকটার না—স্বামী এবং ই্যা—স্বামী—

(উভয়ে কাণে কাণে কথা)

মিহির। তোমরা ওখানে দাঁড়িয়ে কী ফন্দী আঁটছ ই্যা,—রণধীর আর রুদ্ৰদমন ? কোথায় কোন অপ্সরী কিম্বদন্তী হ্যাঃ হ্যাঃ হ্যাঃ—

রুদ্ৰ। অপ্সরীর কথা যদি তুললেন রাষ্ট্রপাল—বলাদিত্যকে জিজ্ঞেস করুন—অজয়গড়ওয়ালীদের মত সুন্দরী—ও আপনার কলির উর্বরী উৎপলাও নয়,—অপরাধ মার্জনা ক’রবেন—বোধ হয় আমাদের রাষ্ট্রপালের নব বাগ্‌দত্তাও নন।

মিহির। অজয়গড়ওয়ালী ! কোন্ অজয়গড়ওয়ালী হে বলাদিত্য ?

বলা। ওঃ, অজয়গড়ওয়ালী ? ওই যে সম্রাটের ব্যাধের দল আছে না ! তারা রাস্তায় টল দিতে দিতে দেখলে —একটা অজয়গড়ওয়ালী মেয়ের একধারে একটা কুকুর ডাকছে যেউ যেউ, আর একদিকে একটা শেয়াল ডাকছে হুকা হুয়া ! ওরা অমনি মেয়েটিকে নিয়ে ছাওয়া দিলে ! কুকুর শেয়াল মনের দুঃখে বনে গেল !

রণ। শুনছ রুদ্ৰদমন ? কুকুর !

রুদ্ৰ। আর শেয়াল বোধ হয় আমি ! হু—

মিহির। ব্যাধের দলের হাতে প’ড়ে মেয়েটার শেষ হ’ল কি ?

বলা। কী আর হবে ? “চিরকাল যা হ’য়ে আসছে রূপকথার শেষে !” দুয়োরানী কুঁড়ে থেকে সিংহাসনে ফিরে এলেন—বজ্জাত স্নায়োগীকে হেঁটে কাঁটা উপরে কাঁটা দিয়ে মাটিতে গেড়ে ফেলা হ’ল।

(শিবানীবাঈয়ের প্রবেশ)

শিবানী। কাকে মাটিতে গা’ড়ছ—বলাদিত্য ?

বলা। (অভিবাদন) যে বজ্জাতি করে—তাকে, মা-জী !



সদ্ব্যবস্থা শ্রীমতী বাণীবাল



বিভূতি দাস



অজিত বন্দ্যোপাধ্যায়

মিহির। আস্থন—মা-জী আস্থন! মা-জী যে আমায় এত পর ভাবতে শুরু ক'রেছেন, তা জাস্তাম না।

শিবানী। পর কিসে রাষ্ট্রপাল?

মিহির। নিতান্ত শেষ সময়টিতে এসে—নিতান্তই বাইরের লোকের মত দূরে দূরে—

শিবানী। হিন্দু দেব-দেবীর সম্বন্ধে ভাল রকম জ্ঞান থাকলে আপনি জা'নতেন রাষ্ট্রপাল—একশ্রেণীর দেবতাকে আমরা পূজো করি—গুণু দয়া ক'রে দূরে দূরে থাকবার জন্তই—

বলা। শনি! শনি!

শিবানী। ঠিক ব'লেছ বলাদিত্য—শনিই বটে!

মিহির। মা—জী, এসব কি কথা? আপনি মায়ে'র মতো!

শিবানী। মায়ে'র মতো ব'লেই আমার দৃষ্টি সব সময়ে ছেলেদের পানভোজনের দিকে। সবাই আস্থন, খাবার তৈরী!

মহাসেন। ঘোড়ার মাংস না যদি পোড়ানো হ'য়ে থাকে, আমি কিন্তু খাবই না!
(সকলের হাস্য)

মিহির। কিন্তু সম্রাটকে বাদ দিয়ে আমরা খেতে বসি কি ক'রে, মা—জী?

বলা। সম্রাট হয়ত আসবেনই না! তিনি বাজ জাতে করে সিপ্রা পেরিয়ে চ'লে গেছেন!

মিহির। শুনলেন—মহামাত্য?

শিবানী। সম্রাট—তা সে যা-ই হ'ক, একটা বাচ্চা ছেলের জন্ত অতো সমীহ ক'রবার আবশ্যক নেই। খাবার ঠাণ্ডা হ'লেই অখাণ্ড!
—আস্থন—
(সকলে দ্বারের দিকে অগ্রসর)

শিবানী । বলাদিত্য ! তুমি যে বড় পিছিয়ে রইলে ?

বলা । একটু দেৱীতেই যাব মা-জী । গোড়াব ঐ হিন্দুয়ানী শাক, ডাল, পুরী কচোৱী শুলো ট'পকে একেবারে ঘোড়ার মাংস মুখে নিয়ে ব'সতে চাই পাতায় ! রাষ্ট্রপালের স্বদেশীয় সুখাচ্ছ রসনায় তুলবার এ সুযোগটা পুরোপুরি কাজে লাগাতে চাই ।

(সকলে হাসিতে হাসিতে প্রস্থান করিল)

শিবানী । বলাদিত্য !

বলা । মা-জী !

শিবানী । তুমি আমার কাছ থেকে তকাতো থাকো ইচ্ছে ক'রে, আমি তা বেশ বুঝতে পারি ।

বলা । মা-জী বুঝতে পারবেন না—এমন জিনিষ কমই আছে !

শিবানী । সম্রাট শত্রুবেষ্টিত । তাকে শত্রুর চক্রান্ত থেকে রক্ষা ক'রতে ইচ্ছুক মাত্র দু'টা প্রাণী—আমি আর তুমি । এ দু'জনার ভিতর সম্প্রীতি থাকা কি বাঞ্ছনীয় নয়, বলাদিত্য ?

বলা । চক্রান্তকারী কে নয়, মা-জী ! আমিই কি সম্রাটের সঙ্গে বন্ধুত্ব ক'রেছি বিনা স্বার্থে ? সম্রাটকে বন্ধুত্বের ফাঁদে ফেলে, তাঁর কাছ থেকে কবে একটা রাজ্যখণ্ড ফাঁকি দিয়ে নেব—আমার একমাত্র চিন্তা তাই । সম্রাটের প্রকৃত হিতাকাঙ্ক্ষী একমেবাদ্বিতীয়ঃ—আপনি !

(রণধীরের প্রবেশ)

রণধীর । মা ! ওদিকে সব বিশৃঙ্খল ! তুমি এ জায়গায় আলাপ জমাতে ত চ'লবে না ।

শিবানী । বলাদিত্য ! তুমি আমাকেও বঞ্চনা ক'রতে চাও ?

বলাদিত্য । আমি বলছি—আমি কচোরির চাইতে ঘোড়ার মাংস
 ঢের বেশী ভালবাসি—এতে আপনি বঞ্চনা যে কোথায় দেখছেন মা-জী—
 শিবানী । চমৎকার— (প্রস্থান)

রণধীর । চতুষ্পদ ঘোড়ার চাইতে আবার দ্বিপদ ঘোড়ার মাংস
 স্বাস্থ্য শুনেছি ! তোমার আগুণে র'লসে খাব আ'জ গরমা-গরম—
 (ছুরিকাঘাতে উগ্গত)

বলা । তা খেয়ো ! তবে তার আগে এই ইম্পাতের ঠাণ্ডি সরবৎ
 একটু খেয়ে নাও বন্ধু !— (যুদ্ধ ও রণধীরের পতন)

বলা । রাজপুত্রের মেয়ের মত সুন্দরী কেউ নয়—না ? (পদাঘাত)
 রণ । অজয়গড়ের কুত্তা !

(রুদ্রদমনের প্রবেশ)

রুদ্র । একেবারে শেষ ক'রে দেওয়া চাই রণধীর—

উভয়ে বলাদিত্যকে আক্রমণ করিল—এমন সময়ে উৎপলা প্রবেশ
 করিয়া নীরবে কয়েক মুহূর্ত অসিঘূৰ্ণ দেখিল । তারপর
 করতালি দিয়া উচ্চ হাস্য করিয়া উঠিল ।

উৎপলা । সাবাস ! চমৎকার !

সকলে । (কিরিয়া) কে ?

উৎপলা । তোমার মতন তলোয়ার খেলতে আমি জেঙ্কজালেম
 ব্যাবিলন মেম্ফিস্—কোথাও কাউকে দেখিনি রুদ্রদমন ! সাবাস ! এমন
 খেলোয়াড় পুরস্কার পাবার যোগ্য !

[বক্ষোবসন হইতে একটি গোলাপ খুলিয়া ছুঁড়িয়া যারিল রুদ্রদমনকে]

রুদ্র । (ফুল তুলিয়া লইয়া) উৎপলাবান্ধ ! তোমার পুরস্কার—
 তোমার রূপা—তোমার—

উৎপলা । যাও—খবর দাও রাষ্ট্রপালকে । আমাব দেহটা ভাল নেই । নিতান্ত কথা দিয়েছি ব'লেই আসা । একটি নাচ নেচে চ'লে যাব, দেৱী ক'রতে পা'রব না । যাও—

রুদ্র । যাই, যাই ! তবে সবাই খানা গেতে ব'সেছে ! তা হ'ক, তুলে আনছি সবাইকেই ।
(প্রস্থান)

রণধীর । তুমিই বুঝি উৎপলা ? কলির উপাশী তুমিই বুঝি ?—তুমি—
হ্যাঁ, তোমায় দেখবার জন্তই আমার হাজার কাজ ফেলে এখানে আজ আসা । সম্রাটের ধাত্রী শিবানীদেবী—আমার মা । কাজ ত কম নয় আমার ! অত বড় সম্রাটপ্রাসাদ—তার সব ভারই আমার উপর—

উৎপলা । ওঃ, শিবানীদেবীর পুত্র তুমি, তুমিই বুঝি রণধীর রাও ? তোমার নাম শুনেছি উজ্জয়িনী এসেই—

রণধীর । তা আর শুনবে না ?

উৎপলা । (হাস্য) তুমি তলোয়ারখানা খাপে পুরে বাড়ী চ'লে যাও ত !

রণধীর । অ্যা ? বাড়ী ? আর তোমার নাচ ?

উৎপলা । যা ব'লছি—শোন ! বাড়ী যাও, গিয়ে হাজার দশেক মোহর নিয়ে সোজা আমার প্রাসাদে গিয়ে অপেক্ষা কর । আমি এখানকার কাজটা সেরে একুনি চ'লে আসছি—

রণধীর । আ'সছ ? আ'সছ ? সত্যিই আ'সছ ? আমার এমন ভাগ্য ?

উৎপলা । আমার দাসদাসীদের কী একটা উৎসব আছে কাল । আমার কাছে খরচা চেয়েছে তারা । সেটার ভার তোমার উপর রইল । ব্যস !

রণধীর । দাসদাসীদের উৎসবের খরচা দশ হাজার মোহর ?

উৎপলা । তোমার যদি না থাকে, তবে আর তুমি কি ক'রবে বল !
আমি ভেবেছিলাম—শিবানীবাঈয়ের পুত্র—সম্রাটের দক্ষিণ হস্ত—

রণধীর । আছে—আছে । নেই, সে কী কথা ? তা হ'লে তুমি
আসছ ত ? আমি দশ হাজার মোহর নিয়ে তোমার প্রাসাদে গিয়ে
অপেক্ষা ক'রব ত ?

উৎপলা । হ্যাঁ, যাও ! দশ হাজার অন্ততঃ, বেশী হ'লেও
ক্ষতি নেই ।

(রণধীরের প্রস্থান)

বলাদিত্য । এইবার—আমার উপর কী আদেশ ? আমি গোলাপও
পাকড়াতে জানিনি, ঘবেও মোহরের সিন্দুক নেই আমার—

উৎপলা । তুমি বড় বোকা ! দাঁড়িয়ে কচুকাটা হ'তে যাচ্ছিলে
কেন ? পালাতে জানো না ?

বলা । পালাবো কেন ?

উৎপলা । পালাওনি যখন, তখন দাঁড়াও ! তোমায একটা গান
শোনাই !

বলা । দেহটা আমার ভাল নেই—

উৎপলা । দেহ ভালো নেই ব'লে গান শুনবে না ? কৃতজ্ঞতার
খাতিরেও নয় ? এতক্ষণ কচুকাটা হ'য়ে যে সিপ্রায় ভাসতে হ'ত
তোমায ! আমি এসে প্রাণ রক্ষা ক'রলাম তোমার, আর তুমি
একটা গান শুনে ছ'টো প্রশংসা ক'রবে—তাতেও আপত্তি ?

বলা । বেশ, কৃতজ্ঞতার খাতিরে একটা গানই শুনি । ভালো না
লাগে, বাড়ী চ'লে যাব—

[উৎপলার গান । গানের সময় ক্রমে ক্রমে মিহিরকুল, রুদ্রদমন, মহাসেন, ও
অন্য আমন্ত্রিতগণ কক্ষে প্রবেশ করিয়া নীরবে দাঁড়াইয়া
গান শুনিতে লাগিলেন ।]

গান

দোলে অন্তর-সাগর দোলা !

উদিল পূর্ণ শশী আকাশে,,

আলোক-লোকের আজি হুয়ার খোলা !

এ নব আবেগ আমি রাখিব কোথায়,

এ নব আবেশ মোরে পুলকে মাতাগ,

অজানা বাঁশী বাজে বাতাসে,

চাঁদের পানে চাই আপনা-তোলা !

জোয়াব জলে সোনা-চাঁদিনী হাসে,

বিকচ কামনা ফুল লালসে ভাসে—

মনের কথা কই মনচোবা—

চুমিয়া চাঁদের সুধা অধরে তোলা !

উৎপলা । (গীতান্তে মিহিরকুল প্রভৃতিকে লক্ষ্য করিয়া) এ গান
আপনারা শুনলেন কেন ? আপনাদের জন্ত অজ্ঞ রকম নাচ গান
হওয়ার কথা !

মিহির । উৎপলাবান্ধ ! এ ত অতি অপূর্ণ নৃত্যগীত ! আকাশের
পরীও এমন নাচতে জানে না নিশ্চয়ই !

উৎপলা । তা ত জানেই না । তাই ত বলছি—এত ভাল নাচ গান
ত আপনাদের জন্ত হবার কথা নয় ! কত দেবেন আপনারা ?

মিহির । আমার সঙ্গে তোমার বায়না,—রুদ্রদমন ?

রুদ্র । হাজার মোহর—

উৎপলা । তবে ? হাজার মোহরে যে-নাচ দেখা যায়, তা হ'চ্ছে
এর চাইতে তিন ধাপ নীচের নাচ ।

মহাসেন । অবাক ! তবে এ নাচগানের দাম কত ? আর কেই বা
তা দিচ্ছে ?

উৎপলা । আপনার মত খেত-শ্রম বৃদ্ধের কাছে এর মূল্য নিশ্চয়ই
প্রত্যাশা করিনে ! স্বেযোগ যদি পাই, যার জ্ঞাত গান গেয়েছি, যার
জ্ঞাত নেচেছি, তার কাছ থেকেই দাম একদিন আদায় করে নেব ।
বা'ক, রাষ্ট্রপাল কে ? (মিহিরকুলকে) আপনি বুঝি ? গানের ব্যবস্থা
আপনাবা করেন নি, দেখতে চেয়েছেন নাচ ! এই নিম্ন আপনার সেই
তিন ধাপ নীচের নাচ ! এই নড়ল পা, এই ঘুরল হাত, এই উড়ল
পেশোয়াজ !— (নৃত্য)

রুদ্র । তিন ধাপ নীচের হ'লে কি হ'বে—এ নাচও বাহবা !

সকলে । বাহবা ! চমৎকার !

উৎপলা । যাব যেমন পছন্দ ! এইবার আমি গোবাকটা বদলাব ।

রুদ্র । এদিকে—এদিকে—, এই, কে আছিল—

[অস্থানকালে উৎপলা বলাদিত্যকে নমস্কার কবিল—একজন ভৃত্য

উৎপলাকে পথ দেখাইয়া লইয়া গেল]

মিহির । বলাদিত্য !

বলা । রাষ্ট্রপাল !

মিহির । উৎপলাকে তুমি যাহু ক'রেছ—

বলা । যদিই ক'রে থাকি—

মিহির । উৎপলা কলির উকলী—

বলা । যদিই তা হয়—

রুদ্র । সকালে রাজপুত্রের মেয়ে, বিকালে উৎপলা বাঈজী—

মিহির । থামো রুদ্রদমন ! বলাদিত্য ! তুমি ভাই মুখে একটা মুখোস পর—

বলা । মুখোস ? কেন রাষ্ট্রপাল ?

মিহির । আমার বাগ্দত্তা বধু আসছেন—অতিথিদের সম্মান জানাবার জন্ত । তাঁকে আর তোমার মুখখানা না-ই দেখা'লে ! (সকলের হাস্য)

(শিবানী বাঈয়ের প্রবেশ)

শিবানী । রাজকন্ঠা আসছেন । আশা করি কেউ বাচ্যলতা প্রকাশ ক'রবেন না । কবেন যদি—উজ্জয়িনীর অভিজাত সমাজেব সভ্যতা-বোধের উপর অনাস্থা জ'ন্মে যাবে রাজকন্ঠার !

(সকলে ত্রস্ত হইয়া দাঁড়াইল)

(রাজকন্ঠার প্রবেশ)

মিহির । এস, এস, রাজকন্ঠা ! উজ্জয়িনীর শ্রেষ্ঠ অভিজাতগণ তোমায় সজ্জন জানাবার জন্তই আজ এখানে সমাগত !

মহাসেন । রাষ্ট্রপাল মিহিরকুলের বীরত্ব গৌরবে যেমন অবন্তী সাম্রাজ্য গৌরবান্বিত, রাষ্ট্রপাল ঠাঁকে বিবাহ ক'রবার জন্ত মনোনীত ক'রেছেন—

নেপথ্যে বন্দী । অবন্তী কোশল মহাসাম্রাজ্যের একাদীশ্বর পরম-বৈষ্ণব পরম মাহেশ্বর পরম ভট্টারক সম্রাট শ্রীশ্রীযশোধর্মদেব ভারত-মণ্ডলরাজচক্রবর্তী—

রাজকন্ঠা । মা-জী—

(যশোধর্ম্মনের প্রবেশ)

যশোধর্ম্মন । নতুন যে বাজপাখীটা সেদিন গান্ধারবাসী নিষাদেরা উপহার দিয়ে গেছে—তাকে একবার উড় খাওয়াবার জন্ত সিপ্রার ওপারে গিয়ে—এক্কেবারে ভুল হ’য়ে গিয়েছিল যে—রাষ্ট্রপালের বাড়ীতে —উ-শ্মি-লা !

[যশোধর্ম্মন বজ্রাহতের মত স্তম্ভিত হইয়া দাঁড়াইলেন । উর্ম্মিলা পড়িয়া

যাইতেছিলেন, শিবানীবান্ধ তাঁহাকে ধরিয়া ফেলিলেন ।]

শিবানী । উর্ম্মিলা !

বলাদিত্য । সম্রাট !

মিহির । তুমি বোধ হয় উর্ম্মিলা দেবীকে—হ্যাঁ, হ্যাঁ,—চিনবারই কথা বই কি ! তক্ষশিলায় প্রবাসকালে—হ্যাঁ, তবে উর্ম্মিলাকে এখনও মনে আছে তোমার—একথা আমরা ভাবিনি, কেমন মা-জী ?—হ্যাঁ, উর্ম্মিলাকে আমি বিবাহ ক’রব স্থির ক’রেছি সম্রাট !

যশোধর্ম্মন । (কষ্টে) বিবাহ ক’রবেন,—স্থির ক’রেছেন রাষ্ট্রপাল ? (ক্ষণকাল পবে) রাষ্ট্রপাল মিহিরকুলের মনোনীত বধূরূপে অবস্খীর রাজধানীতে আপনার শুভ পদার্পণের দিনে অকিঞ্চন যশোধর্ম্মনেব সসন্মান সম্বৰ্দ্ধনা গ্রহণ করুন তক্ষশিল-রাজকন্যা উর্ম্মিলাদেবী !

দ্বিতীয় অঙ্ক

প্রথম দৃশ্য

সত্ৰাট-প্রাসাদ

[বশোধৰ্ম্মন কক্ষতলে উপবিষ্ট]

(শিবানীবাঈয়ের প্রবেশ)

শিবানী । (ক্ষণকাল বশোধৰ্ম্মনেব দিকে চাহিয়া থাকিয়া)
বশোধৰ্ম্মন ! পুত্র !

বশো । (মুগ্ধ তুলিয়া) আমি একটু একা থাকতে চেয়েছিলাম—
মাজী !

শিবানী । একা থেকে মন থাবাপ ক'রবে কেন বাপ ? দুর্ভাগ্যের
কাছে অবনত হ'তে নেই । এখুনি যদি হতাশ হ'য়ে পড়—

বশো । আমি হতাশ ত হইনি ! হতাশ হবাব কাবণই বা কী
আছে মা-জী ?

শিবানী । নেই ? সত্য ব'লছ ?

বশো । সত্যই ব'লছি । হতাশ কেন হব ? তবে হ্যাঁ, বিষম
একটু আমি হ'য়েছিলাম । আমার বালাসজ্জিনী উন্মিলা, তাকে রাষ্ট্র-
পাল মিহিরকুলের সঙ্গে বিবাহ দেবাব জন্ত এখানে আনা হ'ল—অথচ
আমায় কেউ এতটুকু সংবাদও দিলে না ! দিলে আমি মন খুলে
আনন্দ ক'রতে পা'রতাম !

শিবানী। মিহিরকুলের সঙ্গে উর্মিলার বিবাহ—এতে তুমি ক্ষুব্ধ হও নি যশোধর্মন ?

যশো। ক্ষুব্ধ ? মিহিরকুল স্বনামধন্য বীরপুরুষ, তাঁর চেয়ে যোগ্যতর পাত্র এশিয়ায় ত দেখি না !

শিবানী। তুমি নিজেকে উর্মিলাকে—

যশো। (পরম বিশ্বযে) আমি নিজেকে ? বিবাহ ? উর্মিলাকে ? বল কি মা-জী ? আমি ? আমি ক'রব বিবাহ ? আশ্চর্য্য কথা ! কবে বাঘের সঙ্গে খেলা ক'রতে গিয়ে বাঘের একটি থাবায় আমার সম্রাটগিবি সাজ হ'বে যাবে—আমার কি সাজে বিবাহ করা ? (কঠ-স্বর কাপিল) মা-জী ! তুমি ব'লো, আমি আসছি । (প্রস্থান)

[শিবানীবাস্তব কণকাল স্তম্ভিতভাবে যশোধর্মনের গমন-পথের দিকে চাহিয়া রহিলেন ।]

(রণধীরের প্রবেশ)

রণধীর। মা ! হাজার দশেক মোহর যে না হ'লেই নয় ! তোমায় খুঁজে খুঁজে আমি—

শিবানী। এতটুকু বালক—এতখানি ছলনা তুমি শিখলে কোথায় ?

রণধীর। আমি বালক ?

শিবানী। ওঃ, রণধীর ! কী ব'লছিলে তুমি ?

রণধীর। দশ হাজার মোহর আমার চাই !

শিবানী। পাবে না—

রণধীর। পাব না ? না পেলে আমার চলবে কি ক'রে ?

শিবানী। তোমার কি ধারণা আমি সোণা তৈরী ক'রতে জানি ?

রণধীর। ও সব চালাকি রেখে দাও ত মা ! তোমার ও সিদ্ধকুন্তরা
হীরে জ্বরং কে খাবে শুনি ? একমাত্র সন্তান—অন্ধের নড়ি—তার
আমোদ আহ্লাদের জ্ঞাত হুঁটো মোহর ছাড়বে, তাতে বুক ফেটে যায়
তোমার ! কেমন ধারা পাষাণী তুমি ?

শিবানী। (ক্রুদ্ধস্বরে) রণধীর !

রণধীর। কুছ পরোয়া নেই ! মোহব যদি না দাও—বলি, দেবে না
ত ? দেবে না ত ? দেবে না ত ? আমি সিপ্রায় ডুবে ম'রব একুনি।

(প্রস্থানোত্তত)

(যশোধর্ম্মনের প্রবেশ)

যশোধর্ম্মন। সিপ্রায় আমিও যাব ভেইয়া ! চল !

রণধীর। বল কি ? তুমি ডুবে ম'রবে কোন্ হুখে ?

যশো। না, না, ডুবে ম'রব কোন্ হুখে ? আমি সাঁতার কাটব !

রণ। তা, আমিও তোমার সঙ্গে সাঁতার কাটতে রাজী আজি—
যদি,—হ্যাঁ ভাই সত্ৰাট ! মা-জীকে ব'লে হাজার দশেক মোহর আমাষ
দেওয়াও না সত্ৰাট ! তুমি ব'ললে অবিশ্তি দেবে !

শিবানী। রণধীর ! এখান থেকে চ'লে যাও ! যা-ও—

যশো। আ-হা—মা-জী !—দাঁড়াও ভেইয়া দাঁড়াও ! দশ হাজার
মোহর ? আমি ত ভাই একান্ত গরীব, যা ভাতা পাই রাষ্ট্রপালের
কাছে—তাতে আমার বাঘ ক'টা আর হাতী ক'টারই খোরাকী চলে
না ! তা নাও, এই মুক্তোর মালা ছড়া—

রণধীর। বাঃ ! এমন নইলে আবার সত্ৰাট ? শোন ভাই সত্ৰাট !
ঐ রাষ্ট্রপালের গলায় ছুরি মেরে দিলে যদি তোমার ভাতা, আমার
ভাতা, মায় বাঘ হাতী নিষাদগুলোর ভাতা কিছু কিছু বেড়ে যাবার

আশা থাকে বোঝো, তবে ব'লো তুমি, ওকে ছুরি মা'রতে আমি সর্বদাই তৈয়ার! রণধীর সিংয়ের মত ভাই থাকতে তোমার চিন্তা কি সম্রাট?

[যশোধর্মন হাত তুলিয়া রণধীরকে নিরস্ত করিলেন, রণধীরের প্রশ্নান]

শিবানী । যশোধর্মন !

যশো । মা-জী !

শিবানী । তুমি আমায় বিশ্বাস ক'রতে পা'রছ না কেন ?

যশো । বিশ্বাস ?

শিবানী । উম্মিলার বিবাহ মিহিরকুলের সঙ্গে—

যশোধর্মন । হ্যা, কি ?

শিবানী । তুমি সহজভাবে নিতে পা'রছ ?

যশো । না পারবার কোন কারণ আছে কি মা-জী ?

শিবানী । নেই ?

যশো । থাকতে পারে না । উম্মিলা আমার বাল্যসঙ্গিনী, রাষ্ট্র-পাল মিহিরকুল আমার পরম হিতৈষী—অভিভাবক—এ দুইয়ের মিলন আমার কাছে কত যে আনন্দের—

শিবানী । এ আমি বিশ্বাস করি না যশোধর্মন—

যশো । না ক'রবার কারণ ?

শিবানী । কারণ—আমি জানি—

যশো । কী জানো ?

শিবানী । আমি জানি—তুমি উম্মিলাকে ভালগাসো—

যশো । জানো ? জানো ? তবে কেনেও এ বিবাহ-প্রস্তাবের সূচনাতেই বাধা দাওনি কেন ? কেন বাধা দাওনি ? কেন আমায়

একটিবার মুখের কথা বলনি—“তোমার উন্মিলা অত্বেব হ’তে চ’লল?”—

মা-জী ! শুক, মুক তুমি ! দেবার মত উত্তর কিছু নেই তোমার !

শিবানী । আছে, তবে তা রাজনীতির কথা । তুমি তা বুঝবে না !

যশো । (ক্ষণকাল নীরবে শিবানীর দিকে চাহিয়া থাকিয়া) সত্য মা-জী, আমি তা বুঝব না, কারণ ওটা রাজনীতি ; এবং আমি বালক ! এবং যেহেতু আমি বালক—অভিভাবক মিহিরকুলের আদেশ পালন ভিন্ন আমার অন্য কর্তব্যও নেই—

শিবানী । না, তা নেই ! তবে—তবে—

যশো । কী তবে ?

শিবানী । কিছু নয় ! তুমি আগে বিশ্বাস করতে শেখো আমায়, তারপর তোমার চোখে আঙ্গুল দিয়ে দেখিয়ে দেব যে—মিহিরকুলের আদেশ লঙ্ঘন না ক’রেও অন্য কর্তব্য করা যায়, এবং—এবং—সে-নকম কর্তব্য ছুই এবটা থাকেও তাদের, যারা ভ্রমগ্রহণ ক’রেছে সিংহাসনের উত্তরাধিকার নিয়ে ! (প্রস্থান)

যশো । স্বার্থ ! স্বার্থ ! মিহিরকুল, শিবানীবাঈ সব এক পথের পথিক ! তবে মিহিরকুলের উদ্দেশ্য বুঝতে পারি, মা-জী দুর্বোধ্য ! সে সব জেনে শুনেও আমার উন্মিলাকে বলি দিলে মিহিরকুলের লাগসার যুগকাঠে !—অথচ সে আমায় ভালবাসে গুত্রাধিক ! কিছু বুঝি না । সত্যই আমি বালক !

[বসিয়া দুইহাতে মুখ ঢাকিলেন]

(উৎপলার প্রবেশ)

উৎপলা । (ক্ষণকাল যশোধর্ম্মনের দিকে চাহিয়া থাকিয়া) পরম ভক্তারক অবতীসম্রাটের বিবাদের কারণ কি প্রণয়ভক্ত ?

যশো । (চমকিয়া) কে ?

উৎপলা । আমি জনেক সম্রাজ্ঞী !

যশো । (বিস্ময়ে) সম্রাজ্ঞী ? কোথাকার ?

উৎপলা । নিখিল বিশ্বের পুরুষের হৃদয়ের ! ধরণীর যেখানে বত
পুরুষ আছে, সবাই আমার অমুরক্ত, ভক্ত, কৃপার ভিখারী !

যশো । উন্মাদিনী !

উৎপলা । মোটেই নয় ! আমি সম্রাজ্ঞী, এবং বর্তমানে আমি
চাই আমার এক বিদ্রোহী প্রজাকে শাসন ক'রতে । এবং যেহেতু
আপনি—নিখিল বিশ্বের না হো'ন—বিশ্বেব এক ক্ষুদ্র অংশ এই অবন্তী
কোশলের সম্রাট—তাই আমি এসেছি—আপনার সাহায্য চাইতে !
সম্রাট ! দাঁড়িয়ে থাকা বা মাটিতে বসা আমার অভ্যাস নেই—
আপনি দয়া ক'রে ঐ শয্যায় উঠে বসুন, আমি বসি এই আসনটাতে !

যশো । সম্রাজ্ঞীর আদেশ শিরোধার্য—(শয্যায় উপবেশন) এখন—
হে মহিমময়ী সম্রাজ্ঞী ! জিজ্ঞাসা ক'রতে পারি কি—কে সেই দুর্যভ
বিদ্রোহী—যার দণ্ড বিধানের জন্ত আপনি এই নগণ্য অবন্তী সম্রাটের
সাহায্য অমুগ্রহ ক'রে চাইতে এসেছেন ?

উৎপলা । তার নাম বলাদিত্য ।

যশো । বলাদিত্য !—ওঃ—বলাদিত্য আমার ব'লছিল বটে ! তুমিই
তা হ'লে নর্তকী উৎপলা !

উৎপলা । তা নর্তকী আমার ব'লতে পারা যায় বটে, কারণ
আমি নাচ-গান করি, এবং দস্তর মত বেশী বেশী পরস্যা নিয়েই
করি ! কিন্তু—আমি যে সম্রাজ্ঞীও—সেটা যদি—সেই কারণে আপনি

অস্বীকার করেন—তবে ব'লব—বুদ্ধির দিক দিয়ে অন্ততঃ—সম্রাট হবার মোটেই যোগ্য নন আপনি !

যশো। আমার যে সম্রাট হবাব মত বুদ্ধির অভাব নেই—সেইটে প্রমাণ ক'রবার লোভেই—তোমায় সম্রাজ্ঞী ব'লে মেনে নিয়ে—সসঙ্কোচে জিজ্ঞাসা ক'রছি—আমার অভাগা বন্ধু বলাদিত্য—

উৎপলা। আমি তাকে ডেকেছিলাম, সে আসে নি !

যশো। তুমি তাকে ডেকেছিলে ! বটে !

উৎপলা। না ডাকতেই অন্ততঃ হাজার বাজা, দশহাজার রাজপুত্র আমার দোরে এসে হত্যে দিয়েছিল। আমার দেহ-বক্ষীরা তাদের কোভা মেরেও বিদেয় ক'রতে পাবেনি। কিন্তু বলাদিত্য—গোঁবার বলাদিত্য—চোয়াড় বলাদিত্য—তাকে তিন তিনবার ডেকে পাঠিয়েছি, তবু সে—

যশোধর্ম্মন। আসেনি ! তাই ত ! এর পরেও চন্দ্র সূর্য্য উঠছে ?

উৎপলা। সম্রাট ! বলাদিত্যের নাকি কে এক চন্দ্রা আছে ?

যশো। আছে।

উৎপলা। আপনি তার বন্ধু, আপনি সে চন্দ্রাকে দেখে থাকবেন। সে কি আমার চেয়েও সুন্দরী ?

যশো। উহঁঃ—

উৎপলা। তবে ? সে আসে না কেন ? সম্রাট ! বলাদিত্য আসে না কেন ?

যশো। যদি সে না-ই আসে ? তাতেই বা কী ? অজয়গড় একটা রুদ্ধ পাহাড় মাত্র, বলাদিত্য রাজা হ'লেও গরীব !

উৎপলা । গরীব ? আমি থা'কতে ? কুবেরের ভাণ্ডার যে আমি তারই পায়ে উজাড় ক'রে দেবার জন্য উন্মুখ হ'য়ে আছি সম্রাট !

যশো । (কিছুক্ষণ স্থির দৃষ্টিতে তাকাইয়া) তুমি উজ্জয়িনী ছেড়ে যাও !

উৎপলা । সম্রাট—

যশো । বলাদিত্য আমার বন্ধু—আর চন্দ্রা—তাব তুলনা হয় না । তাদের ভালোবাসার স্বর্গে নরকের আগুণ জ্বলো না তুমি । তুমি উজ্জয়িনী ছেড়ে যাও !

উৎপলা । যদি না যাই ?

যশো । আমি সম্রাট হ'লেও দুর্বল । হয়ত তোমায় জোর ক'বে তাড়িয়ে দেবার শক্তি আমার না থা'কতে পারে !—আমি তোমার কাছে প্রার্থনা ক'রছি উৎপলা, তুমি বলাদিত্যকে ত্যাগ কর !

উৎপলা । কেন ক'রব ? জীবনে যখন যা আকাঙ্ক্ষা ক'রেছি, তাই পেয়েছি ! ছলে, বলে বা কোশলে ! বলাদিত্যকে আমার চাই !

যশো । ঠিকই ব'লেছ ! কেন ত্যাগ ক'রবে ? পুরুষের মধ্যে মিহিরকুল, নারীর মধ্যে উৎপলা ! এরা যখন যা আকাঙ্ক্ষা করে, তখন তাই পায় !

উৎপলা । মিহিরকুল ? ওঃ ! সম্রাট ! একথা কি সত্য ?

যশো । কী কথা ?

উৎপলা । এই যা নিয়ে সবাই হাসাহাসি ক'রছে—সম্রাটের সঙ্গে রাজকন্যা উর্মিলার বাল্য প্রণয়ের কথা ?

যশো । ওঃ—ওঃ—ওঃ——

উৎপলা । বুঝেছি—সম্রাট, একটা নর্তকীর মুখে আপনার ব্যর্থ প্রণয়ের উল্লেখ শুনতে আপনি ইচ্ছুক নন । কিন্তু কই ? তবু ত আপনি আমার প্রাণদণ্ডের আদেশ দিচ্ছেন না ?

যশো । উৎপলা, তুমি যাও, চ'লে যাও !

উৎপলা । তোমারও যে জালা সম্রাট, আমারও সেই জালা !
তুমি বলাদিত্যকে আমায় দাও, আমি উম্মিলাকে তোমায় দেব !

যশো । কী ?

উৎপলা । বিশ্বয়ের কি আছে সম্রাট ? বলি নি আমি সম্রাজ্ঞী—? সম্রাজ্ঞী সেই, যার ক্ষমতা অপ্রতিহত ! আমার এ ক্ষমতা আছে—যে ইচ্ছে ক'রলেই আমি মিহিরকুলকে হত্যা করা'তে পারি !

যশো । (স্তম্ভিতভাবে) উৎপলা !

উৎপলা । হ্যাঁ, তুমি যা পাবো না—আমি তা পারি । তোমার অর্থ নাই, আমার আছে ! সারা বিশ্ব যে অফুরন্ত রত্নভাণ্ডার অর্থ দিয়ে, উৎপলা নর্তকীর চরণ পূজা ক'রেছে এত দিন—তার অংশমাত্র উজ্জয়িনী'র রাজপথে ছড়িয়ে দিলে—চক্ষুব নিমেষে লক্ষ সৈনিক মাটি ফুঁড়ে উঠে জয়ধ্বনি ক'রবে—‘জয় সম্রাট যশো-ধর্মদেবের জয় !’—তোমার সহায় নেই, আমার আছে ! যে রুদ্রদমন আর রণধীর—অমাত্য সামন্ত সৈন্যধাক্কা'রা তোমায় বন্ধুহীন, শক্তিহীন, সিংহাসনের অযোগ্য অধিকারী ব'লে অবজ্ঞা করে—তারাই আমার আজীবন ভৃত্য, এই চটুল নয়নের একটি সদয় কটাক্ষের ভিখারী ! বিশ্বাস হ'চ্ছে না ? দেখবে একবার ? পরীক্ষা নেবে—সৌন্দর্য আর ঐশ্বর্যের সম্মিলিত—শক্তি ?

যশো । তুমি উম্মিলাকে আমায়—

উৎপলা । দেব ! নিশ্চয় ! স্নানিশ্চয় ! মহাকালকে সাক্ষী ক'রে
শপথ ক'রছি—মিহিরকুল ধ্বংস হবে, উর্শ্বিলা হবে তোমার !

যশো । উর্শ্বিলা হবে আমার !—উৎপলা !

(ছুটিয়া আসিয়া উৎপলার হাত ধরিলেন)

উৎপলা । বিনিময়ে—

যশো । ওঃ—(কে যেন তাঁহাকে কশাঘাত করিয়াছে—এইভাবে
দুই পদ পিছাইয়া গেলেন) না উৎপলা, না ! তা হয় না—

(দুই হাতে মুখ ঢাকিলেন)

উৎপলা । সত্ৰাট !

যশো । (মুখ তুলিয়া) হয় না উৎপলা ! তা হয় না ! আমি
পা'রব না ওঁদেব বিচ্ছিন্ন ক'বতে !

উৎপলা । পাববে না ? উর্শ্বিলার জন্তও নয় ?

যশো । না ! উর্শ্বিলার জন্তও নয় । বন্ধুর প্রাণে তুহানল জ্বলে
দেবে নিজের প্রাণয়িনী উদ্ধার ক'রবার জন্ত, এত বড় স্বার্থপর যশো-
ধর্ম্মন নয় নর্ত্তকী—

(প্রস্থান)

[উৎপলা স্কন্ধে বিন্মিতভাবে দাঁড়াইয়া রহিল]

(শিবানীবাঈয়ের প্রবেশ)

শিবানী । ঠিক বুঝতে পার নি, না নর্ত্তকী ?

উৎপলা । কে ?—আপনি—

শিবানী । আমি যশোধর্ম্মনকে আশৈশব বন্ধে ক'রে লালন ক'রেছি,
আমিই তাকে বুঝতে পারি নি এখনো । তুমি পা'রবে কেমন
ক'রে—বিদেশিনী বিলাসিনী রমণী—খার বাণিজ্য চিরদিন সেই শ্রেণীর
পুরুষের সঙ্গে—বিলাস ভিন্ন জীবনে যাদের অস্ত্র কর্তব্য নেই—

সন্তোগের অন্তরায় চূর্ণ ক'রবার জ্ঞান বাদের উত্তমের অন্ত নেই—
উচ্ছ্বল, উদ্দাম, উন্মাদ যারা—পুরুষ হ'য়ে জন্মেছে—শুধু পৌরুষের
অপপ্রয়োগের জ্ঞান ?

উৎপলা । আমার অনুমান যদি সত্য হয়, আপনিই যদি হন
মহীয়সী শিবানীদেবী—সম্রাটের মাতৃসমা পূজনীয়া ধাত্রী—তবে আপনার
পুত্র বণধীর সিংহও ত পুরুষ হিসাবে ঐ শ্রেণীরই অন্তর্গত !

শিবানী । আমার পুত্র ? হ্যাঁ, আমার পুত্রই বটে ! অস্বীকার
ক'রবার উপায় নেই—বণধীর আমার পুত্রই বটে ! কিন্তু দেহের
চেয়ে মন বড়—নর্তকী হ'লেও এ কথাটা হয়ত তোমার অজ্ঞাত নয় ।
দেহের পঙ্কিলতায় গঠিত আমার পুত্র ঐ বণধীর—আর অন্তরের অমর
জ্যোতির সঞ্জীবিত মূর্তি—আমার পুত্র ঐ বশোধর্মন !—বশোধর্ম্মনের সঙ্গে
তোমার কথা আমি শুনেছি নর্তকী !

উৎপলা । আপনার অপার অনুগ্রহ—ব'লতে হবে !

শিবানী । তুমি সন্ধি ক'রতে চেয়েছিলে—বশোধর্ম্মনের সঙ্গে ।
সে রাজী হয় নি ! কেমন ?

উৎপলা । আমি হতাশ হই নি—

শিবানী । না, তুমি হতাশ হও নি । তোমার চো'খের দিকে
তাকিয়ে আমার মনে হ'চ্ছে—হতাশ হওয়া তোমার অভ্যেস নেই,
পদে পদে যারা হতাশ হয়, তুমি তাদের দলের জীব নও । তাই
আমি তোমার কাছে এসেছি—একটা প্রস্তাব নিয়ে ।

উৎপলা । প্রস্তাব !

শিবানী । হ্যাঁ, সন্ধির প্রস্তাব ! তুমি সন্ধি কর—আমার সঙ্গে !
একদিকে বলামিত্যের প্রেম তোমার জ্ঞান, অন্তর্দিকে—

উৎপলা । বলাদিত্যের প্রেম আমার জন্ত ? কে দেবে ? আপনি ?
আপনার কী প্রভাব আছে বলাদিত্যের উপরে ?

শিবানী । কী সে প্রভাব, কতখানি সে প্রভাব, তা তোমার
জ্ঞানবার ত প্রয়োজন নেই বালিকা ! আমি প্রতিশ্রুতি দিচ্ছি—
বলাদিত্যকে তুমি পাবে ! বিনিময়ে তুমি প্রয়োগ ক'রবে তোমার—

উৎপলা । অর্থ ?

শিবানী । না, অর্থ নয় ! যশোধর্ম্মনের স্বর্গত পিতার গুপ্ত
কোষাগারে এমন রত্নরাজি বর্ত্তমান—সে কথা যা'ক ! অর্থ নয়,
আমি তোমার সাহায্য চাই অত্যাধিক !

উৎপলা । উর্ম্মিলার উদ্ধারের জন্ত ত ?

শিবানী । উর্ম্মিলা ? না, উর্ম্মিলা নয় ! উর্ম্মিলার বিবাহ আসন্ন,
মিহিরকুলের কবল হ'তে তাকে উদ্ধার করা সম্ভব নয় । সে প্রয়াস
ক'রতে গিয়ে মিহিরকুলের রোষান্বিতে এখনই আমি নিক্ষেপ ক'রতে
পারি না যশোধর্ম্মনকে ! উর্ম্মিলা যা'ক ! প্রণয় চর্চার সুযোগ যশোধর্ম্মনের
জীবনে পরেও প্রচুর আসবে !

উৎপলা । উর্ম্মিলার উদ্ধার নয় ? তবে, কিসের জন্ত আমার সাহায্য
আপনি পেতে চান, মা-জী ? যে জন্তই হ'ক, আমি সে সাহায্য ক'রব,
যদি বলাদিত্য—

শিবানী । বলাদিত্য তোমার হবে । বিনিময়ে তুমি প্রয়োগ ক'রবে
তোমার—আবারও ব'লছি তোমার ঐশ্বর্য্য নয়,—তোমার সৌন্দর্য্য—
তোমার লাস্যের আকর্ষণ—তোমার প্রেমাভিনয়ের ইন্দ্রজাল—

উৎপলা । কোথায় ? কার উপর ? কেন ?

শিবানী । কোথায় ?—উজ্জয়িনী, অজয়গড় এবং পশ্চিম ভারতের
 প্রত্যেক পল্লী ও নগরে ! কার উপর ?—ঘৃণিত হনের পক্ষভুক্ত প্রত্যেক
 সামন্ত ও সৈন্যাদ্যক্ষের উপর । কেন ?—মিহিরকুলের পাশ থেকে টেনে
 এনে যশোধর্ম্মনের পায়ের তলায় তাদের নিক্ষেপ ক'রবার জন্ত !—
 পা'রবে ?

উৎপলা । পা'রব ! পা'রব ! শুধু বলাদিত্য আমার হ'ক !

দ্বিতীয় দৃশ্য

বলাদিত্যের গৃহোত্থান

[চন্দ্রা গান গাহিতেছিল]

গান

ঝিলিমিলি শাঁওল পাতার ফাঁকে,
নিরিবিলা ফুলকলি এক থাকে !
(তারে) পায় না খুঁজে প্রভাত-রবিকর,
দোলা দিতে মলয় বাসে ডর,
মিছেই অলি নাম ধ'রে তার ডাকে !
ফুলকুমারীর ভাবনা অহুতন ;
আসবে কবে মিলন-সুলগন,
(কবে) প্রাণেই পাবে ধ্যানের দেবতাকে !
স্থিতি ডুবে গেল,
দেবতা তখন এল,
গুরুগুরু দেয়ার গরজনে !
(তবু) ফুলবালার ভয় নেইক' মনে,
বঁধুরে তার বুকেই ধ'রে রাখে !

(উদ্ধবের প্রবেশ)

উদ্ধব । চন্দ্রা—

চন্দ্রা । কী উদ্ধব দা !

উদ্ধব । তুই যে এখনও দেশে ফেরবার ব্যবস্থা ক'রলি নে ? কাজ কি ভাল হ'চ্ছে ?

চন্দ্রা । দেশে ফিরব ? ওঁকে ফেলে ?

উদ্ধব । ওকে ফেলে—সে কি কথা ? ওকেই ত সরিয়ে নেওয়া বেশী দরকার । দিদি ! ও যে কবে কী-ক'রে বসে—আমি ভেবে সারা হ'য়ে যাচ্ছি ।

চন্দ্রা । তা বটে ! অখাণ্ড কুখাত্তের উপর বড়ই ঝোঁক দেখছি আজকাল !

উদ্ধব । তাতেও বাঁচোয়া ছিল রে দিদি, তাতেও বাঁচোয়া ছিল । ও আর কে জান'ছে বল ! একান্ত যদি নোলায় তোলে, দেশে গিয়ে ছটাক খানিক গোবব গুলে ঢক্ ঢক্ ক'রে খাইয়ে দিলেই প্রাচিভির হ'য়ে গেল ! গেরো হ'য়েছে অল্পরকম—দেখছ না ? আমি কোথায় যাব রে—আমি কি ক'রব রে দিদি ?

চন্দ্রা । আরে ও কি, তুমি মিছিমিছি অমন করছ কেন ?

উদ্ধব । মিছিমিছি ? তিন বেলা লোক হাট্ছে—দাসীর পরে দাস, সিপাহীর পরে ঘোড় সওয়ার ! কারও হাতে ফুলের তোড়া, কারও হাতে গন্ধভুরভুরে গোলাপী চিঠি ! বলে আমরা উৎকলা বাইজীর কাছ থেকে আসছি ! ওরে চন্দ্রা, আমার মাথা খাস—তুই এইবেলা ওকে নিয়ে দেশে চলরে দিদি, দেশে চল !

চন্দ্রা । উৎকলা ?

উদ্ধব । তা সে উৎকলেরই হ'ক, আর কিস্কিন্দ্যারই হ'ক, ওরা কেউ কম যায় না রে, সবাই জাতসাপের বাচ্ছা ! ছুঁলেই বৈতরণী ! মাথার সিন্দূর বজায় থাকতে থাকতে কর্তাটাকে নিয়ে ঘরের মেয়ে ঘরে পালা !

চন্দ্রা । উনি মহাকাল মন্দিবে গেছেন, তুমি ঠুকে ডেকে আন গিয়ে ! তারপরই যা হয় একটা ব্যবস্থা করছি—

উদ্ধব । হ্যাঁ, ঐ ওঙ্কাবনাথ প্রভু ! ঐ আর এক গেরো ! উনি কি আবার ছোঁড়ার মাথায় পবকালের চিন্তা ঢোকাবার ফিকিরে আছেন নাকি এই কম বয়সে, তা কে জানে ! দেখ দেখি গেরো ! একদিকে পিরীতে টানছে, আর একদিকে টানছে গেকয়ায়, ছোঁড়া মন ঠিক ক'রে ব'সবে কি করে ছাই ? (প্রস্থান)

(অগ্নিদিকে উৎপলার প্রবেশ)

চন্দ্রা । কে ?

উৎপলা । উৎপলা । তুমিই চন্দ্রা ? যদিচ আমরা শত্রু, তবু তুমি আমায় একটা আসন দিতে পাবো । আমার দাঁড়িয়ে থাকা অভ্যেস নেই । হয় নাচি, নয় ত বসি !

চন্দ্রা । না—চো ?

উৎ । হাঁ ভাই, আমি নাচি ! যেখানে যাই, নিজে ত নাচিই, দেশেব লোকও আমার দেখে ধেই ধেই করে নাচে । ওই যাঃ, তোমায় ভাই ব'লে ফেললাম, অথচ তুমি আমার ঘোঁতব শত্রু ।

চন্দ্রা । কিসে ?

উৎপলা । আচ্ছা, বলাদিত্য তোমায় ঠিক কতখানি ভালবাসে, ব'লতে পার ?

চন্দ্রা । মেপে ত দেখিনি কোনদিন !

উৎপলা । মেপে দেখবাব কথা মনেও হয়নি বোধ হয় কোনদিন ! অর্থাৎ প্রেমে এমনি উন্ময়, যে তার দিক থেকে ঠিক ঠিক প্রতিদান পাচ্ছ

কি না, খবর রাখবারও খেয়াল হয়নি! ঐ ত তফাৎ তোমাদের আর আমাদের মধ্যে! তোমরা দাও, আমরা নিই!

চন্দ্রা। বার বাতে আনন্দ!

উৎপলা। বলাদিত্যকে যদি নিই আমি?

চন্দ্রা। পার যদি, নাও!

উৎপলা। এত জোর?

চন্দ্রা। দিই বলেই জোর! নেওয়ার দিকে দৃষ্টি থাকলেই মনে ভয় আসে।

উৎপলা। কথাটা বোধ হয় ঠিক। তা ব'সতে যখন দিলেনা, তখন হয় আমায় চলে যেতে হয়, নয়ত না'চতে হয়! নাচলে লোক জ'মে যাবে, তখন আমায় দোষ দিওনা।

চন্দ্রা। চল ঘরে, বসতে দিই—

উৎপলা। তার পর—বলাদিত্য এসে যখন আমায় দেখবে?

চন্দ্রা। তোমার বাড়ীতে গিয়ে তোমায় দেখার চেষ্টে, এখানে আমার চোখের উপর তোমায় দেখা—কম মারাত্মক!

উৎপলা। (হাসিয়া) তুমি রসিকতাও জানো দেখছি। নাঃ, বলাদিত্য তোমায় ছেড়ে আমায় ভালবাসবে—এমন কোন আশাই নেই! এক যদি তোমায় পথ থেকে সরিয়ে দিতে পারি—

চন্দ্রা। হত্যা?

উৎপলা। হ্যাঁ, হত্যা! অথবা, এমন যদি হয়—যে তোমায় কেউ পেতে চায়, পাবার পথ খুঁজে পাচ্ছেনা—আমি যদি তাকে উপায় বলে দি—

চন্দ্রা। ঐ—ঘুরিয়ে হত্যা করাই হ'ল।

উৎপলা । ওঃ, হ্যাঁ, সতীরা আবার পরপুরুষের গায়ের বাতাস গায়ে লাগবার আগেই আত্মহত্যা করে ।

চন্দ্রা । আমি মরে গেলেই যে আমার স্বামীকে তুমি পাবে—একথা তোমায় কে ব'ললে উৎকলা বাইজী ?

উৎপলা । কলা নয়, পলা ! উৎপলা ! হ্যাঁ, তুমি না ম'রলেও তোমার স্বামীকে আমি পাব—একথা আমার কেউ একজন ব'লেছে ।

চন্দ্রা । যেই বলুক, সে তোমায় মিথ্যে ব'লেছে । আমার ঢের কাজ আছে । তুমি বাড়ী যাও —

উৎপলা । দাঁড়াও না ! এত জোর তোমার মনে ?

চন্দ্রা । যে শুধু দিয়ে তুষ্ট, তার মত জোর কার ? আমি দিই, নেওয়ার জন্ত কাদিনে ! ও—ও কিসের কোলাহল ?

(নেপথ্যে কোলাহল, উদ্ধবের প্রবেশ)

উদ্ধব । চন্দ্রা ! চন্দ্রা ! পালা, পালা ! বলাদিত্য ঘরে নেই, এদিকে কারা এসে হাতিয়ার সেপাই নিয়ে বাড়ী ঘেরাও করেছে !

চন্দ্রা । কে সে ছবুঁত ?

উদ্ধব । আমি যতক্ষণ পারি, আটকাবো ওদের । তুই পালা কোথাও !

(দ্রুত প্রস্থান)

উৎ । হিঃ হিঃ হিঃ—

চন্দ্রা । বড় আনন্দ—না ?

উৎ । যা ব'লছিলাম—কেউ যদি তোমায় পেতে চায়—

চন্দ্রা । সে পাবে আমার দেহভস্ম ! (প্রস্থানোদ্যত)

উৎ । দাঁড়াও, দাঁড়াও, আমিও যাব তোমার সঙ্গে !

চন্দ্রা । তুমি ? তুমি কোথায় যাবে ?

উৎ। তুমি কোথায় লুকোও, সেইটে দেখতে যাব। তারপর ওরা ভিতরে এলেই—বাস্—

চন্দ্রা। ব'লে দেবে? (ছুরিকা বাহির করিয়া) তোমায় তাহ'লে হত্যা ক'রেই যাওয়া দরকার।

উৎপলা। সত্যি? (হাসিয়া) সাবাস মেয়ে! তোমার প্রেমের লাভে মানুষ বাড়ী চড়াও হবে—এ মোটেই আশ্চর্য্য নয়। পুরুষ হ'লে আমিই তোমার প্রেমে পাগল হ'য়ে যেতাম!

চন্দ্রা। না, তোমায় হত্যা ক'রতে হাত উঠছে না আমার। আমি লুকোই, নিতান্ত ধরিয়ে দাও, ছোরা নিজের বুকেই বিধিয়ে দেব।

(প্রস্থান)

উৎ। চন্দ্রাকে ধরিয়ে দেব? না যারা এসেছে, তাদেরই ধ'রব?

(সসৈনিক রণধীরের প্রবেশ)

রণধীর। হ্যা হ্যা হ্যা—রাজপুতকা লেড়কি, রণধীর সিংয়ের মুখের গ্রাস কেড়ে নিয়ে পালাবে ঐ ভানোয়ার বলাদিত্য? এই পাকড়ো! জলদি পাকড়ো! একেবারে সিপ্রাপারের উপবনে—

উৎ। (ঘোমটার ভিতর হইতে) পাকড়াবে আর কি ভাই! আমি ত তোমার খাঁচার চিড়িয়া! কোথায় নিয়ে যাবে চল না!

রণ। অ—বাক্! সেদিন চৌচিয়ে ককিয়ে হাঙ্গামা করে ফস্কে পালালে! দেখ দেখি কম হায়রাণি? তোমার উপর আমার এমনি রাগ হয়েছিল সেদিন! যাক্, জলদি ক'রে চল! আবার তোমার সেই না-স্বামী এবং হ্যা-স্বামী গোয়ার বলাদিত্য এসে পড়লে একটা অকারণ ঝামেলা বাধবে। হ্যা, তোমার নামটা কি বল ত ভাই! রাজপুতকা লেড়কি ব'লে ত আর প্রেম করা চলে না।

উৎ । নাম আমার জানানো ? এরই মধ্যে ভুল ?

রণ । জা—নি ? কই ?

উৎ । দেখ দেখি ভাল ক'বে মনে ক'রে—

রণ । কই ? (মাথা চুলকাইয়া) মোটেই মনে প'ড়ছে না ত !

উৎ । (ঘোমটা খুলিয়া) মনে প'ড়ছে না ? আমার নাম ?

রণ । কী সর্বনাশ ! উৎপলা ?

উৎ । এই ত, আমাব নাম বেশ জানো ? দিব্যি ত মনে আছে !

নিষ্ঠুর !

রণ । নি—ষ্ঠুর ?

উৎপলা । নিষ্ঠুর নয় ? সেদিন দশ হাজার মোহর পাঠিবে দিয়ে, তুমি আমার দোব থেকে ফিবে চলে গেলে, একটিবার দেখা পর্যন্ত ক'বে গেলে না । আমি ওদিকে সেজেগুজে তোমার জন্তে সারারাত—

রণ । ব'সে বইলে ? আবে, তোমাব সিপাহীরা আমার মোহরগুলো গুণে নিয়ে—আমায় যে এক রকম—এক রকম ষাড় খাক্সা দিয়ে বিদেয় ক'রে দিলে !

উৎপলা । যদিই বা তারা তোমায় চিনতে না পেরে, ভুল ক'রে ষাড় খাক্সা দিয়েই থাকে, তুমি শুনলে কেন ? হ্যাঁ, তুমি আমার ভালবাসতে যদি, তবে আর ষাড়খাক্সা খেতে না খেতেই অমন রাগ ক'রে বাড়ী ফিরে যেতে না ! আরে, তুমি তলোয়ার খুলে দাঁড়া'লেই যে—

রণ । তাই ত ! তলোয়ারটা খুললে হ'ত ত ! কথাটা আদবে আমার মনেই হয় নি !—যা'ক গে—তুমি তা হ'লে—

উৎ। আবাব তাহ'লে কি ? এইও—ভাগো তোম লোক হি'য়াসে !
হাম সিং বাহাদুরকা সাথ প্রেম করেকা, কেয়া। তোম লোককা
সামনে মে ?

রণ। ঠিকই ত ! সামনে মে ?—এই ভাগো, জলদি ভাগো
হি'য়াসে সব কোই— (অহুচরগণের প্রস্থান)

উৎ। আমি কেথায় তোমায় অবন্তী-কোশলের সত্রাট ক'রব ব'লে
অভিসন্ধি আঁটছি, আর তুমি আমায় ফাঁকি দিয়ে—একটা—একটা—
ছিঃ ছিঃ—একটা হত-কুৎসিত রাজপুতানীর পেছনে পেছনে ঘুবছ ?

রণ। অ—বাক ! অবন্তী কোশল ? সত্রাট ?

উৎ। কত টাকা হ'লে তুমি বিশ হাজার সেপাই জোগাড় ক'রতে
পার ? ছ'লক্ষ ? চারলক্ষ ?

রণ। অ—বাক ! স্বপ্ন দেখছি নিশ্চয় !

উৎ। চল, আমার বাড়ী চল ! তুমি তলোয়ার ধ'রতে জানো,
শিবানী দেবীর ছেলে তুমি, নব-উর্ধ্বশী উৎপলার প্রেমাস্পদ তুমি,
তুমি সত্রাট হবে—এ আবার অবাক কি ? চল—তোমায় পরামর্শ
দিচ্ছি, মোহরের বস্তা ঢেলে দিচ্ছি তোমার পায়ে—বিশ হাজার
সেপাই আর তুমি জোটা'তে পা'রবে না ?

রণ। অ—বাক ! (উভয়ের প্রস্থান)

(বলাদিত্যের প্রবেশ)

বলা। চক্কা ! চক্কা ! কই, কেউ ত নেই ! চক্কা !

(শিবানীবান্দিয়ের প্রবেশ)

শিবানী। তোমার ভৃত্যেরা আহত, তাই বিনা সংবাদেই—

বলা । মা-জী ? এ যে মহৎ সম্মান ! আমি একটু চঞ্চল আছি ।
আমার জী—

শিবানী । চঞ্চলতার কারণ নেই । আমার অভাগ্য পুত্র তোমাব
জীর সাক্ষাৎ পায়নি !

বলা । তবে ? কোথায় চন্দ্রা ? চন্দ্রা ! চন্দ্রা !

শিবানী । অন্তঃপুরেই আছেন তিনি ! রণধীরকে অপসারিত ক'বেছে
নর্তকী উৎপলা ।

বলা । উৎপলা ? উৎপলা এখানে ?

শিবানী । কারণ আছে । সে তোমার অনুরক্তা !

বলা । এসব কথা আপনার মুখে—মা জী ?

শিবানী । বলাদিত্য !

বলা । মা-জী ?

শিবানী । সম্রাট—আমার পুত্রাধিক প্রিয় যশোধর্ম—

বলা । সম্রাটের সঙ্গে উৎপলার কি সম্পর্ক মা-জী ?

শিবানী । আমি একটা সন্ধি ক'রেছি বলাদিত্য—সম্রাটের মঙ্গলের
জন্ত—উৎপলার সঙ্গে ! অত্যা ক'রেছি কি ?

বলা । মা-জী ? (ভীতভাবে চাহিয়া রহিলেন)

শিবানী । তুমি চতুর্ব ! সে সন্ধি কি, তা কি এখনো তোমার
বুঝতে বাকী আছে বলাদিত্য ? যশোধর্মের শত্রু বহু । তাদের
যশোধর্মের অহরন্তর ক'রে ভুলতে পারে, হয় রাজশাসন, নয় ত উৎকোচ !

বলা । উৎকোচ ?

শিবানী । শাসনের শক্তি যশোধর্মের করায়ত্ত নেই । সেইজন্তই—

বলা । উৎকোচ !

‘শিবানী। অর্থের ভিখারী তারা কেউ নয় বলাদিত্য—যশোধর্ম্মনের এই শক্তিমান শত্রুর দল। সেইজন্যই, তাদের সম্মুখে আমি ধ’রতে চাই—নারীপ্রেমের প্রলোভন, নারীপ্রেমের উৎকোচ !

বলা। উৎপলার ? (এক পা পিছাইয়া গেলেন)

শিবানী। হাঁ, উৎপলার। উৎপলা স্বীকৃত। কিন্তু সে মূল্য চায়।

বলা। না, মা-জী, না !

শিবানী। তুমি অস্বীকৃত, বলাদিত্য ? যশোধর্ম্মনেব শ্রীবুদ্ধিব জগৎ আত্মতাগে তুমি কাতর, বলাদিত্য ?

বলা। উৎপলার সাহায্য ব্যতিবেকেও সম্রাটের শ্রীবুদ্ধি হওয়া সম্ভব, মা-জী !

শিবানী। বাতুল !

বলা। আমরা প্রজা সাধারণকে সজ্জবদ্ধ ক’বব !

শিবানী। তোমরা ! অর্থাৎ তুমি আর প্রভু ওঙ্কারনাথ !

বলা। আপনি জানেন তাহ’লে !

শিবানী। আমি সবই জানি এবং এও জানি—যে এ প্রয়াস ব্যর্থ হ’তে বাধ্য !

বলা। ব্যর্থ হ’তে বাধ্য ? কেন ?

শিবানী। ওর যুগ এখনো আসে নি ব’লে !

বলা। যুগ আসে নি ?

শিবানী। প্রজাসাধারণ সিংহাসনে কে ব’সবে—তা নিয়ে মাথা ঘামায় না। হাজার বৎসর অপেক্ষা কর, তারপর হয়ত—

বলা। কিন্তু দুর্গতি ত প্রজারই হয় !

শিবানী । হুয়, এবং তা'বা না'ববে সছ কবে । মা'ব পায, কিন্তু উল্টে হাত তোলে না মা'ববাব জন্ত । ঘব পুড়ে বায, তক্ষুনি আবাব নতুন ঘব বাঁধবাব জন্ত বাশ কা'টতে লেগে যায ওবা । ওদেব আশা বাবা কবে, তা'বা মূৰ্থ ।

বলা । (নীবব)

শিবানা । এটা অস্ত্রব্যবসাবীদের ব্গ । শাস্তই উৎসাহ দিবেছে তা'দেব—বাবভোগ্যা বহুক্ষবা ব'লে । সেই অস্ত্রব্যবসাবীবা এখন মিচিব-কুলেব পক্ষে ।

বলা । সবই সত্য !

শিবানা । সত্য ব'লেই উৎপলাব সাহায্য বশোধক্ষনেব প্রযোজন ।

বলা । আমি বশোধক্ষনেব জন্ত আ'গুনে ঝাঁপ দিতে পাৰি । কিন্তু—

শিবানা । উৎপনাকে গ্রহণ ক'বতে পা'ব না !—কেমন ?

বলা । ও যে তুযানবা । জীবন্ত নবক ।

শিবানা । আমাব ধাবণা ছিব—প্রবৃত্ত বন্ধ নবকেও ঝাঁপ দিতে পাবে বন্ধুৰ জন্ত । দেখছি—আমাব ধাবণা ভুল ।

(চন্দ্রাব প্রবেশ)

চন্দ্রা । না, ভুল নয় !

বলা । চন্দ্রা, চন্দ্রা—

চন্দ্রা । বন্ধুব জন্ত আত্মত্যাগ কি চন্দ্রাব স্বামীব পক্ষে এতই দুঃসাধ্য ?

বলা । নতকী ! গণিকা ! চন্দ্রা, চন্দ্রা—স্বামীকে নিজেব হাতে নবকেব আ'গুনে ঠেলে দিও না !

শিবানী । কহা ! বশোধক্ষনেব নিষতি তোমাৰ হস্তে ! আজ তোমাৰ স্বামীব অগ্নি পরীক্ষা ! আমি যাচ্ছি—এই সংবাদ পাওবাব প্রত্যাশা

নিম্নে আমি যাচ্ছি যে উৎপলার সহায়তার বিনিময়ে তার আকাঙ্ক্ষিত
মূল্য দিতে বলাদিত্য প্রস্তুত ! (প্রস্থান)

চন্দ্রা । স্বামী !

বলা । একটা কথা তোমরা কেউ ভাবছ না । আমি প্রস্তুত হ'লেও
কিছু হবে না চন্দ্রা ! বশোধর্মনকে চেনেন না ঐ মা-জী ! সে কখনো
তার বন্ধুর আত্মবলি-মূল্যে উৎপলার সাহায্য ক্রয় ক'রবে না !
কখনো না !

(রক্ষীর প্রবেশ)

রক্ষী । প্রভু ! পত্র ! (পত্র প্রদান করিয়া প্রস্থান)

বলা । নিমজ্জণ-পত্র ! উর্শ্বিলার বিবাহের !

চন্দ্রা । (অক্ষুট আর্ন্তনাদ)

বলা । উর্শ্বিলার বিবাহ—কাল—মিহিরকুলের সঙ্গে !

চন্দ্রা । (ছুটিয়া গিয়া বলাদিত্যের হাত ধরিল) স্বামী !

বলা । কি ক'রতে পারি, চন্দ্রা ?

চন্দ্রা । উর্শ্বিলাকে এই আসন্ন নরক থেকে রক্ষা করা—

বলা । মৃত্যু ভিন্ন তাঁর রক্ষার কোন উপায় নেই !

চন্দ্রা । না যদি থাকে, তবে মৃত্যুই অবশ্য তাঁকে রক্ষা ক'রবে !
কারণ—সতীকন্তা দ্বিচারিণী হয় না !—কিন্তু সে কথা নয়, আমার মনে
হয়—আমার মনে হয়—

বলা । মনে হয় যে হয়ত উর্শ্বিলার উদ্ধারও সম্ভব—?

চন্দ্রা । হাঁ—(মৃদুস্বরে)—ঐ উৎপলার সাহায্যে—

বলা । সম্ভব ?—হয়ত অসম্ভব নয় !

চন্দ্রা। স্বামী!

বলা। চন্দ্রা!

চন্দ্রা। উর্শ্বিলার মৃত্যুই কি আমাদের কাম্য? যশোধর্ম্মনের বন্ধু বলে যারা আত্মপরিচয় দিই?

বলা। সত্যই ব'লেছ চন্দ্রা! যশোধর্ম্মনের সিংহাসনের জন্ত নয়, যশোধর্ম্মনের উর্শ্বিলার জন্ত আমরা দেব—দেব উৎপলাকে—তার প্রার্থিত মূল্য! আমি যাচ্ছি উৎপলার কাছে, চন্দ্রা!

তৃতীয় দৃশ্য

মিহিরকুলের গৃহ ।

[কক্ষমধ্যে মিহিরকুল, নর্তকীগণ]

নৃত্য ।

মিহির । আচ্ছা, তোমরা যাও এখন—

(রুদ্রদমনের প্রবেশ)

রুদ্র । সে কি ? সে কি প্রভু ? আমি এলাম, আর ওরা গাবে ?—
আর একখানা আদেশ হ'ক প্রভু !

মিহির । তবে আবাব ধবো । রুদ্রদমন আমাব ডা'ন হাত, ওর
অন্তরোধ ত আব অগ্রাহ্য কবা চলেনা ! বেশ চমৎকার একখানি
ভালবাসার গান ওকে শুনিয়ে দাও !

(নর্তকীগণের নৃত্যগীত)

(তোমায) ভালবাসার গান শোনাবো, কঠিন কথা নয় !

দাওনা বধু পয়সাকড়ি, গয়না কতিপয় !

হ'ক না তোমার বয়েস বেঁধা,

থাকনা শিরে টাক,

ভুঁড়িওলা হওনা কালো, হ'ক না খাঁদা নাক,

বাড়ী দিও, গাড়ী দিও—

(সে সব) তুলব সমুদয় !

দেবে খোবে, তার উপরে হবে বুদ্ধিমান,

রবে নীরব, এ পক্ষেরি ছুটলে বাক্যবাণ,

(আর) কাছেপিঠে সদাই নাহি ঘুরবে মহাশয় !

[গীতকালে নর্তকীগণ রুদ্রদমনকে লইয়া নানারূপ বাজকৌতুক করিতে লাগিল । তাহাতে রুদ্রদমনের কখনো আনন্দ, কখনো বিরক্তি প্রকাশ, ও মিহিরকুলের হাস্য ।]

(নর্তকীগণের প্রস্থান)

রুদ্র । ভয়ানক নাচওয়ালা ত এরা ! তক্ষশীল রাজকন্যার সম্মুখে এরকম সব যা তা গান টান না গেয়ে বসে !

মিহির । তক্ষশীল রাজকন্যা কোন রকম গানটানই শুনতে অনিচ্ছুক — রুদ্রদমন — আপাততঃ —

রুদ্র । কেন ? কেন ?

মিহির । তিনি অসুস্থ —

রুদ্র । বলেন কি ? অসুস্থ ?

মিহির । তিনি এবং আমি দুজনেই !

রুদ্র । ওঃ—তো - ও !

মিহির । কী হ'ল ?

রুদ্র । বুঝেছি ! শিবানীবাই আপনাদের দু'জনকে আমন্ত্রণ করেছিলেন আজ প্রাসাদে—আপনারা যাচ্ছেন না—

মিহির । হেঃ হেঃ হেঃ —

রুদ্র । আপনি কি শিবানীবাইকে অবিশ্বাস করেন—তা হলে ? (হাস্য)

মিহির । অবিশ্বাস শিবানীবাইকে নয় ! সে শক্তিশালিনী ছিল গন্ধর্ব্ব সেনের জীবদ্দশায়—আজ তাব সম্মান আছে—শক্তি—(মাথা নাড়িয়া) সে আমার কী ক'রবে ?

রুদ্র । কেই বা আপনার কী ক'রবে ? দোর্দণ্ডপ্রতাপ মিহিরকুল—
দিগ্বিজয়ী হনজাতির একাধিনায়ক—

মিহির । সত্য । কিন্তু প্রেমিক যুবকেরা হঠকারিতার পরিচয় দিয়ে
থাকে সময়ে সময়ে—ইতিহাসে এমন কথা লেখে রুদ্রদমন !

রুদ্র । প্রেমিক যুবক ! ওঃ, আপনি অবিশ্বাস ক'রছেন সম্রাটকে !

মিহির । অবশ্যই ক'রছি, কারণ আমি নিরোধ নই । যশোধর্মের
উদ্বিলাকে ভালবাসত এবং এখনও ভালবাসে ।

রুদ্র । তাইত—একটা নিদারুণ মনোমালিঙ্গের সৃষ্টি হ'ল !

মিহির । সংঘাত অবশ্যম্ভাবী, তা আগেও তোমায় ব'লেছি । শক্তি
পরীক্ষা অনিবার্য । আর সে শক্তি পরীক্ষায় আমায় বুঝিয়ে দিতে হবে
যশোধর্মেরকে—যে নামে আমি গন্ধর্ব্বসেনের মনোনীত রাজপ্রতিনিধি
হ'লেও, কার্য্যতঃ আমি—উজ্জয়িনীবিজ়েতা !

রুদ্র । বিজ়েতা ?

মিহির । যুদ্ধ হয়নি, তাই বিজয়লাভটা স্পষ্ট হ'য়ে উঠতে পারেনি
জগতের সম্মুখে । কিন্তু যুদ্ধ হয়নি শুধু এই কারণে যে গন্ধর্ব্বসেন ছিলেন
দূরদর্শী ! যে আক্রমণ ক'রে রাজ্য হরণ করতাই, তাকে আমন্ত্রণ ক'রে
এনে, তিনি রাজ্যভার স'পে দিয়েছিলেন ।

রুদ্র । খুবই সত্য । গন্ধর্ব্বসেন দূরদর্শীই ছিলেন বটে !

মিহির । কিন্তু সবাই দূরদর্শী হবে, এমন প্রত্যাশা না করাই ভাল ।

রুদ্র । প্রত্যাশা করেন না ব'লেই বুঝি আপনি যশোধর্মেরের বাগ্-
দত্তাকে নিজে বিবাহ ক'রছেন—?

মিহির । শক্তিবৃদ্ধির জন্ত । তক্ষশীলা উত্তরভারতের শ্রেষ্ঠ রাজশক্তি,
তার আহুকূল্যে আসে যায় অনেক !

রুদ্র । ঠিক ! উর্খিলাদেবীর বিবাহের পরোক্ষ যোতুক হ'ল—অর্জুন সশস্ত্র সৈনিক । যুদ্ধ এবং রাজনীতি—উভয়ই আপনি অপরাজ্যেয়, হনাধিনায়ক !

মিহির । অর্জুন সশস্ত্র সৈনিক ! একটুও অত্যাক্তি করনি তুমি ! উজ্জয়িনীর সম্রাট সমাজ যদি এই পঞ্চবর্ষ পরে হঠাৎ আজ হনাধিপত্যের বিপক্ষে মাথা তুলে দাঁড়ায়—

রুদ্র । যশোধর্ম্মনের প্ররোচনায়—

মিহির । তাহ'লে হন রক্ত মোক্ষণ না ক'রেও উজ্জয়িনীর সে বিদ্রোহ দমন ক'রতে পারব আমরা—

রুদ্র । হাঃ হাঃ হাঃ—কাঁটায় কাঁটা তোলা ! উজ্জয়িনীর বিরুদ্ধে তক্ষশীলা ! হাঃ হাঃ হাঃ—আবার বলি—আপনি অপরাজ্যেয়, রাষ্ট্রপাল !

মিহির । হাঃ হাঃ হাঃ—

রুদ্র । আমার কিন্তু একটা কথা মনে হ'চ্ছিল ! সম্ভ্রাত হ'লে যশোধর্ম্মনের পতন নিশ্চিত ত বটেই ! কিন্তু বিনা সম্ভ্রাতে তার পতন যদি ঘটানো যায়—

মিহির । বিনা সম্ভ্রাতে ? গন্ধর্ব্বসেনের পুত্র আত্মপ্রতিষ্ঠার জন্য একটাও চেষ্টা ক'রবে না, এও কি সম্ভব ?

রুদ্র । সে চেষ্টার স্বেযোগ যদি না দিই তাকে ?

মিহির । অর্থাৎ ?

রুদ্র । ভয়ে ব'লব না নির্ভয়ে ব'লব ?

মিহির । (নিঃশ্বরে) নির্ভয়ে বল ।

রুদ্রদমন । (নিঃশ্বরে) আমার মতে—(মিহিরকুলের দিকে চাহিয়া নীরব)

মিহির। এ সব পরামর্শের সময় গভীর রাত্রি ! (পরিক্রমণ) হ্যাঁ, শক্তিসঙ্কল্পেব অবসর তাকে দেওয়া—মুর্থতা ! ঐ শিবানীবাঈয়ের শক্তি নেই, কিন্তু প্রতিপত্তি এখনো আছে । তার পুত্র রণধীর নির্বোধ, কিন্তু নির্ভীক । মন্ত্রী মহাসেন—তাব অন্তরেব কথা কেউ জানেনা । সর্বোপরি ঐ চতুর হিন্দু বলাদিত্য—নিজেও সে একটা পবাক্রান্ত রাজা ! না, না, রুদ্রদমন ! তুমি ঠিকই বলেছ,—এবং তুমি আসতে চাও আজই লাত্রে । বিষধবকে আহত ক'রেছি, এখন আব তাকে নিকৃতি দেওয়া চলে না ।

দৌবারিক । প্রভু ! উৎপলা বাইজীব পত্র—

মিহির । উৎপলা বাইজী--? (পত্র গ্রহণ ও পাঠ) মন্দ কি !
(দৌবারিকের প্রস্থান)

রুদ্র । উৎপলা বাইজীও কি রাষ্ট্রপালের প্রণয়ার্থিনী না কি ? মন্দ হয় না । উম্মিলাদেবীর পদানত যেমন অর্দ্ধলক্ষ তরুশীল খড়গ, উৎপলা বাইজীর করায়ত্ত তেমনি বহুলক্ষ স্তূর্ণ দীনার ?

মিহির । আরে না, না ! সে আসতে চান উম্মিলাকে নাচ দেগিয়ে কিছু পুরস্কার নেবে ব'লে ।

রুদ্র । নাচ ? আমরা দেখতে পাবনা ? (আক্ষেপসূচক শব্দ)

মিহির । মন্দ কি ! উম্মিলার মন খারাপই আছে । যাও-উৎপলাকে আসতে লিখে দাও, আমাব নাম করে ।

(রুদ্রদমনের প্রস্থান)

(বাহিরে ঝড়ের শব্দ)

মিহির । একি ! ঝড় ওঠে না কি ? (বাতায়ন পার্শ্বে গমন)

(উর্শ্বিলার প্রবেশ)

উর্শ্বিলা । আমি—দু'টো কথা কইব বাহুপালের সঙ্গে !

মিহিব । আঁা ? উর্শ্বিলা ? সে ত আমার সোভাগ্য ! আমি নিজেই যেতাম তোমার বিশ্রামকক্ষে !

উর্শ্বিলা । আমি যে কথা কইতে চাহ, তাব স্থান হ'ল মন্ত্রণাকক্ষ, বিশ্রামকক্ষ নয় !

মিহিব । মন্ত্রণাকক্ষ ? (হাস্য) কী মন্ত্রণা ক'বতে চাও উর্শ্বিলা আমার সঙ্গে ?

উর্শ্বিলা । মন্ত্রণা—বিবাহ বন্ধ ক'ববাব ।

মিহিব । (স্তম্ভিতভাবে) উর্শ্বিলা দেবী ।

উর্শ্বিলা । আপনার সঙ্গে আমার বিবাহেব প্রত্যাব—তার মূলে ছিল একটা প্রতাবণা ! সে প্রতাবণা ধবা প'ড়ে গেছে । এখন এ বিবাহ বন্ধ হওয়া চাই—অবিলম্বে !

মিহিব । প্রতাবণা ?

উর্শ্বিলা । প্রতাবণা । সহস্রবাব ব'লব—প্রতাবণা ! যশোধর্ম্মন বিলাসী, যশোধর্ম্মন লম্পট, যশোধর্ম্মন বাতুল—নয় ? আপনি প্রতাবণা ক'বেছেন তক্ষশীলাব বাজাব সঙ্গে, তক্ষশীল বাজকন্ঠাব সঙ্গে, সমগ্র সশস্ত্র তক্ষক জাতিব সঙ্গে ! এর প্রতিফল আপনি পাবেন ।

মিহিব । বাজকন্ঠা । আত্মবিশ্বাসি সর্ব্বক্ষেত্রেই অকল্যাণেব হেতু !

উর্শ্বিলা । আত্মবিশ্বাসি ? বাহুপাল ! তুমি হীন—প্রতারক—চক্রী—ভাগ্যাহ্বনী সৈনিক—অশ্বভোজী হন—তুমি তক্ষকদুহিতা উর্শ্বিলাব সম্মুখে দাঁড়িয়ে উদ্ধতবর্ণে ব'লতে সাহস ক'বছ—“আত্মবিশ্বাসি

অকল্যাণের হেতু ?”—শত দিগ্বিজয়ী যোদ্ধার শোণিত যার শিরায়
বহমান—সেই উর্শ্বীলাকে তুমি নিজের ক্রীতদাসী ব’লে কল্পনা
ক’রেছ—বিবেকবিহীন দানব ? যশোধর্মনকে আমি পত্র লিখেছিলাম,
সে পত্র কোথায় ?

মিহির । আমি জানি না ।

উর্শ্বীলা । জানো না ? যশোধর্মনের সম্বন্ধে তোমাদের মিথ্যা রটনা
অবিশ্বাস ক’রে আমি পর পর তিনজন পত্রবাহক পাঠিয়েছিলাম তক্ষ-
শীলা থেকে উজ্জয়িনী নগরে । পত্রের উত্তর পাইনি, তিনজন পত্র-
বাহকের একজনও ফিরে যায় নি উজ্জয়িনী থেকে । কী হ’ল সে
পত্রের ? কী হ’ল সে পত্রবাহকদের ? তুমি জানো না ? মিথ্যাবাদী
তুমি রাষ্ট্রপাল !

মিহির । (সগর্জনে) উর্শ্বীলা !

উর্শ্বীলা । মিহিরকুল ! (ক্ষণকাল ক্রুদ্ধভাবে তাকাইয়া থাকিয়া)
উর্শ্বীলাকে বিবাহ ক’রে তক্ষক বংশের মিত্রতা লাভের কল্পনা ক’রে-
ছিলে বোধ হয় তুমি ? কিন্তু তার পরিবর্তে কী লাভ ক’রলে তুমি—
জানো মূর্থ ? মৃত্যুহীন শত্রুতা ! উর্শ্বীলার রক্তের প্রতিশোধ নেবে
তক্ষক জাতি মিহিরকুলের রক্তে !

মিহির । উর্শ্বীলার রক্ত ?

উর্শ্বীলা । হাঁ, উর্শ্বীলার রক্ত ! মৃত্যু ভিন্ন উর্শ্বীলার আর কি
গতি আছে ? যশোধর্মনের প্রিয়তমা হনের পত্নীত্ব স্বীকার ক’রবার অস্ত
উজ্জয়িনী আগমন ক’রেছে, একলঙ্কের স্থানন ক’রতে হ’লে, বন্ধোদ্যত
ঢেলে দেওয়া ছাড়া অস্ত্র উপায় নেই উর্শ্বীলার !

মিহির। যশোধর্ম্মনের প্রিয়তমা! বড় গোরবের পদবী—নয় ?
এক লম্পট বিলাসী যুবা—উজ্জয়িনীর গৃহে গৃহে কুলনারীরা যার
পাপদৃষ্টির ভয়ে ত্রস্ত—

উর্শ্বিলা। মিথ্যাবাদী! আর হয় না। আমি যশোধর্ম্মনকে দেখেছি,
যশোধর্ম্মনেব কণ্ঠে উর্শ্বিলা আহ্বান শুনেছি! তার প্রাণের বাণী কথার
ঝঙ্কারের ভিতর দিয়ে প্রবেশ ক'রেছে আমার প্রাণে! তুমি কে
মিহিরকুল যে একবৃন্তে প্রফুল্লিত যুগ্ম কুহুমের মাঝে কক্ষসর্পের
মত কুণ্ডলী পাকিয়ে এসে বসতে চাও ?

মিহির। এতই যদি তুমি ভালবাসো যশোধর্ম্মনকে, তবে তুমি
বিবাহে স্বীকৃত হয়ে উজ্জয়িনীতে এলে কেন ?

উর্শ্বিলা। এলাম—স্বত্বকে যশোধর্ম্মনকে দেখে তার পায়ে নিজের
জুৎপিও ছিঁড়ে দিয়ে, তাকে রাজার কর্তব্যে উত্তেজিত ক'রবার
জন্ত! হুঁতগ্য আমার—এই চরম পথ অবলম্বন ছাড়া যশোধর্ম্মনের
সান্নিধ্যে আসার কোন উপায়ই আমার ছিল না।

মিহির। হুঁতগ্য তোমার—শিশুর মত খেলা ক'রতে ক'রতে
তুমি এসে বাঘের মুখে মাথা বাড়িয়ে দিয়েছ। মিহিরকুল—কান্দীর
হ'তে নর্দনা পর্যন্ত সমগ্র পশ্চিম ভারত যার সম্মুখে নতশির—সেই
মিহিরকুলকে তুমি একটা জড় অপদার্থ ব'লে বিবেচনা ক'রেছ
তক্ষণীলকন্ডা? দুর্কিনীতা—তোমার এমন শাস্তি আমি দেব—তোমার
বিলাসের কিঙ্করী ক'রে, অখভোজী হ'নের ক্রীতদাসী ক'রে অন্ধকার
কারায় তোমায় রেখে দেব আমি! সমগ্র সশস্ত্র তক্ষক জাতি
সন্ধানও পাবে না—উর্শ্বিলা জীবিত—না মৃত! আজীবন—অশ্রবণে
হাহাকারে তুমি প্রায়শ্চিত্ত ক'রবে তোমার এই চরম মূঢ়তায়!

উন্মিলা । তার পূর্বে—বিষাক্ত এই ছুরিকায়—(ছুরিকা বাতির করিল)

মিহির । ছুরিকা ! (কাড়িয়া লইতে উত্তত)

নেপথ্যে রুদ্রদমন । এই কক্ষে—এই কক্ষে উৎপলা বাঈজী !
রাষ্ট্রপাল এই কক্ষে !

মিহির । উৎপলা বাঈজী—

(রুদ্রদমন, যক্ষী ও সঙ্গিনীগণসহ উৎপলার প্রবেশ)

উৎপলা । হাজার হাজার দণ্ডে রাষ্ট্রপাল ! রাজকন্ডার পায়ে লাগে' নমস্কার ! বড় এসে প'ড়েছি ! বা বড় উঠেছে—

মিহির । উঠুক না ! রাষ্ট্রপালের অট্টালিকা *ক্ত বৃনিয়াদের উপরই গড়া উৎপলা বাঈজী ! এ ভেঙ্গে পড়ার আশঙ্কা নেই,—বুঝে—উন্মিলা !

উৎপলা । তা যখন আশঙ্কা নেই, আদেশ যদি হয়—কিছু নাচগান ক'রে গরীব বাঈজী রাষ্ট্রপাল আর রাষ্ট্রপালবধুর কিঞ্চিং চিত্তবিনোদনে চেষ্টা যদি করে—

মিহির । আহা, উৎপলা বাঈজী ! তোমার এত দিনেও ত্রাংপথা কি ? তোমার নাচ দেখতে পাওয়া ত সৌভাগ্যের কথা ! আমাদের প্রেমালোকে ব্যাঘাত ক'রে যে *ক্ততা ক'রেছে—নাচে গানে তার ক্ষতিপূরণ করা চাই বাঈজী—!

উৎপলা । রাওজী রুদ্রদমন ! আপনার কাঁধে একটু ভর দিয়ে দাঁড়াই—আপনি দয়া ক'রে একটু এগিয়ে আসুন না ! আলেকজান্দ্রিয়ায়—বুঝেছেন ? আলেকজান্দ্রিয়ায় একবার ভরা আসরে আছাড় খেয়েছিলাম, দাঁড়িয়ে যুগ্মর পরতে গিয়ে । সেই থেকে সাবধান হ'য়ে গেছি ! এখন

আব পালোয়ান পুরুষ কাবো কাঁধে ভবনা দিখে আমি আর যুগুব
পরিনে !—মস্তানী !— (যুগুবওয়ালী যুগুব পবাইতে লাগিল)

[উদ্ভাঙ্গা দূরে দাঁড়াইয়াছিল, বিহিরকুল তাহার নিকটে গিয়া

সন্ধিস্থাপনের চেষ্টা করিতে লাগিল]

উৎপলা । রুদ্ধদমন ভাই ! আমি তোমায় গোলাপ ছুঁড়ে মেরেছিলাম
কি অমনি অমনি ?

রুদ্ধ । আঁা ?

উৎপলা । সেই থেকে তুমি একটিবার আমায় দেখতে গেলে না ?

রুদ্ধ । গেলাম না ? তিন তিনবার গেছি, তিন তিনবার তোমাব
দেবকীরা আমায়—শেষে ভাবছিলাম—সৈন্ত নিয়ে গিবে তোমার
প্রাসাদে চড়াও হবে একদিন ।

উৎপলা । আমি ভাই তোমাদের রাষ্ট্রপাল লোকটাকে ছুঁচক্ষে
দেখতে পারি না । তুমি ওকে কোন অছিলায় অস্ত্র কোথাও নিয়ে
গিবে আটক বাখতে পাব ?—বতরুণ আমি এখানে নাচব ? আমি নাচবও
না বেশী—একটি নাচ নেচে পুনস্কারটি বাগিষে বাড়ী চ'লে যাব ! যা
ঝড় উঠছে, বেশীক্ষণ আসব চ'লবেও না !

রুদ্ধ । তা না হয় রাষ্ট্রপালকে আটক ক'রতে পারি আমি । কিন্তু
আমার ত নাচ দেখা তা হ'লে হয় না !

উৎপলা । তোমার ? সারাবা'ত দেখো না তুমি ! তোমার ত
আমি নিয়েই যাব সাথে ক'বে ! আর কি তোমায় ফেলে যাই ?
গারানিধি পেয়েছি বখন—

রুদ্ধ । হা হা হা—তা হ'লে আমি রাষ্ট্রপালকে—হ্যাঁ, সাথে
কিন্তু যাবই আমি—

উৎপলা । নাও ! যুগ্মর পরা হ'য়ে গেছে আমার—

(রুদ্রদমনের প্রস্থান)

রাষ্ট্রপাল ! কী দিয়ে আরম্ভ ক'রব বলুন—

মিহির । (অগ্রসর হইয়া) কী দিয়ে ? ঝড়ের বেলায় আসর ব'সল যখন, ঝড়েরই নাচ একটা নাচো !

(রুদ্রদমনের দ্রুত প্রবেশ)

রুদ্র । রাষ্ট্রপাল !

মিহির । আঁঃ কী ?

রুদ্র । জলদি একবার যদি—বড়ি জরুরী— (কাণে কাণে কথা)

মিহির । বল কি ? চল ! তুমি রাজকন্যাকে নাচ দেখাও বাইজী, আমি আসছি—
(রুদ্রদমন সহ দ্রুত প্রস্থান)

উৎপলা । সোঁ সোঁ ক'রে ঝড় যখন ওঠে রাজকন্যা—

উর্ধ্বলা । ঝড়ই উঠুক ! শুধু আকাশে নয়, ঝড় উঠুক যশোধর্ম্মনের অন্তরে ! ঝড় উঠুক তক্ষশীলায় ! প্রলয় ঝটিকার ভাঙনে চূর্ণ, ভয়, ধ্বংসাৎ হ'ক মিহিরকুলের শক্তির সোধ !

(ছুরিকা বক্ষে বিদ্ধ করিতে উত্তত)

উৎপলা । (হাত ধরিয়া) ওর প্রয়োজন নেই রাজকন্যা ! সম্রাট আপনার প্রতীক্ষায় আছেন ! আপনি চলে যান আমার এই ওড়না পরে, আমার এই যন্ত্রীদের সঙ্গে । বিশ্বাস ক'রছেন না ? এই অজুগীয চেনেন ?

উর্ধ্বলা । এই অজুগীয ? তুমি কোথায় পেলো ? এ যে আমার অজুগীয, তক্ষশীলা থেকে যশোধর্ম্মনের বিদায়ের দিনে আমিই তাকে—

উৎপলা । আপনিই তাঁকে দিয়েছিলেন ! ঠিক । এই অভিজ্ঞান
সম্রাট পাঠিয়েছেন আপনার কাছে, বন্ধু বলাদিত্যের হাত দিয়ে ।
নির্তরে আপনি চ'লে যান ! সম্রাট প্রতীক্ষায় আছেন !

[উদ্ভিলার সঙ্গে ওড়না বিনিময় করিল]

উদ্ভিলা । আর তুমি ?

উৎপলা । আমি ? ঝড়কে আটকানো বরং সোজা, উৎপলাকে
আটকানোব চেয়ে ! যান আপনি !

(যজ্ঞীগণ সহ উদ্ভিলার ক্ষত গ্রহান)

উৎপলা ! সত্যিকার ঝড় এইবার উঠল ! সে ঝড়ের কাছে
আকাশেব ও ঝড় তুচ্ছ !

গান ।

নিবিল আলো, নিকষ কালো, নিবিড় নিশা তরাসে কাঁপে ।

আঁধার মাথা ঝড়ের পাখা ঝাপট হানে দারুণ দাপে ।

দৈত্য দেবতায় আবার সংগ্রাম—

আর্ন্তরোদন ধরায় অবিরাম,

বিশ্বলক্ষ্মী কাল-সিঁজুব গহীন গভীরে বিরহ যাপে ।

কালের অট্টহাস্তে, কালীর ব্যাদিতাস্তে—

নব ইজিত বিজলী-রেখায়,

নব সঙ্গীত রণিত ঝঙ্কার,

জীবন মন্ত্র লভিছে বিশ্ব,

রবে না নিঃসাড় মরণ শাপে ।

চতুর্থ দৃশ্য

রাজপথ—ঝড়, বিদ্যুৎ।

যশোধর্ম্মন, উদ্ধব।

যশো। বন্ধু কোথায়?

উদ্ধব। তা আমি জানিনে ত! আমার ব'ললে এই রাস্তায় এসে দাঁড়াতে। ব'ললে—সম্রাট আসবেন, তাঁকে তুই অপেক্ষে ক'রতে ব'লবি!

যশো। দেখ দেখি, ঝড় বইছে, বৃষ্টিও নামবে এখনই! এখানে অপেক্ষা করি কি ক'রে? আর অপেক্ষা ক'রব যে কার জন্তে—তাও ত জানিনে। তার সঙ্গে দেখা ত তার বাড়ীতেই হ'তে পারত!

উদ্ধব। উহঁঃ, পা'রত না! তাকে বাড়ীতে পাওয়ার দিন যুচে গেছে রাজা! সে এখন উৎকলে!

যশো। উৎকলে?

উদ্ধব। উৎকলে না হ'ক, উৎকলার বাড়ীতে!

যশো। উৎকলা? ওঃ! উৎপলা! কিন্তু বলাদিত্য উৎপলার বাড়ীতে—সে কি কথা? বলাদিত্য কলির ভীষ্ম, তার এমন মতিভ্রংশ হওয়া অসম্ভব।

উদ্ধব। আসল ভীষ্ম কোনদিন উর্ধ্বশীর পাল্লায় প'ড়েছিলেন, এমন কথা মহাভারতে নেই অবিশ্টি। প'ড়লে কি হ'ত, জানিনে! কিন্তু এ কলির ভীষ্ম কলির উর্ধ্বশীর পাল্লায় প'ড়ে একেবারে হাড়গোড়-ভাঙ্গা হ' ব'নে গেছেন, রাজা! আমার এ কী হ'ল, বল দেখি রাজা? এত সাধ ক'রে চন্দ্রাকে এনে স'পে দিলাম ওর হাতে! আমার সব সাথে



১৯৩৫, মা কালীদাস (অকালিক)



সম্বোধ সিংহ

ছাই দিলে ও ? মেয়েটার দিকে আর চাইতে পা'রছিনে ! এখন মরণ হ'লেই বাঁচি আমি !

যশো । তোমার কথা কিছুমাত্র বুঝতে পা'রছিনে আমি ! উঃ—
কী ভীষণ বিদ্যাৎ !

(উন্মিলা ও যজ্ঞীগণের প্রবেশ)

কে যায় ?

মস্তানী । সম্রাট ঐ যে ! এইবার আমরা চ'লে যাই রাজকন্তা ?

উন্মিলা । বাও—

(যজ্ঞীগণের প্রস্থান)

যশো । কে যায় ? উত্তর দাও—

উন্মিলা । যায় এক বিদেশিনী, আশ্রয়হারা নারী !

যশো । আর একটা বিদ্যাৎ ! আর একটা চমক এক পলকের
জ্ঞাত ! কার কণ্ঠস্বর শুনলাম ? কে ও ? কে তুমি ? আর একবার কথা
কও দয়া ক'রে ! কে তুমি ?

উন্মিলা । স্মৃতি তোমায় প্রতারণা করেনি ! আমি সেই !

যশো । উন্মিলা ?—এর চেয়ে বিষয় স্বর্গে মর্ত্যে পাতালে কেউ
দেখেনি কোনদিন, সত্য ত্রেতা স্বাপরে কোনদিন কেউ দেখেনি এই
বিশাল বসুন্ধরার কোন দেশে ! উন্মিলা ! রাষ্ট্রপালের প্রাসাদ ছেড়ে,
সহস্র সজাগ প্রহরীর চোখের উপর দিয়ে সৃষ্টি ঝঙ্কা বিদ্যাৎ মাথায়
ক'রে, রাজপথে কেন তুমি ?

উন্মিলা । তোমারই জ্ঞাত !

যশো । কোন প্রশ্ন ক'রবনা ! অন্তরে অন্তরে আমি বিশ্বাস
করি, আমারই জ্ঞাত এসেছ তুমি ! সহস্র প্রতিকূল ঘটনা চোখে

দেখেও তোমার উপর আস্থা কোনদিন হারাইনি ! আমি জানি তুমি আমারই ! কিন্তু তুমি এলে কেমন ক'রে ?

উন্মিলা । উৎপলার কোশলে !

যশো । উৎপলার কোশলে ? সর্বনাশ !

উন্মিলা । সর্বনাশ ?

যশো । উৎপলার কোশলে তোমার মুক্তি, আর বলাদিত্যের আহ্বানে আমাব এখানে উপস্থিতি ! এতে কী কার্য কারণ সম্বন্ধ বোঝা যায় উন্মিলা ?

উদ্ধব । ঐ—ঐ—হু'জনে যোগসাজস ক'বে—

যশো । স্থনিশ্চয় ! বলাদিত্য শেষকালে উন্মিলার জন্য চক্রাকে ভাসিয়ে দিলে ?

উদ্ধব । চক্রাকে ভাসিয়ে দিতে দিওনা রাজা ! দিওনা তুমি !

যশো । স্নেহোদ্ভাদ বৃদ্ধ ! তা কি পারি আমি ? পারি না, উন্মিলার জন্যও না । উন্মিলা ! তোমার—তোমার—

উন্মিলা । আমায় ফিরে যেতে হবে ?

যশো । যেতেই হবে, নইলে উৎপলার কাছে বলাদিত্যের প্রতিশ্রুতি ফিরিয়ে নেওয়ার ত কোন উপায় নাই !

উন্মিলা । তবে যাই !

যশো । আমিও যাই !

উন্মিলা । তুমিও ? কোথায় ?

যশো । যেথায় তুমি, সেথায় আমি ! বর্ষজয় পরে মিলেছি যখন, তখন কি আবার বিরহ স্বীকার ক'রব প্রিয়া ? এবারকার এ মিলন অক্ষয়, অনন্ত হ'ক আমাদের ! তুমি রাষ্ট্রপালের গৃহে গিয়ে পৌছোবার

পূর্বেই আমার দেহমুক্ত আত্মা বায়ুস্তরে দাঁড়িয়ে প্রতীক্ষা ক'রবে তোমার ! মবণেই মহামিলন হবে আমাদের !

(ওঙ্কারনাথের প্রবেশ)

ওঙ্কার । না ! তা হবেনা !

যশো । কে ? কে কথা কইলে ? সূচীভেদ্য অন্ধকারের ভিতর থেকে এই গম্ভীর নির্ঘোষ কি ভগবান মহাকালের ? দেবতা কথা বলুন ! আপনি কি মহাকাল ?

ওঙ্কার । না, মহাকাল নই ! মহাকালের পূজারী মাত্র ! আমায় তুমি চেনো যশোধর্ম্মন !

যশো । প্রভু ওঙ্কারনাথ ? প্রণাম করি ভগবান ! কিন্তু আপনার এ নিষেধ ত শিবোধার্থ্য করা আমার সাধ্য নয় প্রভু ! আপনি জানেন না সব কথা !

ওঙ্কার । আমি জানি সব কথা । বলাদিত্য সব বলেছে আমায় । তুমি এ আপত্তি তুলবে জেনে বলাদিত্য আমায় তোমার কাছে পাঠিয়েছে, তোমাব কল্যাণের পথ দেখিয়ে দেবার জন্য ! উর্শ্বীলাকে নিয়ে তোমার উজ্জয়িনী ত্যাগ ক'রতে হবে এই মুহূর্ত্তে ।

যশো । অসম্ভব, প্রভু ! আপনি উর্শ্বীলার দিকটাই দেখছেন, চন্দ্রার কথা ভাবছেন না ।

ওঙ্কার । আর তুমি ? তুমি চন্দ্রার কথাও ভাবছ, উর্শ্বীলার কথাও ভাবছ, নিজের কথাও ভাবতে ভোল নি ! শমনপুরীর শীতল ক্রোড়ে উর্শ্বীলার সঙ্গে পুনর্নিলিত হবার সমস্ত ব্যবস্থাই ক'রে ফেলেছ তুমি । কর নি কেবল দেশের কোন ব্যবস্থা, ভাবো নি কেবল জাতির পরিণামের কথা !

যশো। দেশের? জাতির?

ওঙ্কার। রাজা কে? দেশের নেতা! রাজা কে? জাতির
নায়ক! তোমার প্রথম ও শেষ কর্তব্য যাদের কাছে, তাদের কথাই তিল-
মাত্র চিন্তা কর নি তুমি! যশোধর্মন! অবন্তী কোশল চিরতরে হন
পদানত হ'ক, হিন্দু জাতির নাম ভারতের বক্ষ থেকে বিলুপ্ত হ'য়ে
যা'ক হুণের অত্যাচারে—এই কি তুমি চাও?

যশো। কী আজ্ঞা ক'রছেন প্রভু?

ওঙ্কার। তবে তুমি ম'রতে চাইছ কি ক'রে? যশোধর্মন বলাদিত্যের
মিলিত প্রয়াস ছাড়া যে ভারতকে বা হিন্দুকে রক্ষা ক'রবার কোন
উপায় নেই—হন প্রাবন থেকে—তা কি আজ আবার নতুন ক'রে
শোনাতে হবে তোমায়?

যশো। উর্খিলা! চল, বাই! মহাকাল নির্দেশ পাঠিয়েছেন—
জাতি ও দেশের জন্ত বাঁচতে হবে আমাদের!

ওঙ্কার। হাঁ, বা'চতে হবে! উদ্ধব! রাজা, রাণী আর চন্দ্রাকে
নিয়ে যাও অজয়গড়ে! পা'রবে?

উদ্ধব। আর ঐ ঐ—ছেলেটা?

ওঙ্কার। বলাদিত্য?—বুড়ো, তুই বুড়োই হ'য়েছিস, জ্ঞান বুদ্ধি
কিছু হয় নি তোর! সতীর পতিকে কেউ কোনদিন ছিনিয়ে
নিতে পেরেছে?

উদ্ধব। পারে নি?

ওঙ্কার। না। স্বয়ং শমনেরও অধিকার নেই সতীর কাছ থেকে
তার পতিকে কেড়ে নেবার!

উদ্ধব । তোমরা উৎকলাকে চেনো না ঠাকুর ! যা'ক ! তোমার কথার অবাধ্য হব না । যাব আমি—সবাইকে নিয়ে অজয়গড়ে— কিন্তু বলাদিত্য যদি তিন দিনের ভিতর সেখানে না পৌঁছয়, আমি এসে তোমার পায়ে রক্তগড়া হব, তা ব'লে যাচ্ছি ঠাকুর ! এস রাজা— এস বাণী—

যশো । প্রভু, আশীর্বাদ করুন—

ওঙ্কার । অজয়গড়েব প্রবাসেই পূর্ণ বিক্রমে বিক্রমাদিত্যের প্রকাশ হ'ক ভারত গগনে !

উর্ধ্বিলা । প্রভু—

ওঙ্কার । উজ্জয়িনীর রাজলক্ষ্মী ! আমি'ব অন্তরে শক্তি সঞ্চার কর !

(ওঙ্কারনাথ ব্যতীত সকলের প্রস্থান)

ওঙ্কার । ভারতের মুক্তি যজ্ঞানল ! এইবার জ'লে ওঠো পূর্ণতেজে ! উজ্জয়িনীর সামন্ত সমাজের কতক এবার পক্ষ নেবে যশোধর্ম্মনের, কতক মিহিরকুলের ! সে বিরোধ মিটবাব 'আগেই অজয়গড়ে যশোধর্ম্মনের পতাকা নিয়ে দেশের শ্রমিক আর কৃষক সমবেত হবে লক্ষ লক্ষ, যশোধর্ম্মনের কাছে অস্ত্রশিক্ষা পেয়ে দেখতে দেখতে পরিণত হবে তারা দুর্ন্দদ সৈনিকে ! জয় মহাকাল !

(প্রস্থান)

পঞ্চম দৃশ্য

রাজপ্রাসাদ—বিক্রমের কক্ষ ।

বলাদিত্য ও উৎপলা ।

বলাদিত্য । সন্ধ্যাট এতক্ষণ—

উৎপলা । অজয়গড়ের পথে—

বলা । সে পথ বিপদসঙ্কুল । ঘাঁটিতে ঘাঁটিতে মিহিরকুলের সৈন্ত ।
উর্শ্বিলার অদর্শনের সঙ্গে সঙ্গেই মিহিরকুল যদি তাদের হুঁসিয়ার
থা'কবার আদেশ পাঠিয়ে থাকে, তা হ'লে সন্ধ্যাটের নিরাপদে
অজয়গড়ে পৌঁছবার আশা নেই ।

উৎপলা । আমার বুদ্ধির ওপর এখনো তোমার আস্থা জন্মায়
নি দেখছি । বলি—উর্শ্বিলার অদর্শনের সঙ্গে সঙ্গেই যে উর্শ্বিলার
ওড়না প'রে আমি হাজার লোকের সামনে দিয়ে সন্ধ্যাটের ঘরে
এসে উঠলাম—সে কিসের জ্ঞান ?

বলা । তা বটে ! মিহিরকুল এতক্ষণ এখানে এসে চড়াও হয়
নি যে—এই আশ্চর্য্য !

উৎপলা । একটুও আশ্চর্য্য নয় ! প্রকাশ্যে সন্ধ্যাটের সঙ্গে বিবাদ
ক'রবার আগে সে একবার ভাববে বই কি ! রুদ্দমনকে পুছ ক'রবে,
মহাসেনকে ডেকে পাঠাবে, শিবানীদেবীর কাছে নালিশ করাও
অসম্ভব নয় !

বলা । তা বটে ! আমি অবস্থাটা ঠিক বুঝে উঠতে পারি নি ।
মিহিরকুলের অন্তঃপুর থেকে উর্শ্বিলাদেবীকে উদ্ধার ক'রে আনতে
আর কেউ পা'রত না ।

উৎপলা । সে জন্ত আমার উপর কৃতজ্ঞ হবার কোন প্রয়োজন নেই তোমাদের ! উপকার অবশ্য ক'রেছি আমি । কিন্তু তার দরুণ মল্যও আমি আদায় ক'রে নেব ।

বলা । মূল্য ? তা নিও—(দীর্ঘশ্বাস)

উৎপলা । তা ত নেবই ! কিন্তু আমি বিস্মিত হই এই ভেবে বলাদিত্য—এ গলহস্তকে তুমি অম্বুকুল ব'লে বিবেচনা ক'রতে পা'রছ না কেন ? বিশ্ববাস্ত্বিতা উৎপলা তোমার প্রণয় ভিত্তিধারিণী—সেটা হ'ল তোমার কাছে মস্ত বড় একটা দুর্ভাগ্য ?

বলাদিত্য । আমি যে বিবাহিত—উৎপলা !

উৎপলা । বিবাহিতের কি প্রণয়িনী থাকতে নেই ?

বলা । না !

উৎপলা । না ! একটিমাত্র—ছোট “না” ! সরল, সংক্ষেপ, সতেজ “না” ! কোন্ বিবাহিতের প্রণয়িনী নেই বলাদিত্য ? মিহিরকুল, রুদ্রদমন, রণধীব—

বলা । থা'ক থা'ক—তাদের নাম আর না-ই ক'রলে !

উৎপলা । অর্থাৎ—তাদের চাইতে তুমি ঢের উ'চুতে ! এই ত তোমার মনের কথা ?—দস্ত ! অবশ্য দস্ত থাকাকাটা ভাল—আমার নিজেরই দস্ত যথেষ্ট ! যার দস্ত নেই—সে মানুষই নয় !

বলা । দস্তই যদি মস্তস্ত্রের মাপকাঠি হয়, তবে অতিমানুষ হ'ল ঐ মিহিরকুল ।

উৎপলা । মিহিরকুল ! বেচারা ! তার দস্ত আছে, কিন্তু বুদ্ধি নেই !

বলা । বুদ্ধি নেই ? মিহিরকুলের ?

উৎপলা। বুদ্ধি থাকলে সে একটা নর্তকীর হাতে নিজের প্রণয়িনী ছেড়ে যায়? বিশেষ যে প্রণয়িনী অগ্নাসক্তা?

বলা। এতক্ষণ তারা—

উৎপলা। ই্যা, যে কথা হ'ছিল, এতক্ষণ ওঁরা অজয়গড়ের পথে। সে পথ বিপদসঙ্কুল, কিন্তু বিপদে সম্রাটকে সাহায্য ক'রবারও লোকের অভাব নেই সে পথে।

বলা। বিপদে সাহায্য ক'রবার? কে—কে—কে আছে উৎপলা? নির্দাকব যশোধর্ম্মনের কে সে অজ্ঞাত বন্ধু?

উৎপলা। সে বন্ধু মোটেই তোমাদের অজ্ঞাত নয়। নাম তার শ্রীল রাও রণধীর সিং বাগাদুর!

বলা। রণধীর? মা-জীর আদেশে?

উৎপলা। না—বন্ধু না! এই উৎপলা বাঈজীর আদেশে! আমি তাকে দশ হাজার সেপাই সংগ্রহ ক'রতে আদেশ ক'বেছিলাম—সে দু'দিনে পাঁচ হাজারের বেশী পারে নি! তা—তাতেই এখন চ'লবে! সম্রাটের পথের বিষয় দূব ক'রতে পাঁচ হাজার সৈনিকই আপাততঃ যথেষ্ট!

বলা। তোমার আদেশে?

উৎপলা। নিশ্চয়ই! এতে অবাক হবার কি আছে? সে আমার প্রণয়ভিকু!

বলা। বাঃ, চমৎকার!

উৎপলা। একে প্রণয়ভিকু, তাতে আবার তাকে আমি লোভ দেখিয়েছি—উজ্জয়িনীর সিংহাসন তাকে দেব!

বলা । সর্বনাশ ! বলো কি ? সে ত তাহ'লে সম্রাটকে দেখবামাত্রই
হত্যা ক'রবে !

উৎপলা । মোটেই না ! আমি তাকে বুঝিয়েছি—উর্শ্বিলাকে নিয়ে
যাতে সম্রাট পালিয়ে যেতে পারে—তারই সাহায্য করা হ'ল গিয়ে
সম্রাট আর মিহিরকুল উভয়কেই যুগগৎ বিনাশ ক'রবার একমাত্র
উপায় ! মিহিরকুলে যশোধর্ম্মনে বাধবে যুদ্ধ, উভয়ে পুড়ে মরবে সে
যুদ্ধের আগুণে—শূন্য সিংহাসনের অধিকারী হবে বিশ হাজার সৈনিকের
অধিনায়ক শ্রীল রাও রণধীর—

বলা । রণধীর তাই বুঝেছে ?

উৎপলা । বুঝবে না ? তারও—মিহিরকুলের মত—দম্ভ আছে, বুদ্ধি
নেই ! অধিকন্তু সে আমায় ভালবাসে !

বলা । তা বটে ! সে তোমায় ভালবাসে !

উৎপলা । তুমি তাতে একটুও ঈর্ষা অনুভব ক'রছ না ?

বলা । ঈর্ষা ?

উৎপলা । যদি বলি—আমিও তাকে ভালবাসি ?

বলা । (সাগ্রহে) বাসো ?

উৎপলা । অ্যা—ঈর্ষ্যার পরিবর্তে তোমার হ'ল উল্লাস ? নিষ্ঠুর !

বলা । (হতাশভাবে) নিষ্ঠুর কিসে ?

উৎপলা । আমায় একটুও নিজের ব'লে যদি ভাবতে পা'রতে,—
রণধীরকে আমি ভালবাসি শুনে তার চুটি কামড়ে ধ'রবার জন্ত ব্যগ্র
হ'য়ে উঠতে তুমি !

বলা । উৎপলা !

উৎপলা । তুমি ব'লতে চাও—তুমি একটুও নিজের ব'লে ভাবতে

পার না আমায় ! (কম্পিতস্বরে) ভা'বতে না পার বলাদিত্য—ভাণও ত
অন্ততঃ ক'রতে পার ?

বলা । ভাণ ?

উৎপলা । ক'রলে—আমি সেই ভাণকেই সত্য ব'লে মেনে নেবার
চেষ্টা ক'রতাম বলাদিত্য ! যদি “উৎপলা” বলে একটিবার হাতখানি
ধ'রতে আমার—ভালবেসে নয়, ভাণ ক'রে—বলাদিত্য ! বলাদিত্য !
আমায় ভালবাসবার ভাণ করাও কি শক্ত ? আমি কি এতই ঘৃণ্য ?

বলা । তুমি যশোধন্যনের জীবন দান ক'রেছ, আমি তোমায়
শ্রদ্ধা করি ।

উৎ । শ্রদ্ধা ? (হাস্য)

বলা । তুমি যদি আমায় চাও, আমায় পাবে । আমি ত
শপথ ক'রেছি !

উৎ । শপথ ক'রেছ বন্ধুর খাতিবে, ভালবাসার খাতিরে নয় !

বলা । আমি যে বিবাহিত, উৎপলা !

উৎ । তাতে কি আসে যায়, বলাদিত্য ? এই নিভৃত বিলাসকক্ষ—
এই বর্ষণমুখর নিলীথিনী—এই নিবিড় সান্নিধ্য—এর মাঝে বাস্তবকে এক
নিমেষের জন্য ভুলে—এক মুহূর্তের জন্য কি মনে করা যায় না প্রিয়তম
যে একজগতে আছে শুধু আজ বলাদিত্য । আর আছে শুধু উৎপলা ?
আমার সারা জীবনের স্বপ্ন, আমার অন্তরতম সাধনার নিধি, আমার
তুষিত আত্মার শাশ্বতী কামনা, যদি মৃতি ধ'রে সন্মুখে এসেছ—তবে
ঘৃণায় মুখ ফিরিয়ে চলে যাবে কেন সখা ?—একটি দিনের তদ্রোণ
তুমি ভালবেসে আমার হও, চিরজন্মের তৃষ্ণার মুখে এক বিন্দু নীতল
বারি আমায় দাও বলাদিত্য !—বলাদিত্য !— (বাহুবদ্ধ করিল)

বলা । উৎপলা ! উৎপলা !

নেপথ্যে শিবানীবাঈ । যশোধৰ্মন !

বলা । উৎপলা !—মা-জী—

উৎপলা । ওঃ— (শ্রান্তভাবে দুই হাতে মুখ ঢাকিয়া বসিল)

নেপথ্যে মিহিরকুল । এই ঘরে ! নিশ্চয় এই ঘরে ! প্রতিহারীরা জনে জনে আমায় ব'লেছে—সুবেশা এক নারীকে তারা সম্রাটের এই ঘবে প্রবেশ ক'বতে দেখেছে । এই লম্পটকে তবু সম্রাট ব'লে আমি সম্মান ক'রব মা-জী ? উজ্জয়িনীর রাজতুর্গ চূর্ণ ক'রে, সম্রাট-সিংহাসন সিপ্রায় ভাসিয়ে দিয়ে, উর্শ্বিলার অপহরণকারীকে আমি—

নেপথ্যে শিবানী । শাস্ত হ'ন রাষ্ট্রপাল ! যশোধৰ্মন ! দ্বার খোলো !

বলাদিত্য । উৎপলা !

উৎপলা । সম্রাটের ঐ শিবস্বাণ মাথায় পরো, সম্রাটের ঐ পরিচ্ছদে অঙ্গানবণ কব—

বলা । (তদ্রূপ কবিয়া) তারপর ?

উৎ । তাবপর যত্নাব দূত যদি এসেই থাকে বন্ধু, ম'রব ! সম্রাটকে বতটা পারি, পালাবার সময় দিতে হবে ! (উচ্চৈঃস্বরে) রাষ্ট্রপাল ! মা-জী—আমি হাসিমুখে যত্নাবরণ ক'রব, কিন্তু প্রিয়তমকে যখন একবার পেয়েছি—তখন কেউ আর তার কাছ থেকে আমায় বিচ্ছিন্ন ক'রতে পারবে না !

নেপথ্যে মিহিরকুল । পাপীয়সি ! তোর শাস্তি—ভাঙ্গ দ্বার সৈনিক !

নেপথ্যে শিবানী । আপনি সম্রাটের অমর্যাদা ক'রবেন না রাষ্ট্রপাল !

নেপথ্যে মিহির । আমি হত্যা ক'রব যশোধৰ্মনকে, সৈনিকগণ !

নেপথ্যে শিবানী। রাষ্ট্রপাল! শিবানীবাঈয়ের অন্তরোধ—এক মুহূর্ত স্থির হ'য়ে বিবেচনা করুন।

নেপথ্যে মিহির। ভাজো ঘার!

মিহিরকুলের প্রবেশ

মিহির। নির্লজ্জ, লম্পট! সৈনিকগণ! বন্দী কর!

(শিবানীবাঈয়ের প্রবেশ)

শিবানী। গন্ধর্বসেনের পুত্রের অমর্যাদা করবার পূর্বে তুমি শিবানী বাঈকে হত্যা কর রাষ্ট্রপাল! (বলাদিত্যকে আবরণ করিয়া দাঁড়াইলেন)

মিহির। উর্শ্বীলা! তক্ষশীল কুলের কলঙ্কিনী!

(উৎপলাকে সবলে ধারণ)

উৎপলা। আমি উৎপলা।

(সৈনিকগণ হাসিতে গিয়া হাসি চাপিল)

মিহির। উৎপলা? সম্রাট আর উৎপলা?

শিবানী। ছিঃ ছিঃ ছিঃ রাষ্ট্রপাল! উর্শ্বীলা তোমার প্রাসাদেই কোথাও আত্মগোপন ক'রে র'য়েছে নিশ্চয়—যে বর্কশ স্বভাব তোমার! ছিঃ ছিঃ, সম্রাট যদি একটা নর্তকী নিয়ে হৃদয়ের জন্ত বিলাসে মত্ত হয়ই, তাতে সাম্রাজ্যের শ্রেষ্ঠ রাজপুত্রেরা অস্ত্র নিয়ে ছুটে আসবে, এ কি অন্তায় কথা?

মিহির। সম্রাট আমায় ক্ষমা কর! কিন্তু এই উৎপলাকে আমার প্রয়োজন আছে।

উৎপলা। অর্থাৎ আমি বন্দিনী!

মিহির। উর্শ্বীলা নিরুদ্দেশ হবার ঠিক পূর্বেই তুমি তার কাছে ছিলে, যতক্ষণ না তাকে পাওয়া যায়—

উৎপলা। ততক্ষণ তার প্রতিনিধিত্ব ক'বতে রাজী আছি—
রাষ্ট্রপাল— যদি উপযুক্ত মূল্য পাই !

মিহির। চুপ কর নর্তুকী ! বন্দী কর একে সৈনিক !

উৎপলা। তাব পূর্বে হতভাগ্য সম্রাটকে একটু সাঙ্ঘনা দিতে
নাও আমায় ! (বলাদিত্যেব নিকটে গিয়া) বিচলিত হ'য়ে না । মন
যদি খারাপ হয়, বন্ধুব কাছে চলে যাও । আমার জ্ঞাত ভেবোনা !
আমি রাষ্ট্রপালেব কাছে সহজেই মুক্তি নিতে পারব ! (সৈনিকের
নিকটে আসিয়া) চল কোথায় যেতে হ'বে । নমস্কাব রাষ্ট্রপাল !
প্রণাম হই মা-জী ! (সৈনিকগণ উৎপলাকে লইয়া প্রস্থান করিল)

মিহিব। তুমি কিছু মনে ক'বোনা যশোধর্মন ।

(মিহিরকুলের প্রস্থান)

শিবানী। (বলাদিত্যেব স্কন্ধে হাত দিয়া) যশোধর্মন !

বলা। (ফিবিয়া) মা-জী !

শিবানী। একি ! বলা—

বলা। চুপ ! যদি যশোধর্মনের মৃত্যুর কারণ না হ'তে চান—

শিবানী। যশোধর্মন কি সত্যই—

বলা। সত্যই !—

শিবানী। কোথায় তাবা ?

বলা। আমার দুর্গ অজয়গড়ের পথে ! মা-জী ! সম্রাটকে আপনি
রক্ষা করুন !

শিবানী। সে আমায় বিশ্বাস করে না বলাদিত্য !

বলা। না ক'রবার কারণ আছে ! মিহিরকুলের সঙ্গে উর্জিলার
বিবাহ—

শিবানী । হুঁ—

বলা । আপনি জেনে শুনেও মিহিরকুলের প্রয়াসে বাধা দেন নি !

শিবানী । দিইনি সত্য ! কেন দিইনি, তা কি তুমিও বুঝতে পারনি বলাদিত্য ? ক্ষুরধার যার বুদ্ধি ?

বলা । দেননি, হয়ত আপনি ভেবেছিলেন—মিহিরকুলের সঙ্গে প্রকাশ্য বিবাদে অবতীর্ণ হওয়ার সময় এখনো আসেনি সম্রাটের ।

শিবানী । সে আলোচনায় এখন আর ফল নেই । যশোধর্মন আমার কল্পনাকে অতিক্রম ক'রে গেল । আমি ইচ্ছন সংগ্রহ ক'রবার আগেই সে আশুন জালিয়ে ব'সল । এখন এ আশুন কতক্ষণ জালিয়ে রাখা সম্ভব ?

বলা । যশোধর্মনকে অপরাধী ক'রবেন না ! আপনি বোঝেন রাজনীতি, সে বোঝে প্রেম !

শিবানী । তুমিই এ ষড়যন্ত্রের চক্রী, তুমি আর ঐ নর্তকী !

বলা । আপনার ভুল কদাচিৎ হয় !

শিবানী । অথচ তোমাদের দু'জনােকেই আমি ব'লেছিলাম—ধীরে, ধীরে, ক্রমে ক্রমে—সামন্ত সৈন্তাধ্যক্ষদের বশীভূত ক'রে—

বলা । তাতে সবই হ'তে পা'রত, বাঁচত না শুধু উর্শ্বিলা—

শিবানী । না-ই বাঁচত !

বলা । উর্শ্বিলা না বাঁচলে যশোধর্মনও জীবিত থা'কত না, একথা আপনি বিশ্বাস করুন মা-জী !

শিবানী । কী জানি ! প্রেম তোমরাই বোঝো ! বুঝা আমি—বোঝার ভিতর শুধু রাজনীতিটাই বুঝি একটু ! যা'ক, এখন ?

বলা । যুদ্ধ অবশ্যস্তাবী, আসন্ন ! সে যুদ্ধে উজ্জয়িনীর সামন্তমণ্ডলী যদি মিহিরকুলকে সমর্থন করে, তাহ'লে যশোধর্মন মরবে !

[নেপথ্যে ভেরী ধ্বনি]

শিবানী । ও কি ও ?

বলা । মিহিবকুল রণসজ্জায় সজ্জিত হ'চ্ছে !

শিবানী । হুঁ—

বলা । যশোধর্মন ম'বতে ব'সেছে—তার ধাত্রীমাতার কি কিছুই করণীয় নেই এ সময়ে ?

শিবানী । তুমি এখন কোথায় যাবে বলাদিত্য ?

বলা । নর্ত্তকী ব'লে গেল—বন্ধুর কাছে যাও ! অর্থাৎ সম্রাটের কাছে, অজয়গড়ের পথে !

শিবানী । আমি কী ক'রতে পা'রব জানিনে ! এমন অকস্মাৎ—
উঃ ! যদি আমার গুধু ব'লতে একবার !

বলা । ঐ যে ব'ললাম—আপনাকে ব'ললে উর্ষ্বিলার উদ্ধার হ'ত না মা-জী !

শিবানী । যা'ক, আমি অভিমান ক'বে হাত গুটিয়ে ব'সে থা'কব না । তোমরা প্রেমকে স্থান দাও সাম্রাজ্যেরও উর্দ্ধে, আমার চো'খে সাম্রাজ্যের উর্দ্ধে আর কিছু নেই ! সেই সাম্রাজ্য রক্ষার জন্ত আমি চেষ্টা ক'রব বই কি ! মহাসেনকে ডেকে পাঠাচ্ছি আমি—, আর দাঁড়াও ! আজ বোধ হয় উপযুক্ত সময় এসেছে !—সম্রাট গন্ধর্বসেন যে রত্ন-ভাণ্ডার আমার করে গচ্ছিত রেখে গিয়েছিলেন—তা আজ আমি তোমার করে অর্পণ ক'রছি ! তাই দিয়ে তুমি সৈন্ত সংগ্রহ কর । এই নাও সে গুপ্তভাণ্ডারের উন্মোচনী ।

তৃতীয় অঙ্ক

অবস্থা দৃশ্য

রুদ্ৰদমনের গৃহোত্থান

রুদ্ৰদমন ও মহাসেন

মহাসেন। তোমার আদর আপ্যায়নে পরম প্রীত হ'য়েছি রুদ্ৰদমন, এখন এস, কাজের কথা কওয়া বা'ক !

রুদ্ৰ। কাজের কথা—মানে—তক্ষণীল রাজকন্য়ার কথা ত ?—আমি কি ক'রতে পারি বলুন ! আমি হ'ছি রাষ্ট্রপালের ভৃত্য, তিনি যখন আদেশ দিয়েছেন—

মহাসেন। আদেশ ত দিয়েছেন ! কিন্তু আদেশ দিয়ে কাজটা কি ভাল ক'রেছেন, মনে কর ?

রুদ্ৰ। ভাল হ'ক, মন্দ হ'ক, ঘরের বৌ কে ছেড়ে দেয় ?

মহাসেন। কিন্তু যশোধর্ম্মন যে গন্ধর্ব্বসেনের পুত্র, সেটা ভুললে ত চ'লবে না আমাদের !

রুদ্ৰ। তা ত চ'লবে না বটেই ! কিন্তু ঘরের বৌ তা ব'লে ত আর—

মহাসেন। একটা ভীষণ অন্তর্বিপ্রবের সৃষ্টি যদি হয়—

রুদ্ৰ। হয় যদি ত ক'রছি কি বলুন ! ঘরের বৌ যখন—

মহাসেন। আমি তোমার সাদা কথায় জিজ্ঞাসা ক'রছি রুদ্ৰদমন ! তুমি মিহিরকুলের বিশ্বস্ত সহকারী, অন্তরঙ্গ বন্ধুও বলা চলে। মিহিরকুল কি ক'রতে চান, তা তুমি অবগতই আনো !

রুদ্র । তিনি ? শুদ্ধ—ঘরের বৌটিকে ঘরে ফিরিয়ে আ'নতে চান ।

মহা । বৌ ত হয় নি এখনো ! সে যদি না-ই আসে !

রুদ্র । না আসে যদি—তবে—তাহ'লে ত বড় ঝগড়াটের কথা হ'ল মহামাত্য !

মহা । সত্য সত্যই বিদ্রোহ ?

রুদ্র । হেঃ হেঃ হেঃ—একটা কাণ্ডজ্ঞানশূন্য নাবালককে উচিত, অশ্লীল সম্বোধন দেবার চেষ্টাকে কি বিদ্রোহ বলে মহামাত্য ? হেঃ হেঃ হেঃ—

মহা । কাণ্ডজ্ঞানশূন্যই হো'ন, আব নাবালকই হো'ন—সম্রাট ত তিনিই !

রুদ্র । হ্যাঁ, আপাততঃ বটে, আপাততঃ বটে !

মহা । আপাততঃ ?

রুদ্র । চাকা ঘুরতে কতক্ষণ, বলুন !

(শিবানীবাঈয়ের প্রবেশ)

শিবানী । চাকা ঘুরতে বেশীক্ষণ লাগে না, ক্ষমতামদে মত্ত হ'য়ে এই কথাটাই ভুলেছেন রাষ্ট্রপাল মিহিরকুল । সৈন্ত নিয়ে সম্রাটের পশ্চাদ্ধাবন ক'রবার আগে, তাঁর কি উচিত ছিল না—একবার অন্ততঃ মহামাত্যকে বা আমাকে জিজ্ঞাসা করা ?

রুদ্র । ছননায়ক মিহিবকুল কি উজ্জয়িনীতে অধিষ্ঠান ক'রছেন—মহামাত্যের এবং শিবানীদেবীর অঙ্কুশের উপর নির্ভর ক'রে ?

শিবানী । যুদ্ধে জয় এবং পরাজয় দুইই সম্ভব, আমাদের প্রতি দুর্বিনীত হওয়ার পূর্বে—এ-কথাটা তুমি একবার স্মরণ ক'রো রুদ্রদমন !

রুদ্র । জয়ই হ'ক, পরাজয়ই হ'ক, রুদ্রদমনের স্থান যে মিহিরকুলেরই পার্শ্বে, তা আপনারা নিশ্চয়ই জানেন রাজধাত্রী !

মহাসেন । তুমি মিহিরকুলের বিদ্রোহের সমর্থন ক'রতে পারো না রুদ্রদমন !

রুদ্র । আপনারাও পারেন না—সম্রাটের উচ্ছৃঙ্খলতার সমর্থন ক'রতে !

শিবানী । উজ্জয়িনীর অভিজাতসমাজ—সামন্ত ও সমর-নায়কেরা—সমস্বরে মিহিবকুলের আচরণের প্রতিবাদ ক'রেছে । তুমিও যদি কর, তুমি হবে যশোধর্ম্মনের প্রধান সেনাপতি—

রুদ্র । প্রতিবাদ ? মিহিরকুলের অসাক্ষাতে মোখিক ছ'টো নিরীহ প্রতিবাদ জানালেই যদি প্রধান সেনাপতিত্ব পাওয়া যায়, তা নিতে পারি !

মহাসেন । মোখিক এবং নিরীহ ! অর্থাৎ যুদ্ধকালে তোমার সৈন্ত তুমি মিহিরকুলের পতাকাতলেই সজ্জিত ক'রবে !

রুদ্র । তারা যে মিহিরকুলেরই সৈন্ত, মহামাত্য !

শিবানী । সৈন্ত যারই হ'ক, তোমারই আদেশ পালনে তারা অভ্যস্ত !

রুদ্র । অত্যাঁয় আদেশ আমি তাদের দেব কেন ?

শিবানী । তুমি চিন্তা ক'রে দেখ রুদ্রদমন ! যশোধর্ম্মনের কৃতজ্ঞতার চেয়ে মিহিরকুলের অল্পকম্পাকে তুমি বেশী লোভনীয় মনে ক'রবে, এমন নির্বোধ, আশা করি, তুমি হবে না ! আশ্রয় মহামাত্য—

(মহাসেন ও শিবানীদেবীর প্রস্থান)

রুদ্র । (উচ্চৈঃস্বরে) অল্পকম্পা ? রাও রুদ্রদমন কারও অল্পকম্পার ভিখারী নয় !

(উৎপলার প্রবেশ)

উৎপলা । আমাবও নয়—?

রুদ্র । আশ্চর্য্য !—তুমি ?

উৎপলা । হ্যা, আমিই ! ভাবছ—মিহিরকুলের কারাগার থেকে কি ক’রে বেবিয়ে এলাম ?—প্রেমেব অসাধ্য কিছু নেই বন্ধু ! কারাকক্ষে ব’সে ব’সে তোমার এই সুন্দর মূর্তিখানি দেখবার জন্য কী যে ব্যাকুলতা এল প্রাণে !—তখন—প্রেম যাকে টানে, তাকে রোধে কে ?

রুদ্র । প্রেম কি কারাগারের লোহার গরাদে গুনো তেজে গুঁড়িয়ে ফেললে ?

উৎপলা । কবির ভাষায় ও রকমটাও বলা যায় বই কি ! গড়ে ব’লতে গেলে অবশ্য গল্পটা এই রকম দাঁড়ায়—প্রেমার্জা উৎপলা তার ওড়নার ভিতর থেকে একখানা বড় হীরে খুলে গরাদের ভিতর দিয়ে ছুঁড়ে ফেলে দিলে—বাইরে রক্ষীদের সামনে ! তারা দোর ত খুলে দিলেই—

রুদ্র । পায়ের ধুলোও নিলে বোধ হয় ?

উৎ । ধরেছ ঠিক !

রুদ্র । হ্যা হ্যা—তারপর ?

উৎ । তারপর ? তারা বোধ হয় গর্দানা বাঁচাবার জন্য সোজা সম্রাটের ছাউনির দিকে পালিয়েছে ! অন্ততঃ আমি তাই পরামর্শ দিয়েছি তাদের ! আর আমি ? প্রেমভূষণ নিবারণের জন্য সোজা চ’লে এসেছি প্রিয়তম রুদ্রদমনের কাছে !

রুদ্র । বেশ ক’রেছ, বেশ ক’রেছ ! এমন জায়গায় তোমায় লুকিয়ে রেখে দেব যে মিহিরকুল জীবনে তোমার খোঁজ পাবে না !

ক'রলেই বা তুমি তার বৌ চুরি, তাই ব'লে কারাগারে আটক ক'বে রাখা? আরে ছিঃ! এমন রূপযোবন যার দেহে—

উৎ। আর এত ভালবাসা যার প্রাণে—

রুদ্র। সেটা, মুখে যাই বল—সত্যি সত্যি কিন্তু তুমি আমায় ভালবাস না উৎপলা! বাসতে যদি—

উৎ। বা'সতাম যদি—বুঝেছি বঁধু, মনের কথা! কিন্তু আশায় ঘোরাই ভালো, আশা মিটলে ত সব মিটেই গেল!

রুদ্র। লড়াই আসছে, আশা মেটবার আগে আমার ভবের খেলা না মিটে যায়!

উৎ। লড়াই আসছে? তাইত!

রুদ্র। আসছে না আবার? এইমাত্র—শিবানীবাদে আর মহাসেন এসেছিল আমার তোষামোদ ক'রতে যশোধর্ম্মনের পক্ষ নেবার জন্ত!

উৎ। তা তুমি নিলে বুঝি? ওরা তোষামোদ ক'রলে যখন—

রুদ্র। তোষামোদ ক'রলেই পক্ষ নিতে হবে? কৃতজ্ঞতা ব'লে একটা জিনিষ নেই?

উৎ। নেই আবার? জগতে দু'টো মোটে জিনিষ আছে—কৃতজ্ঞতা আর ভালবাসা! আমার ধর গিয়ে ভালবাসা রয়েছে তোমার উপর! আর তোমাব রয়েছে কৃতজ্ঞতা—সেটা কার উপর?

রুদ্র। কার উপ আবার! মিহিরকুলের! সে ধর গিয়ে, হাতে ক'রে আমায়—

উৎ। তবে ত কথাই নেই! মিহিরকুল যখন হাতে ক'রে তোমায়—উঃ, তবে কি আর মিহিরকুলের পক্ষ না নিয়ে তুমি পারো? ক'রলেই বা ওরা তোষামোদ—

রুদ্র। বাধুক না লড়াই একবার। রুদ্রদমন তার দশ হাজার সৈন্ত নিয়ে যখন যশোধর্ম্মনের ঘাড়ে লাফিয়ে পড়বে—

উৎ। মোটে দশ হাজার ?

রুদ্র। আরো আছে! মিহিরকুলের আরও ঢের আছে! আমি বলছি—আমার নিজের অধীনে যে দশহাজার সিপাহী আছে— তাদের কথা।

উৎ। ওঃ, তাদের কথা! তা বাকী সব সিপাহী বুঝি অস্ত্র লোকের হাতে ?

রুদ্র। হ্যাঁ, ঐ ভেরামল রয়েছে, কুলকর্ণি রয়েছে—

উৎ। তারাও সব মিহিরকুলের উপর খুব কৃতজ্ঞ বুঝি ?

রুদ্র। উঁহুঃ, কৃতজ্ঞতা বলে জিনিষটা সকলের প্রাণে থাকে না উৎপলা!

উৎ। যেমন থাকে না আর একটা জিনিষ—মানে ভালবাসা! কিন্তু তুমি যে আমায় বড় ভাবিয়ে তুললে পিয়ার!

রুদ্র। কেন? কেন? ভাবনাটা কিসের? তারা না—ই বা হ'ল কৃতজ্ঞ! আমি যখন বয়েছি, তখন ভয় কি মিহিরকুলের?

উৎ। ওরা—ওই কি নাম ক'রলে ঐ ভেড়াকর্ণি আর—ওরা যদি লড়াইয়ের সঙ্গীন সময়টিতে—(ইসারা)

রুদ্র। অ্যাঃ? বল কি?

উৎ। তুমি দশ হাজার সিপাহী নিয়ে সম্রাটের ঘাড়ে লাফিয়ে পড়েছ—এমন সময়ে চল্লিশ হাজার সিপাহী নিয়ে তারা যদি তোমার ঘাড়ে লাফিয়ে পড়ে—ঐ ভেড়াকর্ণির দল—হায়রে ভগবান!—

(ওড়নায় চক্ষু ঢাকিল)

রুদ্র । ওকি, ওকি, কীদছ উৎপলা ?

উৎ । মনে মনে তোমায়—জীবন যৌবন সব সমর্পণ ক'রে ব'সে আছি—তোমায় যদি শেষকালে একদিকে সম্রাট আর একদিকে ভেড়াকর্ণি মিলে ছাত্তুপেয়া ক'রে ফেলে—আমি আব এ প্রাণ রাখব না ভাই !

রুদ্র । তুমি কেঁদো না উৎপলা, কেঁদো না ! আমার ছাত্তুপেয়া করা অত চাষ্টিখানি কথা নয় । তবে কথা তুমি যা কইলে—খুবই খাঁটি কথা ! ওরা যদি সঙ্গীন সময়টিতে বিশ্বাসঘাতকতা করে—ভীষণ বিপত্তি হবে ! কৃতজ্ঞতা ওদের আদৌ নেই !

উৎ । সকলের থাকে না ! তা দেখ, তুমি বরং একটা কাজ কর । আরো কিছু বেণী সৈন্ত নিজের দলে জোগাড় ক'রে রাখো । তাতে মিহিরকুলেবও উপকাব হবে, আর তেমন তেমন হ'লে সম্রাটে ভেড়াকর্ণিতে মিলেও তোমায় বিপদে ফেলতে পা'রবে না !

রুদ্র । এ একটা কথার মত কথা ! দশ হাজার না হ'য়ে বিশ হাজার যদি হয় আমার নিজের সৈন্ত—

উৎ । হ'তে আটক কি ? বলো মিহিরকুলকে !

রুদ্র । তবেই হ'য়েছে ! মিহিরকুল কক্ষণে দেবে না । কোন সৈন্তাধ্যক্ষেরই দশ হাজারের বেণী সৈন্ত নেই । আমি চাইলেই সন্দেহ করে ব'সবে যে এর মনে অভিসন্ধি আছে !

উৎ । সন্দেহ ক'রবে ? বল কি ? তোমার এত—কৃতজ্ঞতা—
তবু—বিশ্বাস—

রুদ্র । বিশ্বাস করেছে দশ হাজার দিয়ে, বিশ হাজার দিয়ে ক'রবে না !

উৎ। তাই ত—বড় ঝগাটের কথা ! (চিন্তার ভাণ)

রুদ্র। যা'কগে ! সে যা হয়, হবে । লড়াই ক'রতে ব'সে অতো চিন্তা ক'রলে চলে না । তার চেয়ে, তুমি যখন এয়েছ, চল—ঘরে চল—একটু পানভোজন আমোদ আহ্লাদ করা যা'ক চল !

উৎপলা । আমোদ আহ্লাদ ছাড়া আর ক'রবার কী আছে বঁধু ?
চল—যাই—আমোদ-আহ্লাদ— (রুদ্রদমনের হাত ধরিয়া গান)

হাসি আর গান, মান-অভিমান, প্রাণদান প্রতিদান—

[এক পদ গাহিয়াই হঠাৎ হাত ছাড়িয়া দিয়া সতৃষ্ণ নয়নে রুদ্রদমনের
মুণের দিকে চাহিল]

উৎপলা । শোন বন্ধু, একটা কথা—

রুদ্র। কি ? গানটা থামা'লে কেন ?

উৎ। গান কত শুনবে তুমি ? সে কথা নয় ! আমি ত নিশ্চিন্দি হ'য়ে তোমায় অমন ধারা ভেড়াকর্ণির হাতে সঁপে দিতে পা'রব না ! মিহিরকুল তোমায় সৈন্ত না দেয়, তুমি নিজে সৈন্ত জোটাও ! দশ হাজার তোমার রয়েছে, আরও দশ হাজার কি বিশ হাজার জুটিয়ে ফেল, লড়াইয়ের আগেই !

রুদ্র। বল কি ? বিশ হাজার সেপাই জোটানো কি সহজ কথা ?
আর—মিহিরকুল ব'লবে কি ?

উৎ। ইস্, মিহিরকুল ! তার এখন মাথার ঘায়ে কুকুর পাগল !

রুদ্র। তা যা ব'লেছ ! সে হয় ত টেরও পাবে না যদি সতর্ক হ'য়ে কাজ করা যায় ! সে যেন হ'ল, কিন্তু টাকা দেবে কে ?
বিশ হাজার সেপাই জোটানো কত রূপেয়ার খেল, জানো ?

উৎ। কত চাই ? পাঁচ লক্ষ ? দশ লক্ষ ? বিশ—?

রুদ্র । বল কি ? তুমি দেবে ? তুমি দেবে আমার, লক্ষ্মীটি ?

উৎ । দেব না ? সম্রাটে ভেড়াকর্ণিতে মিলে তোমায় যদি
কচুকাটা ক'রে ফেলে, সর্বনাশ ত আমার ছাড়া কারুর হবে না !
প্রাণেব প্রাণ আমার, তোমার তরোয়াল ঘোরানো দেখেই যে তোমায়
গোলাপ ছুঁড়েছিলাম আমি ! সেই তুমিই যদি কুপোকাং হ'য়ে
যাও, আমি প্রেম ক'রব কার সঙ্গে ?

গান

হাসি আর গান, মান-অভিমান, প্রাণদান প্রতিদান,
নয়নে নয়ান—জ্যোছনার বান, শোনো পিক কলতান ।

কুহু কুহু কুহু—ঝঙ্কার বনে বনে !

তলুকদণ্ডে শিহরণ ক্ষণে ক্ষণে !

সে আসে মিলন বিলাসে—

সোহাগ স্মধার পিয়াসে,—

প্রেম ঝরণায় আজি হু'জনায় হু'জনে করাব নান !

দ্বিতীয় দৃশ্য

অজয়গড়ের পথে মিহিবকুলের শিবিব।

হানে মিহিরকুল, মহাসেন, ভেরামল, কুলকর্ণি, সৈন্তাধ্যক্ষগণ
ও অভিজাতগণ উপবিষ্ট। একটু দূরে শিবানীদেবী
পৃথক হানে উপবিষ্টা।]

শিবানী। রাষ্ট্রপাল যে শিবানীবাদী ও মহাসেনকে শত্রু জ্ঞান
ক'রেছেন, এ সত্যই বড় ছুর্ভাগ্যের কথা!

মিহির। হুনাযক মিহিরকুলের শত্রু হবার যোগ্য ব্যক্তি যে
ভারতে গাক্কারে কোথাও কেউ আছে, তা জানা ছিল না।

শিবানী। আমি আপনার শুভানুধ্যায়ী—তার বহু পরিচয় আপনি
নানাভাবেই পেয়েছেন।

মিহিব। মিহিরকুলের শোঁধ্য ও কীর্তি কারও শুভাকাঙ্ক্ষার
অপেক্ষা রাখে না।

শিবানী। সত্যের বিকৃতি ঘটিয়ে যদি আপনি তৃপ্ত হন—তাতে
আমার আক্ষেপ নেই। আমি স্বীকার করি যে সম্রাট—যদি সত্যই
সম্রাটের দ্বারা এ কার্য্য অল্পাঙ্গিত হ'য়ে থাকে—অত্যন্ত গর্হিত কার্য্যই
ক'রেছেন। কিন্তু তাই ব'লে স্বর্গীয় মহাত্মা গন্ধর্ব্বসেনের মৃত্যুশয্যার
পার্শ্বে ব'সে আপনি যে পবিত্র শপথ গ্রহণ ক'রেছিলেন, তা ভঙ্গ
করার কোন কারণ্য ঘটেছে আপনার, তাও আমি মনে করি না।

মিহির। নির্ধের অন্তঃপুরের পবিত্রতা রক্ষা ক'রবার অধিকার
দীন দুঃখী প্রজারও আছে, নেই কেবল রাষ্ট্রপালের?

শিবানী । দীন দুঃখী প্রজারও আছে ? রাষ্ট্রপালের অন্তঃপুরে-
গত চার পাঁচ বছরের ভেতর যে কয়েক শত রূপসী কামিনীর
আবির্ভাব ঘটেছে, তারা কি সবাই রাষ্ট্রপালের পরিণীতা ? অন্তঃ-
পুরের পবিত্রতা রক্ষার অধিকার যদি সতাই দীনদুঃখী প্রজার থাকত,
তা হ'লে এই কয়েক শত কামিনীকে উপলক্ষ ক'রে রাষ্ট্রপালের বিরুদ্ধে
কয়েক শত বিদ্রোহ কি উজ্জয়িনীকে অস্ত্রবান্ধনায় মুখর ক'রে তুলত না ?

মিহির । আপনি হননায়কের মর্যাদা রক্ষা ক'রে কথা
কইবেন—রাজধাত্রী !

শিবানী । রাষ্ট্রপাল !

মহাসেন । শিবানীদেবীর প্রতি অশিষ্ট বাক্যপ্রয়োগ ? ধিক
রাষ্ট্রপাল !

মিহির । মহামাত্য ?

মহাসেন । সম্রাট গন্ধর্বসেনের বংশের মহীয়সী ঐ মহিলা,
যশোধর্ম্মনের মাতৃসমা ধাত্রী—তাকে আপনি—ধিক মহারাও মিহিরকুল !

মিহির । উজ্জয়িনীকে এতদিন রক্ষা ক'রেছিল কে ? মিহিরকুলের
অস্ত্র, না শিবানীদেবীর মহিমা ? গন্ধর্বসেন যখন স্বর্গত, উজ্জয়িনীর
সামন্তগণ যখন আত্মকলহে বিচ্ছিন্ন, শত শত্রুর উত্তত তরবারি এবং
শত ঘাতকের গুপ্ত ছুরিকা যখন বালক যশোধর্ম্মনের রক্তপানের জন্ত
উদ্যত, তখন কোথায় ছিল শিবানীবাদে, মহাসেন ?

শিবানী । শিবানীবাদে ? শিবানীবাদে ছিল তখন আকুল প্রাণে
প্রভু মহাকালের আরাধনায় নিবিষ্টা—ঘাতে আত্মকলহে বিচ্ছিন্ন
উজ্জয়িনীর সমরনায়কবৃন্দ দৈর্ঘ্য কলহ বিসর্জন দিয়ে বালক যশোধর্ম্মনের
সিংহাসনের চারিপার্শ্বে কঁাধে কঁাধ মিলিয়ে দাঁড়ায়, পশ্চিম ভারতের

হন তাতার নিষাদ যবন, আর দাক্ষিণাত্যের ডাবিড় গল্লব বন্যরগণের জিবাংসা থেকে গন্ধর্ষসেনের 'বংশদুলালকে বক্ষ দিয়ে ঘিরে রক্ষা করে! মহাকাল সে প্রার্থনা পূরণ ক'রেছিলেন শিবানীর। বৈদেশিক শত্রু বিশ্বস্ত হ'য়ে সাম্রাজ্যসীমান্তের ওপারে অপহৃত হ'য়েছিল, প্রতিবেশী প্রতিদ্বন্দ্বীবা শক্তিপরীক্ষায় অবসন্ন হ'য়ে মুখ লুকিয়েছিল অরণ্যের অন্ধকারে, ঐক্যবন্ধ সংহত রাষ্ট্রের কর্ণধারণ সূত্র ক'রেছিল অথণ্ড ভাবতে সমুদ্র হ'তে সমুদ্র বিস্তৃত মহাসাম্রাজ্যের স্বশ্রুপ দেখতে! সবই হ'য়েছিল রাষ্ট্রপাল—শুধু কি পরিণামে সাম্রাজ্য-সৌধের দৃঢ়তম স্তম্ভ মিহিরকুলের হঠকাবিতায় সম্মলে ধ্বংস হবে ব'লে?

মিহির। হোক ধ্বংস! মিহিরকুলের অল্পকম্পার যোগ্য মর্যাদা দিতে যে সাম্রাজ্য পবাস্থুখ, সে সাম্রাজ্য ধ্বংস হওয়াই উচিত!

শিবানী। অল্পকম্পা?

মিহির। অল্পকম্পা নয়? জানি, রাজনীতিজ্ঞেরা প্রয়োজন মত স্মৃতিকে খর্ব্ব ক'বে আনতে সর্বদাই পটু। তবু স্মরণ করিয়ে দিই, শুধুন। হনের দামামা বেজে উঠেছে তখন অবন্তীর সীমান্তে। সম্রাট গন্ধর্ষসেন তখন রুগ্ন, মৃত্যুশয্যায় শায়িত। তাঁর পুত্র যশোধর্ম্মন তখন বালক। সাম্রাজ্যের ধ্বংস, স্বাধীনতার বিলুপ্তি আসন্ন দেখে বৃদ্ধ সম্রাট তখন এই বহ্নিনিদিত মিহিরকুলকে আহ্বান ক'রে এনে যে সন্ধির প্রস্তাব ক'রেছিলেন, তাতে স্বীকৃত হওয়ার কি কোন প্রয়োজন ছিল এই হন দিগ্বিজয়ী? বাহুবলে যে সাম্রাজ্য অধিকার করা তার অনায়াস-সাধ্য ছিল, তারই রাষ্ট্রপাল পদ গ্রহণ ক'রে সম্রাটের সিংহাসন আর শিশুপুত্রের রক্ষার ভার গ্রহণ যদি মিহিরকুলের অল্পকম্পা না হয়, তবে সেটা কি. আপনারাই বলুন!

শিবানী। ব'লছি আমি! সেটা অল্পকম্পা নয়, সেটা কূটনীতি! পশ্চিম ভারতের ক্ষুদ্র রাজ্যগুলির মত অবস্তী সাম্রাজ্যকে অত অনায়াসে কুক্ষিগত করা সম্ভব হবে না জেনেই ছননায়ক বাহুবলের পরিবর্তে কূটনীতির আশ্রয় গ্রহণ ক'রেছিলেন, ধীরে ধীরে উজ্জয়িনীকে ছন সামরিক শক্তির পদানত ক'রবার আশায়। যা'ক, সে বিতণ্ডায় প্রয়োজন নেই। কলহ আমাদের ঈপ্সিত নয়। আমরা চাই—সাক্ষাতে যার সূচনা হ'য়েছিল, সন্ধিতেই তার অবসান হ'ক।

মিহির। সন্ধির প্রশ্ন এখন নয়। এখন প্রশ্ন হ'ল আত্মসম্মানের! মিহিরকুল আত্মসম্মান অক্ষুণ্ণ রাখবে কুলম্মানিকারীর তপ্তরক্তে।

মহাসেন ও কতিপয় সামন্ত। রাষ্ট্রপাল। রাষ্ট্রপাল।

মিহির। আমি ধীরস্থিরভাবে সর্বসমক্ষে ঘোষণা ক'রছি—কুলম্মানিকারীর রক্তে আমি এই বল্লক প্রক্ষালন ক'রব। উজ্জয়িনীর সিংহাসন লম্পটের জন্ত নয়।

মহা। আপনি কি নিজে সিংহাসনের প্রত্যাশী?

মিহির। আমি সিংহাসনের প্রত্যাশী নই, সিংহাসন আমার প্রত্যাশী। সিংহাসনে না ব'সেও দীর্ঘ পঞ্চবর্ষকাল আমি ভারত শাসন ক'রেছি। যদি সিংহাসনে আজ আমায় ব'সতেই হয়, তবে ব'সব ভারতশাসনের লোভে নয়, সিংহাসনকে অযোগ্য রাজবংশধরের কবল থেকে মুক্ত ক'রবার জন্য!

মহাসেন। আপনি তাহলে বিদ্রোহ ঘোষণা ক'রছেন?

মিহির। অজয়গড়ে যশোধর্ম্মনকে অবরুদ্ধ ক'রবার জন্ত আজই আমি সসৈন্তে যাত্রা ক'রছি।

মহা। তবে আমবা, আমি, শিবানীদেবী এবং এই যে কতিপয় সামন্ত—যাঁরা গঙ্করসেনের বংশের মর্যাদা রক্ষা ক'রতে কৃতসঙ্কল্প, তাঁদের সম্বন্ধে আপনার অভিপ্রায় কি ?

মিহির। আপনারা আমার বন্দী।

শিবানী। আমি পূর্বেই ব'লেছিলাম কিনা মহামাত্য—আজকের এই সভাধিবেশন—আমাদের বন্দী ক'ববার জন্ত মিহিরকুলের একটা কৌশল মাত্র ?

মিহির। শিবানীদেবীকে আমি মুক্তি দিতে পারি, যদি—তিনি আমাব দোত্য নিয়ে বেতে বাজী হন, উন্মত্তাব কাছে।

শিবানী। দোত্য

মিহির। হ্যাঁ, যশোধর্ষন সম্বন্ধে যা গাঁটি সত্য, তাই আপনি নিজমুখে একবার গিষে ব'লবেন উর্ষিলাকে! ব'লবেন যে যশোধর্ষন উচ্ছৃঙ্খল, অকর্মণ্য, বিলাসী, বিকলচিত্ত! ব'লবেন যে সেই অপদার্থ যুবার চাইতে কর্মবীর মিহিরকুলকে বরণ করা যে কোন রাজকন্ঠাব পক্ষে শতগুণে শ্রেয়ঃ!

শিবানী। স্পর্ধা তোমাব মিহিরকুল, শিবানীবাঈ এতখানি নোচ হ'তে পাবে ব'লে কল্পনা ক'বেছ তুমি? না, মহামাত্য, এই শক্তিমত্ত হনের স্পর্ধার বোগ্য উত্তর আমাদেব দিতেই হ'বে। ঐ অজয়গড়ের দুর্গশিরে উড্ডীন যশোধর্ষনের জয়পতাকা! আসুন আমরা এখান থেকেই তাকে অভিবাদন জানাই, যশোধর্ষনের জয়ধ্বনি ক'রে!

মহাসেন প্রভৃতি। জয় সত্ৰাট যশোধর্ষদেবের জয়!

শিবানী। উজ্জয়িনীর আর্ঘ্য সন্তান কে এমন আছে হীন কাপুরুষ—যে ছনের দাসত্ব ক'রবে, গঙ্করসেনের বংশধরকে ত্যাগ ক'রে?

মিহির। কুলকর্ণি! ভেবামল। অবিলম্বে বন্দী কর এই নারীকে! শৃঙ্খলিত ক'রে নিক্ষেপ কর অন্ধকূপে। আমি এই ধূর্তা শৃগালীকে নিঃশ্রমভাবে হত্যা ক'রব, তারপর যশোধর্মনকে খণ্ড খণ্ড ক'রে নিক্ষেপ ক'রব পশ্চিম সাগরে!

(যশোধর্মন, বলাদিত্য ও রণধীরের প্রবেশ)

যশোধর্মন। যশোধর্মন আপনার তরবারির তীক্ষ্ণতা পরীক্ষা ক'রবার জন্য আপনার সম্মুখেই উপস্থিত হননায়ক!

শিবানী। যশোধর্মন?

(ছুটিয়া আসিলেন)

মিহির। ভেরামল! কুলকর্ণি। রুদ্রদমন!

মহাসেন প্রভৃতি। জয় সম্রাট যশোধর্মনের জয়!

যশো। শুভ্রন অবস্খীকোশলেব সামন্ত সৈন্যাদ্যক্ষ অভিজাতমণ্ডলী! সর্বসমক্ষে আমার এই ঘোষণা—পিতৃপিতামহের সিংহাসন—যা এতদিন নামেই মাত্র আমার ছিল—আজ থেকে কার্য্যতঃ অধিকার ক'রছি আমি। বিক্রমাদিত্য নাম গ্রহণ ক'রে আজ থেকে সাম্রাজ্যের শাসনদণ্ড আমি নিজেই পরিচালনা করব! বলাদিত্য। অজয়গড়, অজয়গড় রণধীর!

সকলে। জয় সম্রাট বিক্রমাদিত্যের জয়!

[জয়ধ্বনি কাঁতে করিতে—বিক্রম, শিবানীবান্ধ, বলাদিত্য, রণধীর

ও মহাসেন প্রমুখ কতিপয় সামন্তের প্রস্থান]

(দ্রুত রুদ্রদমনের প্রবেশ)

রুদ্র। কিসের কোলাহল, রাষ্ট্রপাল?

মিহির। পশ্চাদ্ধাবন কর রুদ্রদমন! বিক্রমের ছিন্নশির আমি চাই!
ছিন্নশির!

তৃতীয় দৃশ্য

অজয়গড় দুর্গ। উত্তান।

চন্দ্রা ও উর্মিলা।

উর্মিলা। চন্দ্রা।

চন্দ্রা। সম্রাজ্ঞী !

উর্মিলা। সম্রাজ্ঞী ? না চন্দ্রা, তুমি আমার উর্মিলা ব'লে ডেকো, 'বোন' ব'লে ডেকো !

চন্দ্রা। কেন ?

উর্মিলা। 'বোন' ব'লে ডাকলে, তবু হয়ত চেষ্টা ক'বেও আমি ভাবতে পারব যে এত বড় একটা আত্মত্যাগ তোমার কাছে দাবী ক'রবাব এতটুকু অধিকারও আমার আছে ! আর তা যদি না হয় চন্দ্রা,—কে আমি তক্ষকদুহিতা উর্মিলা যে আমার জ্ঞাত তুমি যথাসর্বস্ব, যথাসর্বস্বের চাইতেও বেশী—তোমার স্বামী ত্যাগ ক'রবে তুমি ?

চন্দ্রা। হিন্দুর মেয়ে ত স্বামী ত্যাগ করেনা !

উর্মিলা। করেনা সত্য ! কিন্তু মুখের হাসি তার চিরজন্মের মত মিলিয়ে যায়, দিবসের কর্মের অবসরে আর নৈশ উপাধানের নীরবতার চোখের জল হয় তার চিরসাথী ! আমার ভয় হয় বোন ! আমার স্ত্রী ক'রতে গিয়ে তুমি সারাজীবন চোখের জল ফেলবে, আমি কি তাতে স্ত্রী হব ?

চন্দ্রা। স্ত্রী ক'রতে পারেন একমাত্র ভগবান ! মাহুবে পারে শুধু কর্তব্য ক'রতে। আমরা আমাদের কর্তব্য ক'রব, আমি আর

আমার স্বামী।—তার পর—স্বামীপ্রেম? তা থেকে আমায় বঞ্চিত
ক'রবে কে? হাজার উৎপলার সে সাধ্য নেই বোন!

নেপথ্যে শিবানীবাদী। উন্মীলা!

উন্মীলা। আমি আসছি—

(প্রস্থান)

(সন্তর্পণে উদ্ধবের প্রবেশ)

উদ্ধব। চন্দ্রা!

চন্দ্রা। উদ্ধব দা?

উদ্ধব। চুপি চুপি শোন এক কথা! তুই যদি এখনো সাবধান
না হো'স, তা হ'লে সব গেল!

চন্দ্রা। সব গেল উদ্ধব দা? (মলিন হাস্য)—না—গেছে—?

উদ্ধব। একেবারে গেছে—কি আব? বতক্ষণ স্বাস, ততক্ষণ
আশ! আমি তাকে ধ'রে এনেছি।

চন্দ্রা। অ্যা?

উদ্ধব। দেখি—উত্তব পাঁচীলের ধাবে ছু'টিতে ফুস্ ফুস্ গুজ্
গুজ্ হ'চ্ছে—উৎকলা আর বলাদিত্য। কলা যেই একটু ঠ'টেছে,
আমি একেবারে ডাক ছেড়ে কঁাদতে কঁাদতে গিয়ে আ'ছড়ে প'ড়লাম।
ভাবাচ্যাকা খেয়ে জিজ্ঞেস ক'রলে—“কি?”—আমি বুক চাপড়া'তে
চাপড়া'তে ব'ললাম—“চন্দ্রা বাঁচে কি মরে! বড্ড অসুখ!”

চন্দ্রা। সে কি উদ্ধব দা?

উদ্ধব। (রাগিয়া) তোর ধড়ে বুদ্ধি যোগাবে কি আর ম'লে?
দিন দিন বেহাত হ'য়ে যা'চ্ছে, তা কি তোর চো'খে পড়ে না?
দিনে রেতে কতক্ষণ দেখা পা'স—শুনি?

চন্দ্রা। কি ক'রে পাবো? একটা লড়াই মাথার উপর!



শ্রীমতী মুখার্জী



বানী বানার্জী



অংশু চৌধুরী ও শূভা রায়

উদ্ধব । লড়াই ? উঃ রে—আমার লড়াই বে ! মনের টান থা’কলে
যম্মে টেনে রাখতে পারে না, তা লড়াই ! ওদিকে অষ্টটি পহর উৎকলা
ওৎ পেতে আছে মুখের উপর ! বলি—সে পুরুষ মাছুষ ত !

চন্দ্রা । আমার অদৃষ্টের লেখা উদ্ধব দা ! (চোখে আঁচল দিল)

উদ্ধব । কাঁদলি—ও চন্দ্রা, কাঁদলি ? লক্ষ্মী দিদি আমার ! এ
কাঁদবাব সময় নয়, একটু ইয়ে ক’রতে হবে ! শোন তবে বলি, সেই
গোবনকালে আমাবো একবার মাথা বেগড়াবে বেগড়াবে গোছ হ’যেছিল !
তা—ব’ললে না পেত্যয় বাবি—জবদগবের মা—উঃ, সে কী কাণ্ডেরে !
এই সাজগোজ, এই গল্পগুজব, এই হাসি ঠাট্টা, এই কথায় কথায়
পামোখা গায়ের উপব গড়িয়ে পড়া ! বাপেব স্নপুভুব হ’য়ে ব’বে
ফিবে আসতে হ’ল !—তুই একটা ভাল কাপড় পরে আসবি দিদি ?

চন্দ্রা । থাক থাক, আব ভালো কাপড় প’বতে হ’বে না !

উদ্ধব । তা থাক ! তোকে এমনিতেই দেখাচ্ছে পিতামে থানি !
আমাব মাথা খাস দিদি—একটু বাশ টেনে ধর ! ‘নইলে সেও গেল,
তুইও গেল, আমিও গেলাম !

চন্দ্রা । তুমিও উদ্ধব দা ?

উদ্ধব । ও ছোঁড়া যদি গোল্লায যায়, তবে এ বুড়ো বয়সে আমি
কি আর বাঁচব ? নামেই আমি জরদগবের বাপ উদ্ধব, কিন্তু
ভগমান জানেন—ছেলেই বল, বাপই বল, আর দেবতাই বল—ঐ মনিব
ছাড়া কাউকে আমি জানিনে !

চন্দ্রা । তুমি—তুমি কাঁদলে উদ্ধব দা ?

উদ্ধব । কেঁদেছি ত কেঁদেছি ! মোন্দা, তুই একটু রাশ টেনে ধর !

তোর অস্ত্রখের কথা শুনেছে, সে আসবে'খন নিশ্চয়ই! তুই একটু আদর ক'রে, একটু এই—এই—ইয়ে ক'রে—বুঝলি নি দিদি?

চন্দ্রা। (মলিন হাসি) বুঝেছি উদ্ধব দা, সে সব আমি ক'রব এখন! তুমি কিছু ভেবোনা!

উদ্ধব। ঘোড়ার পায়ের আওয়াজ পাচ্ছি! একবার আবার পূজারী ঠাকুরেব কাছে যাব! তাকে বলেছিলাম—রোজ রোজ নারায়ণকে একশো আট তুলসী দিতে! তা, ফাঁকি দিচ্ছে কিনা, কে জানে! (প্রস্থানোত্তত, ফিরিয়া)—তুলসি নি বোন, একটু রাশ টেনে—আর একটু ইয়ে ক'রে—বুঝলি দিদি—আমার দিব্যি রইল— (প্রস্থান)

চন্দ্রা। ওরে বোকা বুড়ো! রাশ যার হাতে, টানবার হয়ত সে টা'নবে! তুই আমি কি ক'রতে পারি?

(বলাদিত্যের প্রবেশ)

বলা। চন্দ্রা! চন্দ্রা!

চন্দ্রা। এসো, আমার কিছুই হয়নি। বোকা উদ্ধব দা—তোমা'র শুধু শুধু কষ্ট দিলে—

বলা। আঁঃ?

চন্দ্রা। সে উৎপলাকে তোমার কাছে দেখেছে, আর তার মাথায় আকাশ ভেঙ্গে প'ড়েছে!

বলা। ওঃ! তবু ভালো!

চন্দ্রা। তুমি ভয় পেয়েছিলে, না?

বলা। চন্দ্রা!

(চন্দ্রা নীরব)

তুমি আমার অনেক উপরে! এ আত্মত্যাগের পথ তুমিই আমার দেখিয়েছ!

চন্দ্রা । পথ দেখিয়েছেন ভগবান !

বলা । এ পথের শেষ কোথায়, তাও তিনিই জানেন ।

চন্দ্রা । শেষ ত বেশী দূবে নয় ! যুদ্ধটা হ'য়ে গেলেই—

বলা । মিহিরকুলের যুদ্ধের কথা বলছ ? সে যুদ্ধের শেষ মানে
আমাদের যুদ্ধের আরম্ভ ! (চন্দ্রা নীরব)

বলা । উৎপলা সেই পর্য্যন্তই অপেক্ষা ক'রবে !

চন্দ্রা । কেনই বা ক'রবে ? উর্শ্বীলাকে ত সে এনে দিয়েছে !

বলা । সে বলে—“সম্রাটের সিংহাসন নিষ্কটক ক'রে দেবার ভার
নিয়েছি আমি ! তা যতদিন না হ'চ্ছে, পুরস্কারের উপর দাবী আমার
নেই !” (স্নান হস্ত) দস্ত ওর অনেকখানি !

চন্দ্রা । যুদ্ধে আমরা জিতব ?

বলা । বিক্রমাদিত্যের পরাজয় আমি কল্পনা ক'রতে পারিনা ।

চন্দ্রা । কেন ?

বলা । পুরাণে দৈব কবচের কথা প'ড়েছি ! সেই দৈব কবচে
আবৃত্ত বিক্রমাদিত্যের দেহ, মন এবং নিয়তি !

চন্দ্রা । কী সে দৈবকবচ, প্রিয়তম ?

বলা । সতীর প্রেম ! তক্ষশীলা থেকে উর্শ্বীলার আগমনই বিক্রমা-
দিত্যের বিক্রমকে আদিত্যের মত ভাস্বর ক'রে তুলেছে !

চন্দ্রা । সম্রাটেরও কি ধারণা যে সতীপ্রেম—

বলা । সম্রাটেরও, আমারও !

(চন্দ্রা নীরবে বলাদিত্যের মুখের দিকে তাকাইল)

বলা । আমারও ! চন্দ্রা আমায় ভালবাসে—এই ধারণার বলে
আমি অপরাধের !

চন্দ্রা । (মৃদুকম্পিত কণ্ঠে) অপরাজ্জেষ ?

বলা । অপরাজ্জেষ ! শত্রুর তরবারি ত তুচ্ছ, উৎপলার প্রলোভনও
আমায় টলাতে পারেনি, পারবে না !

চন্দ্রা । তুমি ত প্রতিজ্ঞা ক'রেছ !

বলা । প্রতিজ্ঞা ক'রেছি ! সে বা চায়, তা পাবে ! সে চেয়েছে
এই দেহ !

চন্দ্রা । দে—হ !

বলা । আর কি ? নর্তকী—সে ভালবাসার কি জানবে ?

(অন্তরালে উৎপলার প্রবেশ ও অবস্থিতি)

বলা । ওরা নিতেই জানে, দিতে জানে না ।

চন্দ্রা । আর, ভাল যে বাসে, সে দিয়ে তৃপ্ত, নিতে চায় না ।

বলা । চন্দ্রা !

[দুইজনে আলিঙ্গনবদ্ধ হইল, উৎপলা নিমিষে নগ্ননে তাহাদের

দিকে চাহিয়াছিল, সহসা কাঁদিয়া দুই হাতে মুখ ঢাকিল,

বলাদিত্য ও চন্দ্রার ধীরে ধীরে প্রস্থান]

(রণধীরের প্রবেশ)

রণধীর । উৎপলা—না ? (অগ্রসর হইয়া) উৎপলা ! উৎপলা !

এ কি ! তুমি কাঁদছ না কি উৎপলা ?

উৎপলা । আমি—(আত্মসম্বরণ করিয়া) একি ! তুমি ?

রণধীর । তুমি কাঁদছ, উৎপলা ? অ—বাক !

উৎপলা । সত্যিই অবাক, নয় ? আমি যে নর্তকী ! যে নিতে
জানে শুধু, দিতে শেখেনি কোনদিন !

রণধীর । কে বললে ? তুমি আমায় দিয়েছ চা'রলক্ষ মোহর—যা

দিয়ে এই বিশহাজার সৈন্ত সংগ্রহ ক'রেছি আমি—উজ্জয়িনীর সিংহাসন দখল ক'রব ব'লে। কে ব'লেছে নর্ভকীরা দিতে জানেনা? তার নাম কর প্রিয়া, এখুনি তার জিভ উপড়ে ফেলে দেব! রণধীরের প্রিয়ার নামে হুঁনাম?

উৎপলা। তুমি রাগ ক'রোনা বন্ধু, কেউ আমার হুঁনাম করেনি।

রণধীর। করেনি? তবে তুমি কাঁদছিলে কেন?

উৎপলা। কাঁদছিলাম—তুমি আমায় কতো—দিন দেখা দাওনি, বল দেখি!

রণধীর। আমি? অ—বাক! তুমি কি সেইজন্ত কাঁদছিলে? কেন? কেন? এই ত পবনুই দেখা হ'য়েছিল! পাঁচীলের ধারে!

উৎপলা। প—রাঁও! তাও পাঁচীলের ধারে! তাতেই যদি আশ মিটত। ওঃ, পুরুষেরা এমনি নির্ভব হয় বটে!

রণধীর। অনেক কাজের ঝগাট প্রিয়া, জানোই ত! ছোটো দিন দেবী করনা আর! সিংহাসনে বসি আগে, তারপর দিনরাত হুঁজনে জোড়া পায়রার মত—হাঃ হাঃ হাঃ—কি বল উৎপলা? হাঃ হাঃ হাঃ—

উৎপলা। হিঃ হিঃ হিঃ—তোমার সিংহাসনে ব'সবার আর কত দেবী বল দেখি? আমার ছাই এমনি মনে হ'চ্ছে—ও দরকার নেই আর আমাদের সিংহাসন দিয়ে, হাত ধরাধরি ক'রে হুঁজনে বনে চ'লে যাই।

রণধীর। এও কি একটা কথা হ'ল উৎপলা? সব আয়োজন ঠিক, এখন বনে গেলে চলে? হুঁদিনের ভিতর যুদ্ধ জয়, মিহির-কুলের মুণ্ডুটি গড়াবে সিপ্রার ধারে, তারপর—বিক্রম—

উৎপলা। বিক্রম—কি—?

রণধীর । বিক্রম কী—তাও আবার জিজ্ঞাসা ক'রছ ? মিহিরকুলের গতিই যদি হয় সিপ্রার ধার,—তবে বিক্রম—বোকা ছোকরা—
হা: হা: হা:—

উৎপলা । হি: হি: হি:—বোকা ছোকরা বিক্রম—

রণধীর । ভাল ক'রে যে তলোয়ার কোমরে বাঁধতে শেখেনি,
হা: হা: হা:—

উৎপলা । হি: হি: হি:—তাই নাকি ?

রণধীর । আপনার ব'লতে যার অবন্তী কোশলে পুরুষবাচ্ছা কেউ নেই—হা: হা: হা:—

উৎপলা । হি: হি: হি:—কেউ নেই—কেউ নেই—

রণধীর । একটি ঠ্যালা মারলে যে গড়িয়ে প'ড়বে গিয়ে সমুদ্রের জলে—হা: হা: হা:—

উৎপলা । শীগগীর শীগগীর তাকে সেই সমুদ্রে ফেলে দেবারই ব্যবস্থা কর ভাই ! আমার আর বিরহ যাতনা সহছে না !

রণধীর । হা: হা: হা:, বিরহযাতনা ! রো'স না ! আগে মিহির-কুলটাকে যমের বাড়ী পাঠাই—তারপর বিক্রমকে—এই কুল্যে একটি ঠ্যালা—

উৎপলা । কারা আসছে যেন এদিকটায় ! আমি পালাই—
তুমি ভাই একটু হাত চালিয়ে নাও । যৌবন যে যেতে ব'সেছে—

(প্রস্থান)

রণধীর । হা: হা: হা:—যৌবন যে যেতে ব'সেছে ! তা গেলে আর ক'রছি কি ! সিংহাসন ত আগে ! হা: হা: হা:—

(প্রস্থান)

[বলাদিত্য ও মহাসেনের প্রবেশ । সঙ্গে কতিপয় সামন্ত ।]

বলা । মিহিরকুলের সম্মুখীন হ'য়ে লড়াই দেবার আশা বুঝি সমূলেই বিনষ্ট হ'ল, মহামাত্য !

মহাসেন । হঁ,—

সামন্তগণ । কেন ? কেন ?

বলাদিত্য । কান্দীর থেকে নূতন ছন সৈন্ত ধেয়ে আসছে, মিহিরকুলের শক্তি বৃদ্ধির জন্ত ।

১ম সামন্ত । মিহিরকুলের সৈন্ত সংখ্যা এখনি ত পঞ্চাশ হাজার—

২য় সামন্ত । তার উপর, আরও যদি—বিশ ত্রিশ হাজার এসে পড়ে—

৩য় সামন্ত । আমাদের সৈন্ত সংখ্যা এদিকে চল্লিশ হাজারের বেশী নয় !

বলাদিত্য । হতাশ হ'লে ত চ'লবে না, সামন্তগণ ! পরিত্রাণের উপায় নির্ধারণ করুন !

মহা । পরিত্রাণ ?— (হতাশভাবে মাথা নাড়িলেন)

বলা । না, ভুল ব'লেছি আমি । শুধু পরিত্রাণ পেলে আমাদের হবে না ! আমাদের ক'রতে হবে যুদ্ধ জয় ! তারই উপায় নির্ধারণ করুন মহামাত্য !

মহাসেন । বাতুলতা ! একটা বালিকার প্রেমে উন্মত্ত হ'য়ে এমন অগ্রস্তুত অবস্থায় মিহিরকুলের রোযানলে লাফিয়ে পড়া সম্রাটের পক্ষে অবिवেচনার কাজ হ'য়েছে !

সামন্তগণ । নিশ্চয় !

(বিক্রমাদিত্যের প্রবেশ)

বিক্রম । সে অবिवেচনার কুফল আশ্বাদনের জন্ত, অনিচ্ছুক

বন্ধুগণকে আমি অজয়গড়ে আবদ্ধ ক'রে রাখব না মহামাত্য ও সামন্তগণ ! যাঁর ইচ্ছা, গন্ধর্বসেনের পুত্রকে পরিত্যাগ ক'রে হন দস্যুদের সাথে মিলিত হ'তে পারেন ।

মহাসেন । আমরা ত তা বলি নি সম্রাট !

বিক্রম । আপনারা যা বলেছেন, তা অবস্খী সম্রাটের আত্ম-মর্যাদাবুদ্ধিকে অতিমাত্র আহত ক'রেছে মহামাত্য ! বালিকার প্রেম ? বালিকার প্রেমের জন্ত রাষ্ট্রবিপ্লবের কাহিনী অল্প কোথাও না শুনে থাকেন, রামায়ণে প'ড়েছেন অবশ্য । আর, অগ্রে প্রস্তুত হওয়া ? ভগবান রামচন্দ্রের পদাঙ্ক অনুসরণ ক'রে, আমিও যথাসম্ভব প্রস্তুত হবার চেষ্টা ক'রেছি বই কি ! তিনিও বনেচর দ্রাবিড়দের নিয়ে বাহিনী গঠন ক'রেছিলেন, আমিও ক'রেছি অবস্খী-কোশলের কৃষক আর শ্রমিক নিয়ে !

মহাসেন । সম্রাট রুষ্ট হ'লেও তাঁকে সুপরামর্শ দেওয়া কর্তব্য আমাদের । আমাদের পরামর্শ—সম্রাট আপাততঃ যুদ্ধ চিন্তা ছেড়ে সন্ধির প্রস্তাব করুন !

বিক্রম । সন্ধি—?—সন্ধি আমরা ক'রব না, ক'রব যুদ্ধ !

সামন্তগণ । যুদ্ধ ? (হতাশাব্যঞ্জক ভঙ্গী)

(উৎপলার প্রবেশ)

উৎপলা । সম্রাট ! মা-জী আপনাদের সকলের জন্ত মন্ত্রণাগৃহে অপেক্ষা ক'রছেন !

বিক্রম । মহামাত্য ! সামন্তগণ ! আপনারা অগ্রবর্তী হো'ন—আমি আর বলাদিত্য এখুনি আসছি— (মহাসেন ও সামন্তগণের প্রস্থান)

বিক্রম । উৎপলার সন্মুখে মন্ত্রগুপ্তি অনাবশ্যক বহু ! শোনো—
বলি । যুদ্ধ আমরা ক'রব—এবং আজই ক'রব !

বলা । আজই ?—অতর্কিতে ?

বিক্রম । হাঁ, কাশ্মীর থেকে নবাগত ছনবাহিনী মিহিরকুলের সঙ্গে এসে মিলিত হবার পূর্বেই, মিহিরকুলের স্তম্ভিমগ্ন শিবিরে অতর্কিতে হানা দেব আমরা । আজই রাত্রে ! বিলম্ব নয়, দ্বিধা নয়, ‘যদি-’র দৃষ্টিস্তা নয় !

বলা । না, নিশ্চয়ই না ! বিলম্ব, দ্বিধা এবং দৃষ্টিস্তা—ওসব কাপুরুষের জ্ঞা ! আমাদের জ্ঞা জয় বা মৃত্যু ! (প্রস্থানোত্তত)

উৎপলা । একটু অপেক্ষা করুন সম্রাট ! ‘জয় বা মৃত্যু’ ! মৃত্যুর আশঙ্কাও যখন আছে—

বিক্রম । নেই—তা কি ক’বে ব’লব উৎপলা ?

উৎপলা । তা হ’লে আমার পুরস্কার ?

বিক্রম । উৎপলা !

উৎপলা । যা চেয়েছিলাম, তা যদি-না-ই পাই,—অগত্যা—

বিক্রম । কি—বল !

উৎ । ঐ মাথার মুকুটটা সম্রাট যদি—প্রসন্ন হ’য়ে পুরস্কার দেন—

বলা । সম্রাটের মাথার মুকুট ?—উৎপলা !

বিক্রম । উৎপলাকে অদেয় বিক্রমাদিত্যের কিছু নেই । এই নাও সখি— (মুকুট প্রদান)

উৎ । আমার ‘সখী’ ব’লে সম্বোধন ক’রলেন সম্রাট ?—যে নর্তকী—(রুদ্ধ কণ্ঠ)—নর্তকী, যে ভালবাসতে জানে না—শুধু নিতে জানে, দিতে জানে না (প্রস্থান)

বিক্রম । বলাদিত্য, কি ব’ললে উৎপলা ?

বলাদিত্য । (ক্ষণকাল নীরব) কী জানি !—সম্মুখে বৃদ্ধ—বিক্রম !—

বিক্রম । হ্যা, বৃদ্ধ—!—চল !— (উভয়ের প্রস্থান)

চতুর্থ দৃশ্য

মিহিরকুলের শিবিরে প্রমোদ কক্ষ

মিহিরকুল, সৈন্যাদ্যাক্ষগণ ও নর্ত্তকীগণ ।

নৃত্য গীত ।

মিহির। আবার—আবার! বিজয়োল্লাসে সৈন্য শিবিরে মুখর
ক'রে তোলে যৌবনোৎফুল্লা রঙ্গিনীগণ! তোমাদের নৃত্যচপল নৃপূর
শিজিনী মিহিরকুলের শত্রুর কাণে মৃত্যু-দূতের আহ্বানের মতই ভয়াল
হ'য়ে বেজে উঠুক !

নৃত্য গীত ।

অসি বাজে বন্ বন্,

তুরী ভেরী গরজন—

করি ও তুরগে চলে বীর !

এ সময়ে আঁখি বাণ

হান্ সখি তারে হান্—

সব চেয়ে উচু যার শির !

রণভূমি রাঙ্গা অরিরক্তে,

চরণ রাঙ্গিয়া সে—অলক্তে,

নেচে চল্ নেচে চল্

কন্ চঞ্চল,

অস্তর রণ-বিজয়ীর !

(রুদ্রদমনের প্রবেশ)

রুদ্র। সম্রাটের জয় হো'ক !

মিহির। (লাফাইয়া উঠিয়া) রুদ্রদমন !

রুদ্র। প্রভুর প্রাপ্য সম্মান প্রদানে অগ্রণী হ'য়ে প্রভুভক্ত ভৃত্য
কি প্রভুর বিরাগভাজন হ'ল ?

মিহির। সম্রাট—আমি ?

রুদ্র। আপনি নন, তবে কে ? রুদ্রদমনেব মত বীর বিজোহীর
সেবক ব'লে লোকসমাজে পরিচিত হ'ক, এই কি আপনার ইচ্ছা ?
অন্ততঃ আমার মুখ রক্ষার জন্তও আপনাকে সম্রাট হ'য়ে ব'সতে হবে ।

সৈন্যাধ্যক্ষগণ। আমাদেরও, আমাদেরও, রাষ্ট্রপাল !

রুদ্র। আর রাষ্ট্রপাল নয় ! সম্রাট ! সকলে বলুন—জয় সম্রাট
মিহিরকুলের জয় !

সকলে। জয় সম্রাট মিহিরকুলের জয় !

মিহির। রুদ্রদমন !—তোমার প্রস্তাব—আমি চিন্তা করে দেখি
একটু !—সৈন্যাধ্যক্ষগণ ! তোমরা আনন্দ কর ! সিংহাসন সম্বন্ধে আমার
সতামত—আমি পরে এসে তোমাদের ব'লছি ! (প্রস্থান)

ভেরামল। রুদ্রদমন ! তুমি ধূর্ত !

রুদ্র। ধূর্ত ?

ভেরা। তোমার শিবিরে দশ হাজারের স্থানে বিশ হাজার সৈন্ত
কেন—আজই না রাষ্ট্রপাল তার কৈফিয়ৎ চেয়েছিলেন তোমার কাছে ?

রুদ্র। কী যে বল ! কোথায় দশ হাজার সৈনিক ? দশ হাজার
খা'কবার কথা—হ' এক হাজার হয় ত কোনক্রমে বেড়ে গিয়ে থাকতে

পারে।—কই হে রূপসীরা! তোমরা চুপ চাপ দাঁড়িয়ে ক'রছ কি? হাত-পা খেলাও! বীরের শিরায় রক্ত গরম হ'য়ে ওঠে, এমন কিছু নাচটাচ দেখাও!

[নর্তকীগণের অসিনৃত্য—নৃত্যশেষে মঞ্চ অঙ্ককার হইয়া আসিল, সকলের প্রস্থান। প্রাণাঙ্ককার কক্ষে কুলকর্ণি সহ মিহিরকুলের প্রবেশ]

মিহির। আমার ভুল হ'তে পারে না। শত্রুশিবিরে চাঞ্চল্য লক্ষ্য ক'রেছি। তুমি একদিকে যাও, আমি একদিকে যাই! সন্দেহজনক কিছু দেখলে তৎক্ষণাৎ ভেরী বাজাবে।

কুলকর্ণি। শত্রুর কি এত সাহস হবে যে—

মিহির। শৈশব থেকে বিক্রমের খেলার সাথী বুনো বাঘ। সাহস তার হ'তে পারে। কিন্তু সে সাহসের পরিণাম হবে—আগুনে ঝাঁপ দিলে পতঙ্গের যা পরিণাম হয়, তাই। কল্যাকার প্রভাতসূর্য্য পূর্বাকাশ থেকে যে পৃথিবীর পানে রক্ত চক্ষু মেলে চাইবে, সে পৃথিবী হবে বিক্রমবিহীন পৃথিবী! (উভয়ের প্রস্থান)

[অগ্ৰমনস্কভানে রুদ্রদমনের পুনঃপ্রবেশ ও হুরাপান]

রুদ্র। কে হবে সিংহাসনের অধিকারী? মিহিরকুল? না, বিক্রমাদিত্য?

(উৎপলার প্রবেশ—তাহার ওড়নায় ঢাকা মুকুট)

উৎপলা। না, বিশহাজার সৈনিকের অধিনায়ক রুদ্রদমন?

রুদ্র। উৎপলা!

উৎ। তোমারই দেওয়া এই আংটি দেখিয়ে শিবিরে ঢুকেছি— শুধু—তোমায় একটি উপহার দেব ব'লে। (মুকুট বাহির করিয়া)—নেবে, বহু?

রুদ্র । আ-শ্চর্য্য !—সম্রাটের মুকুট ?

উৎ । সম্রাটের মুকুট ! কোথায় পেয়েছি, কেমন ক’রে পেয়েছি, জিজ্ঞাসা ক’রো না ! তার সময় নেই ! এই সম্রাটের মুকুট, তুমি নেবে ? মাথায় প’রবে ?—তোমারই জন্ত এনেছি !

রুদ্র । আমারই জন্ত ? আমারই জন্ত মুকুট ?

উৎ । হ্যা, তোমারই জন্ত মুকুট, তোমারই জন্ত সিংহাসন ! দ্বিধা ক’রো না, বিলম্ব ক’রো না, তার সময় নেই ! বিক্রমাদিত্য রাজ্রির অন্ধকারের স্রবোগে তোমাদের শিবির আক্রমণ ক’রেছে । সিংহাসন যদি চাও, সিংহাসনের পথ পরিষ্কার কর—সে পথের প্রধান অন্তরায় মিহিরকুলকে অপসারিত ক’রে !

রুদ্র । মিহিরকুল—আমার প্রভু—আমার কৃতজ্ঞতা ?

উৎ । আগে সিংহাসনে ব’সো, তারপর মিহিরকুলকে প্রাণদণ্ড না দিয়ে তাকে একটা রাজ্যখণ্ড পুরস্কার দিও ! জগৎ জুড়ে ডঙ্কা বা’জবে তোমার কৃতজ্ঞতার ! দুর্বল যে, প্রভুর পদানত যে, তার কৃতজ্ঞতার মূল্য কি ? মর্যাদা কতটুকু ?

[নেপথ্যে ভেরীধ্বনি, কোলাহল]

ও কি ? ও কি ?

উৎপলা । শত্রুর আগমন জ্ঞানতে পেরে ভেরীধ্বনি ক’রেছে মিহিরকুল ! এক্ষুনি তুমুল যুদ্ধ বা’ধবে ! সে যুদ্ধে—

রুদ্র । আমি হব নিরপেক্ষ দর্শক বিশহাজার সশস্ত্র সৈনিক নিয়ে ! দাও মুকুট !

উৎপলা । না, নিরপেক্ষ দর্শক নয়, তুমি যুদ্ধ ক’রবে বিক্রমাদিত্যের পক্ষে ! প্রতিজ্ঞা কর !

রুদ্র । প্রতিজ্ঞা ক'রছি ঈশ্বরের নামে ! দাও মুকুট !

উৎপলা । মুকুট আমার কাছে থাক ! মুকুট মাথায় দিয়ে তুমি বিক্রমের পক্ষে যোগ দিতে পার না । মিহিরকুল বন্দী হ'ক, তখন আমি নিজের হাতে এই মুকুট পরিয়ে দেব তোমার মাথায় ! মুকুটও তোমারই জন্য রইল, সিংহাসনও রইল তোমারই জন্য ! এস, যুদ্ধ বেধেছে ! তোমার স্থান, তোমার স্থান বিক্রমাদিত্যের পার্শ্বে !

(রুদ্রদমনকে টানিয়া লইয়া প্রস্থান)

[নেপথ্যে ঘন ঘন তুর্ধ্যধ্বনি, জয়গোলাস]

(মিহিরকুলের প্রবেশ)

মিহির । কোথায় রুদ্রদমন ? কোথায় গেল সে বিশ্বাসঘাতক ? এই সঙ্গীন মুহূর্তে—আমি নিজে চালনা ক'রব রুদ্রদমনের সৈন্ত । দেখি মিহিরকুলের আদেশ অগ্রাহ্য ক'রবার সাহস কার আছে !

(ভেরামলের প্রবেশ)

ভেরা । রাষ্ট্রপাল ! রাষ্ট্রপাল !—রুদ্রদমন—

মিহির । রু-দ্র-দমন ?

ভেরা । শত্রুপক্ষে যোগ দিয়েছে !

মিহির । হে ঈশ্বর ! সিংহাসন চাই না, উর্ষীলাকে ফিরিয়ে চাই না—চাই রুদ্রদমনের হৃদয় শোণিত ! (প্রস্থান)

দৃশ্যান্তর

(উৎপলা ও রুদ্রদমনের প্রবেশ)

রুদ্র । এইবার, এইবার উৎপলা, মিহিরকুল ত পরাজিত ! আমি তা হ'লে এইবার বিক্রমাদিত্যকে আক্রমণ করি ?

উৎপলা । মিহিরকুল পরাজিত, কিন্তু বন্দী নয় । তাকে বন্দী না ক'রে তুমি বিক্রমকে আক্রমণ ক'রতে পার না । কারণ অনতিদূরেই র'য়েছে কাশ্মীর থেকে আগত নতুন হন সৈন্ত । তাদের সঙ্গে একবার যদি মিলিত হ'তে পারে মিহিরকুল, সে আবার হ'য়ে উঠবে দুর্জয় । একসঙ্গে মিহিরকুল আর বিক্রম—দু'টো শত্রুর সাথে তুমি যুঝবে কি ক'রে ?

রুদ্র । তবে ? মিহিরকুলকেই বন্দী ক'রবার চেষ্টা করি ?

উৎপলা । কী আশ্চর্য্য বুদ্ধি তোমার ! ক'রতেই হবে বন্দী !

রুদ্র । কাশ্মীর সৈন্ত কোথায় কতদূরে আছে, আমি জানি । মিহিরকুল সেইদিকেই ধাবিত হ'য়েছে নিশ্চয় !

উৎপলা । তবে আর দেরী নয় ! তাকে ধ'বে আনো আগে !

রুদ্র । একশো, একশো মাত্র সেপাই নিয়ে আমি মিহিরকুলকে ধ'রে আনতে চ'ললাম উৎপলা ! ধ'রবই তাকে, জীবিত কি মৃত !

(প্রস্থান)

(রণধীরের প্রবেশ)

রণধীর । মিহিরকুল পালিয়েছে উৎপলা ! আমি তা হ'লে এইবার বিক্রমকে বন্দী করি ?

উৎপলা । তোমার জন্তই আমি অপেক্ষা ক'রছি রণধীর ! কোথায় পরাজিত মিহিরকুল ? ক্ষণিকের প্রলোভনে রুদ্রদমন তার প্রভুকে ত্যাগ ক'রেছিল, এখন সে অতৃপ্ত চিন্তে আবার ছুটেছে প্রভুকে ফিরিয়ে আনবার জন্ত । মিহিরকুল রুদ্রদমন যদি মিলিত হয়—

রণধীর । সর্বনাশ ! তা হ'লে আবার যুদ্ধ হবে ! রুদ্রদমনের সৈন্ত বিশ হাজার, অদূরে কাশ্মীর থেকে নবাগত হনসৈন্ত বিশ হাজার, দু'পক্ষ মিলিত হ'লে—

উৎপলা । একশো মাত্র সৈনিক নিয়ে রুদ্রদমন ছুটেছে মিহিরকুলকে ফিরিয়ে আনবার জন্য । তুমি সৈন্য নিয়ে রুদ্রদমনকে আটক কর রণধীর !

রণধীর । হু'শো সৈনিক নিয়ে আমি মিহিরকুল আর রুদ্রদমনকে বন্দী ক'রতে যাচ্ছি উৎপলা ! মিহিরকুল আর রুদ্রদমন—জীবিত—কি মৃত ! (দ্রুত প্রস্থান)

(বলাদিত্যের প্রবেশ)

বলা । মা-জীকে দেখেছ উৎপলা ? তিনি আমায় ডেকে পাঠিয়েছেন শুনছি, কিন্তু কোথাও দেখতে পাচ্ছি না তাঁকে !

উৎপলা । তিনি উত্তর তোরণে ছিলেন ত !

বলা । উত্তর ?—(প্রস্তানোগত)

উৎপলা । দাঁড়াও বলাদিত্য ! আমার হ'টো কথা আছে—

বলা । কী কথা উৎপলা ? আমি ত শপথ পালনের জন্য সর্বদাই প্রস্তুত ! তুমি—অপেক্ষা কর—আমি এগুনি ফিরে আসছি !

উৎ । ফিরে এসে দেখ যদি আমি নেই ?

বলা । উৎপলা—

উৎপলা । তুমি খুব খুসী হবে বোধ হয়—কেমন ?

বলাদিত্য । না, না, না, একি কথা উৎপলা ?

উৎপলা । খুসী হবে না ? চন্দ্রার সিংহাসন—তোমার হৃদয়ের রাজ্যে চন্দ্রার যে সিংহাসন—তার অধিকার নিয়ে আর কেউ কলহ ক'রতে আসবে না, একথা চিন্তা ক'রেও তুমি খুসী হবে না ?

বলা । একথা কেন উৎপলা ? আমি ত শপথ ক'রেছি !

উৎপলা । হ্যাঁ, শপথই ক'রেছ, আর কিছু কল্প নি ! (ভয়কর্মে)
কেমন ক'রে ক'রবে ? একি পারা যায় ? নর্তকী—যে শুধু নিতে জানে,

দিতে জানে না—তাকে কি ভালবাসা যায় ? সেও যে চন্দ্রারই মত
মামুষ একটা—এ কথা কি স্বপ্নেও ভাবতে পারা যায় ? না, তা যায় না
বন্ধু ! আমি সেজন্য তোমায় দোষী করি না বলাদিত্য, দোষী আমার
ভাগ্য— (প্রস্থানোচ্ছতা)

বলা । উৎপলা, শোনো, দাঁড়াও—

উৎপলা । (ফিবিয়া) কী শুনব ? চন্দ্রা তোমার, তুমি চন্দ্রার—
আমি কে ? আমার কাজ শেষ হ'য়েছে, আমি যাই !

বলা । না—না—না—

উৎপলা । 'না' কেন বন্ধু ? এক বিন্দু ভালোবাসাব ভিখারিণী হ'য়ে
তোমাব দ্বাবে এসেছিলাম, তা দেবার শক্তি তোমার নেই ! কিসের
মোহে আব আবদ্ধ হ'য়ে থা'কব ? নর্তকী, বিলাসিনী ! তবু যে আমি
নারী ! ভাল বা'সবাব, ভালবাস লাভ ক'রবাব আকুল তৃষ্ণা যে আমার
প্রতি বক্তৃকণায় সজীৱ ! দেহ নিষে অনন্ত ছিনিমিনি খেলার অবসরে,
অন্তর যে আমার একটা বাহিত পুরুষের আগমনের আশায় তপস্বিনী
সেজে সেই কোন্ এক কৈশোর উষা থেকে পূজার ডালি সাজিয়ে ব'সে
আছে ! বাহিত পুরুষ তুমি এলে, কিন্তু অন্তরের সে পূজা নিলে না ত
তুমি ! আমি কেন আর থা'কব ? কেন মরীচিকায় গুহুতালু হ'য়ে
অ'লে ম'রব ? কেন গুহু কৃতজ্ঞতার বিক্রপ তোমাদের কাছে লাভ
ক'রে আমার দিক্ত নারীত্বের অভিসম্পাতে তিলে তিলে তুযানল সইব ?
তার চেয়ে—বিজন বনে, দেবতার চরণধ্যানে, দেখি যদি শাস্তি পাই,
দেখি যদি ভুলতে পারি, দেখি যদি ভগবানের করুণা লাভ ক'রতে
পারি—যে-করুণায়—শতজন্ম পরে হয় ত চন্দ্রা ও উৎপলা এক সাথে মিশে
একটি মাত্র নারী সৃষ্টি হবে—একটি মাত্র নারী, বলাদিত্যের একটি

প্রিয়তমা—নাম তার চন্দ্রা নয়, নাম তার উৎপলা নয়, নাম তার শুধু
বলাদিত্যের প্রিয়তমা !

বলা । উৎপলা ! উৎপলা !

(হাত ধরিল)

উৎ । উঃ, না ! আমি—আমি—এত—আত্মহারা কেন হ'লাম
আমি ? যাও বন্ধু, বহু কাজ তোমার সম্মুখে ! আব আমার সম্মুখে
—দীর্ঘ—অতিদীর্ঘ মরুপথ ! বিদায়, চিরবিদায় ! চিরবিদায় বন্ধু !

(প্রস্থান)

(বলাদিত্য বিষমভাবে দাড়াইয়া রহিলেন)

দৃশ্যান্তর

এক বিজ্ঞান কক্ষ পার্শ্বত্যা পথ, প্রায়াক্ষকাব ।

গুপ্তারনাথ

(গান)

মরুপ্রান্তর জলে থর থরিকরে,

আকুল পিয়াস বিন্দু বারির তবে !

কোথা জীবন-অমৃতবারি,

কাদে দিগ্ভোলা পথচারী,

আগুন বাতাস খসিছে মুখের পরে !

আর কত দূরে আছে আশ্রয়,

বনছায়াঘন শান্তি-নিলয়,

হতাশ পথিক আঁখিজলে,
 দিশা নাহি পায়, কেঁদে বলে,
 “কোথা আছে প্রেম ? নাই, নাই চরাচরে !”
 (প্রস্থান)

[ছিন্নবসনা উৎপলা ক্লাস্তচরণে প্রবেশ করিয়াই, কাঁপিতে কাঁপিতে পড়িয়া গেল]

উৎপলা । তৃষ্ণা ! বড় তৃষ্ণা ! জীবনব্যাপী তৃষ্ণা ! কে দেবে এই
 অভাগিনীর মুখে একবিন্দু তৃষ্ণার জল ?

(ওঙ্কারনাথের প্রবেশ)

ওঙ্কার । জল কেন, অমৃত দেবার জগুই ত দেবতা তোমায় একদিন
 ডেকেছিলেন, উৎপলা ! সেদিন তুমি তা নাওনি ! দেবতাকে ত্যাগ
 ক’রে গিয়েছিলে—প্রেমের আশায় ! ভুল ক’বেছিলে ! তবে ক্ষতি
 হয়নি সে ভুলে ! দেবতার মন্দিরদ্বার এখনো তোমার জগু মুক্ত !
 তুমি ফিরে চল মা সেই অমৃতের উৎসে !

উৎ । প্রভু ! প্রভু !

ওঙ্কার । ভুল ক’রেছিলে, কিন্তু ভুলের রাজ্যে বিচরণ ক’রতে
 ক’রতে দৈবাৎ দূরাগত সত্যের আলোকও এককণা দেখতে পেয়ে-
 ছিলে তুমি ! ত্যাগের মহিমা তুমি উপলব্ধি ক’রেছ, সেই উপলব্ধিই
 পরিত্যক্ত সাধনার পথে আবার ফিরিয়ে এনেছে তোমায় ! এস মা
 তোমার নিজ স্থানে ফিরে !

উৎপলা । আমার আশ্রয় দিন প্রভু !

ওঙ্কার। দেব ব'লেই এসেছি। মহাকাল মন্দিরে আর তোমার
নিয়ে যাব না, চল যাই হিমালয়ের নিভৃত সাধনক্ষেত্রে! উজ্জয়িনীতে
তোমার কাজও ফুরিয়েছে, আমারও! চল, যাই—

উৎপলা। শান্তি পাব?

ওঙ্কার। দেবতার ভিতর প্রিয়কে পাবে, কন্যা! এস, যাই!

ওঙ্কারনাথের গান।

ওরে পথ-ভোলা মোর পাশে আয়,

দিব সন্ধান, অমৃত কোথায়,

নিয়ে যাব সুধা-নদীকূলে,

দেবতার দ্বার দিব খুলে,

ককণায় যার সকল তৃষ্ণা হবে।

(উভয়ের প্রস্থান)

পঞ্চম দৃশ্য

বিক্রমাদিত্য কর্তৃক অধিকৃত মিহিরকুলের শিবির।

[নেপথ্যে সৈনিকগণের আনন্দোল্লাস]

দুইজন প্রহরীর প্রবেশ।

১ম প্রহরী। কি ক'রে ধরা প'ড়ল—মিহিরকুল ?

২য় প্রহরী। বেদম চোট লেগেছিল মাথায়—হুঁস ছিল না। মড়ার
বাদায় প'ড়েছিল। মড়া সব সরা'তে গিয়ে—

১ম প্রহরী। ম'রবে না কি ?

২য় প্রহরী। নাঃ, এখন চাক্ষা হ'য়ে উঠেছে—

(উভয়ের প্রস্থান)

শিবানীবাঈ, বিক্রম, চন্দ্রা ও উম্মিলার প্রবেশ।

উম্মিলা। সস্ত্রাট !

বিক্রম। উম্মিলা !

উম্মিলা। উৎপলাকে ফেরাও সস্ত্রাট ! কোথায় গেল সে, তন্ন
তন্ন ক'রে সন্ধান কর সারা ভারতে !

বিক্রম। না—

উম্মিলা। না ? সস্ত্রাট !

বিক্রম। এ চরম পথ অবলম্বন উৎপলারই উপযুক্ত ! তাকে আমরা
বাধা দেব কোন্ মুখে ?

চন্দ্রা। বাধা দেব না ? তাকে ফিরিয়ে আ'নব না ? উম্মিলাকে
যে উদ্ধার ক'রে এনেছিল, তাকে আমরা অনাদরে চ'লে যেতে
দেব ? আমরা যে শপথ ক'রেছি !

বিক্রম। সে যে শপথ থেকে আমাদের সবাইকেই মুক্তি দিয়ে
গেল—চন্দ্রা! সে আমাদের শুধু দিতেই এসেছিল, নিতে আসে
নি কিছুই! কিছুই ক'রবার নেই চন্দ্রা! এস—আমরা এইখান
থেকেই উদ্দেশ্যে তাকে শ্রদ্ধা জানাই—

(সকলে উদ্দেশ্যে অভিবাদন করিলেন)

(বলাদিত্যের প্রবেশ)

বলা। মা—জী! মা—জী!

শিবানী। বলাদিত্য!

বলা। মা—জী, আমি আপনার পুত্রহন্য! অভিসম্পাত করুন
আমায়!

শিবানী। পু—ত্র—হ—তা?

বলা। রণধীর আর রুদ্রদমনকে ধৃত ক'রবার জহা—

শিবানী। আমিই ত আদেশ দিয়েছিলাম তোমায়! নর্তকী
উৎপলার মুখে তাদের ঘৃণিত চরিত্রের কথা শুনে—

বলা। ধৃত ক'রবার সময়ে ঘোর যুদ্ধে রুদ্রদমন, রণধীর হু'জনাই—

শিবানী। হু'জনাই?—(ক্রণকাল নীরব) দুঃখ করিনা পুত্র!
একদিন তোমায় বলি নাই—রণধীর আমার দেহের পুত্র, আমার পুত্র
আমার ঐ বিক্রম? সে পুত্র ত আমার এখনো জীবিত!

বিক্রম। মা—জী! মা!

শিবানী। এই তৃপ্তি! আমি বিক্রমাদিত্যের মা—এই আমার
গৌরব!

[বন্দী মহিষকুলকে লইয়া সৈনিক মহাসেনের প্রবেশ]

শিবানী। সম্রাট! এই তোমার আততায়ী—শত্রু—ভূতপূর্ব রাষ্ট্র-

পাল মিহিরকুল। সিংহাসনের লোভে যে তোমার প্রতিদ্বন্দ্বিতা ক'রতে গিয়েছিল, তাকে চরম দণ্ডে দণ্ডিত কর বিক্রমাদিত্য !

বিক্রম। সিংহাসনের জন্য প্রতিদ্বন্দ্বিতা ! সিংহাসনের জন্য হৃদয় মিহিরকুলে ও বিক্রমাদিত্যে, সিংহাসনের জন্য হৃদয় চন্দ্রা ও উৎপলায় ! এ হৃদয় মানুষের প্রকৃতিজাত ! এ জন্য কাউকে দণ্ডিত করা চলে কি ?

শিবানী। বিক্রম !

বিক্রম। এক নর্তকী পরাজিত প্রতিদ্বন্দ্বীকে সিংহাসন দান ক'রে চ'লে গেল ! আর বিক্রমাদিত্য—রাজবল্লভ যার শিবায় শিরায় বহমান—সে কি এতই ভীক, এতই লোভী যে পরাজিত শত্রুকে সে পৃথিবী থেকে অপসাবিত ক'রবে—নিজের ভবিষ্যৎ নিরাপদ ক'রবার জন্ত ? হননায়ক মিহিরকুল ! মুক্ত আপনি !

মিহির। বিক্রমাদিত্য ! বিক্রমাদিত্য !

বিক্রম। আপনি বীরকুলতিলক ! আপনার এ দু'দিনের ভ্রম আমাদের ভুলে যাবার সুযোগ দিন, সাম্রাজ্যের কল্যাণে আপনার অতুলনীয় শক্তি আন্তরিক ভাবে নিয়োগ ক'রে !

মিহির। (ক্ষণকাল নীরব) না সন্ন্যাস ! তার প্রয়োজন নেই, মুক্তিই যদি দিয়েছ, তবে অবসরই আমায় দাও তুমি ! ভারতগগনে নব আদিত্যের উদয় হ'য়েছে, বৈদেশিক হনের সেখানে স্থান কোথায় ?

বিক্রম। ভারত কাউকে পর বিবেচনা করেনি কোনদিন ! মাতৃ-স্নেহে সে অঙ্কে ঠাঁই দিয়েছে বিভিন্ন জাতির শরণার্থীকে !

মিহির। সেভাবে শরণ নিতে আমি ত সক্ষম নই সন্ন্যাস ! আমি বীরস্বাভিমানী ! ভারতে থাকতে চেয়েছিলাম বিজয়ীর মর্যাদা নিয়ে,

স্বাতন্ত্র্য বজায় রেখে ! তা যখন হ'লনা, আমার বিদায় দাও তুমি !
কাশ্মীরে আমার প্রভুত্ব এখনও অক্ষুণ্ণ, সেখানেই চ'লে যাই আমি !

বিক্রম । তবে তাই যান ! কিন্তু এটাও জেনে যান, কাশ্মীরও
ভারতেরই অংশ, এবং ভারতের নব আদিত্য বিক্রমাদিত্য সেখান
থেকেও অচিরেই উচ্ছেদ ক'রবে বৈদেশিক প্রভুত্বের !

মিহির । আমি কাশ্মীরের নব রণাঙ্গনে তোমার বিভয়বাহিনীর
প্রতীক্ষা ক'রব বিক্রমাদিত্য ! জানি—তোমার এ নব উদ্যমে বাধা
দেবার শক্তি কাশ্মীরেও আমার হবেনা, তবু—ঐ যে ব'ললাম—বীরত্বের
অভিমান ভুলতে পারিনা, জীবনপথে শেষ পর্য্যন্ত চেষ্টা ক'রব—স্বাতন্ত্র্য
রক্ষা ক'রবার ! বিদায় ! তোমার উদারতার বিনিময়ে শুভকামনা
জানিয়ে যাই—অথও ভারতের একচ্ছত্র রাজচক্রবর্তী হ'য়ে অতুল গৌরব
লাভ কর তুমি বিক্রমাদিত্য !
(প্রস্থান)

—সবনিকা—

